

Luk

Ölöwak Buja Luknön ohoyök.

Jim-asa-asari

Urumelej yejon miti dölökji qahö memba kazei, dokta Luknönji mi azi öngöngöngji Tiofilusgöra kondelmamgöra aka Ölöwak Buja ki ohoyök. Luk yañon Jisösgö gwarekji 12 yengöreñök kun qahöpmö, Grik azia aka kawöl ambazip mem ölöwak nupnön malök. Luknön Jisösgö könañi yahöt kewö kondel neñgiza: 1) Anutunön Amötqeçe Tonji melaimamgö keu jöhöiga Israel yengöra asuhuyök, 2) Yañon mönö kantriñi kantriñi mem ölöwak neñgimamgöra kayök. Kembugö Uñañan Jisös oholiga “ambazip etqeceñi yengöra Ölöwak Buja” jim asariyök. Ambazip yuai könañi könañi miangöra osigeri, Jisösnön yengöra waimanjat möta bauköm engiba malök. Luknön kösohot mewönji sehisehiñi areggöba ohom teköyök. Luknön sösongaigö kösohotji gwötpuk ohoyök. Jisösnön mutuk gölmenön erök aka teteköñe miangöreñ gölme mosöta Suepnön öngöyök. Miangöra sösongai sehisehiñi mi boñ 1-2 aka boñ 24 miangöreñ ahöza. Jisösnön Suepnön öngöiga Buja nup mem sehigetka mötnarip kambunön qariba qariba anök. Luknön miangö kösohotji mi buk qetji “Aposol nup meme” miangöreñ ahöi ahöza.

Luknön Ölöwak Buja ohoyöhi, miangö keu bohonñi mi kewö dop köla ali ahöza: Köuluk nup megetka ölni asuhuyök, Uña Töröñan ambazip sölölohöm engii malget, Ambi yejon Jisösbuk nup gwötpuk nañgöba meget, Anutunön siñgisöndokñini mosöta malök.

Buk kiangö bahöñi bohonñi 8 mi kewö:

Buk kiangö könañi Luknön ohoyök boñ *1.1-4*

Jon O-melun azi aka Jisös asuhuba qariyohot *1.5-2.52*

Jon O-melun azinön Anutugö nup meyök *3.11-20*

Jisös o melun mem wanjiiga esapesap miwikñaiyök *3.21-4.13*

Jisösnön qenjarök nupñi Galili prowinsnön meyök *4.14-9.50*

Galili mosöta köna anda Jerusalem angorök *9.51-19.27*

Jerusalem angota sonda qöndökñi malök *19.28-23.56*

Wahöta asuhum engiba Suepnön öngöyök *24.1-53*

Matyu Mak Jon yejon kösohot tosatji qahö ohogeri, mi Luknön nanjök ohoi bahöñi 2 aka 6 miangöreñ ahöza. Kösohot tosatji mi kewö: Garata yejon

lijet kölget, Lama galöm yejön Jisös asuhuiga kaba eket, Jisösnöñ moröröpñe jöwöwöl jikenöñ öñgöyök, Samaria azinöñ gurusep azi ak kömum wangiyök aka nanñi imbi-imbi azinöñ siñgisöndoknöñ geba sohoyöhi, miangö dopkeu.

Luknöñ kimbi Tiofilusgö ohoyök.

1 ¹Kezapqetok ambazipnöñ Amötqeqe Tonji ahumapkö keu jigetka miangö ölni sutnine asuhuyöhi, ambazip gwötpukñan miangö kösohotñi könahiba ohoget. ²Yuai ölni mi sutnine asuhuiga tosatñan mi könakönahineyök könahiba kota nanñine jeñinan eka möt yakögeri, yejön miangö dop miangö buzupñi toroqeba jim sehigetka kezapnine geba nanine buñaya ahök. Ambazip mewöñi yejön Buña mi könahiba papianöñ ohoba areñgöget ahöza.

³Nöñön mewöyök yuai pakpak asuhuba koröhi, mi törörök qesim eñgibi könañeyök könahiba jigetka möt kutuzal. O Tiofilus nöñön göhöra mötpi öñgöñgöñi akzan. Nöñön göbuk keu eraum mötpitkö mötpi ölöwahiga Jisösgö kösohotñi mi körekñanök areñgöba ohozal. ⁴Buña keu ölni kusum gihigetka mötzani, göñön miangö könañi oyoñda körekñanök möt kömuman. Mewö.

Jon asuhumapkö keuñi Geibrielnöñ jiyök.

⁵Judia prowinsgö kiñ qetñi Herod yañgö nalöñe azi kun qetñi Zekaraia malök. Yañön jike nup galöm mala Abaiagö nup areñnöñ kinök. Anömñi qetñi Elisabet yañön mewöyök jike nup galöm Arongö gwölönarökñi kun ahök. ⁶Yekñön Anutugö jeñe malmal diñdiñi mala Kembugö jöjöpañ keu aka jimkutukutuñi pakpak törörök wuatangöba köpösihitkö keuñiri qahö malohot. ⁷Malohotmö, Elisabetnöñ köpingöra gwölönarökñiri qahö mala ambazip namñi ahot.

⁸Nalö kunöñ Abaiagö nup areñ nalöñan kaiga Zekaraianöñ jike nup galöm nup memapköra Anutugö jemesoholñe kañgorök. ⁹Kañgoriga jike nup galöm yejön aiakanjini wuatangöba sutñine nup mendeñda Zekaraia mekögetka Kembugö altanöñ öñgöba jiniñ wörönñambuk ohoyök. ¹⁰Jiniñ wanafu ohoho nalöñan kam kuñguiga yañön yuai wörönñambuk mi ohoiga ambazip kambu pakpak yejön jöwöwöl jike yaigepñe mamböta Anutu köuluköba malget.

¹¹Jiniñ ohoiga wörönñan pukpuköba miri uruñi dop köliga miangöreñ Kembugö garata kunöñ altanöñ eu asuhum wangiba böröñi öñje göröken kinök. ¹²Kiniga Zekaraianöñ eka auruba keñgötñi mörök. ¹³Keñgötñi mörökmö, garatanöñ kewö jii mörök, “Zekaraia, gi keñgötki kude mötnöñ. Anutunöñ köuluki lök mötza. Miangöra anömgan gölöm ala morö nahöna mema. Mi meiga göñön qetñi Jon qetman.

^a 1.5 1 Hist 24.10

¹⁴Nahönñi asuhuiga urugan yaŋgöra ölöwahiga söŋgainöŋga ambazip gwötpukjan sösoŋgai akŋe. ¹⁵^bI nam körö uruŋe tariga Uŋa Töröŋan miangöreŋök könahiba uruŋi kokolak qeiga qariba wain me o köhöikŋi mi qahö nemba Kembugö qöhöröŋe azi öŋgöŋgöŋi aka malma.

¹⁶Mewö mala Israel ambazip gwötpuk urumelen eŋgiiga Kembuŋini Anutugöreŋ lilingöme. ¹⁷^cAnutugö Uŋaŋan kezapqetok azi Elaija inahöiga kukösum qakŋe nup meyöhi, yaŋön mönö miangö dop mutuk qeljiŋe aniga Kembunöŋ andöŋe kama. Yaŋön anda könagesö uru kuŋgum eŋgiiga Kembunöŋ kamapköra jöjöröba kinme. Iwi aka nahönbörat jula deŋgetka uru kuŋgum eŋgiiga kunbuk mindirim aŋgume aka qequetal ambazip mi diŋdiŋi yeŋgö mötmöt areŋnöŋ aŋgotme.”

¹⁸Suep garatanöŋ mewö jiiga Zekaraianöŋ jiyök, “Anömnï netkön ambazip namŋi akzirangöra keugan mönö dewöwö öŋŋambuk akawak?”

¹⁹^dMewö jiiga meleŋnök, “Ni Geibriel. Nöŋön Anutugö mesoholŋe kinbi melaim niŋgii buzup ölöŋŋi ki memba kaba jibi mötzan. ²⁰Nöŋgöreŋ keu jit öŋŋambuk asuhumawi, göŋön mi jibi qahö möt narizanaŋgöra keugan mönö qahöwahiga mötök malman. Mewö malnöŋga buzup keu kiangö öŋŋi asuhumapkö nalöŋan kam kuŋguiga miangöreŋ nesilamgan lolohoi keu kunbuk jiman.”

²¹Nalö sutŋe miangöreŋ ambazipnöŋ mamböt mala Zekaraianöŋ jöwöwöl jikenöŋ nalö köröp tiŋtiŋi kinöhangöra mötkurumkurum aket.

²²Mewö aka tatketka yaigep eta keu jimangö osiiga möt asariba kewö jiget, “Yaŋön jöwöwöl jikenöŋ kinda jeŋi meleŋni Suepnöhök imut kun ekza.” Mewö jigetka böröŋanök kaisöpsöp al eŋgiba mötök aka malök.

²³Mewö mala jike nup meme nalöŋan teköiga lilingöba miriŋe anök. ²⁴Wehön tosatŋi teköiga Elisabetnöŋ gölöm ala köiŋ 5 miangö dop mire asamböta kewö jiba tata malök, ²⁵“Moröni qahöpköra ambazipnöŋ memba eta al niŋgigetka Kembunöŋ mesohol köl niŋgiba miangö lömbötŋi memba gila ak kömum niŋgiza.” Mewö.

Jisös asuhumapkö keuŋi Geibrielnöŋ jiyök.

²⁶Elisabetnöŋ gölöm alöhangö köiŋi 6 aiga Anutunöŋ garatani qetŋi Geibriel melaiiga Galili prowinsgö miriŋi kun qetŋi Nazaret miangöreŋ erök. ²⁷^eEta ambi seram jömukŋi qetŋi Maria yaŋgöreŋ anök. Yaŋön azi qetŋi Josef yaŋgö ambi buŋaya malök. Josefnöŋ kiŋ Deiwidkö gwölönarökŋi kun ahök. ²⁸Garatanöŋ Mariagöreŋ anda kewö jiyök, “O Maria, silimgi ölöŋŋi. Kembunöŋ kalem möriam gihiba göbuk kinma.”

²⁹Mewö jiyökmö, Marianöŋ jölöŋ miangöra gwötpuk auruba könaŋi jaruba mötkurumkurum ahök. ³⁰Mötkurumkurum aiga kewö jii mörök, “Maria, Anutunöŋ kalem möriam gihiiga yaŋgö jeŋe dop köljan.

^b 1.15 Jan 6.3 ^c 1.17 Mal 4.5-6 ^d 1.19 Dan 8.16; 9.21 ^e 1.27 Mat 1.18

Miaŋgöra kenğötki kude mötnöŋ. ³¹ Mötnöŋ, göjön gölöm ala morö nahöna meman. Memba qetŋi Jisös qetman. ³² Jisös yaŋön qariba azi qetbuŋaŋambuk aiga qetŋi ‘Öngöŋgöŋi ketaŋaŋgö Nahönŋi,’ qetketka malma. Mewö mali Kembu Anutunöŋ amböŋi kiŋ Deiwidkö jakömbuak dum waŋgiiga salupŋe ambazip galöm köl eŋgiba malma. ³³ Jeikobkö könagesö yeŋgö kiŋa aka teteköŋi qahö galöm köl eŋgiba malma. Bemtohoŋi miaŋön mönö nalö kunöŋ kude qahöwakŋa.”

³⁴ Garatanöŋ mewö jiiga Marianöŋ jii mörök, “Ye! Ni azigö könäŋi qahö mötzal. Miaŋgöra keu jizani, miaŋgö ölni mönö denöwö asuhuma?”

³⁵ Mewö jii möta meleŋnök, “Uŋa Töröŋan mönö aum köl gihiiga Anutu öngöŋgöŋi ketaŋaŋgö ösumŋan dop köla turum gihima. Miaŋgöra morö memani, yaŋön töröŋi aiga ambazipnöŋ qetŋi ‘Anutugö Nahönŋi,’ jiba qerakŋe. ³⁶ Mötnöŋ. Tinigi Elisabet yaŋön mewöyök ‘Köpin mala morö memangö osiza,’ jigetmö, töndup ambi namŋi aka nalö kewöŋe morö nahöngö gölömŋambuk aiga köiŋi 6 akza. ³⁷ Anutunöŋ yuai kun akŋamgö jiba mi qahö qaköba osimakza.”

³⁸ Mewö jiiga Marianöŋ jiyök, “Mötnöŋ, nöŋön Kembugö welenqeŋe ambia akzal. Miaŋgöra keu jizani, miaŋgö dop ölöŋ ahum niŋgima.” Mewö jiiga Suep garatanöŋ mosöta anök. Mewö.

Marianöŋ Elisabetköreŋ kusus anda ehök.

³⁹ Marianöŋ mi möri nalö köröpŋi qahö aiga wahöta zilaŋ jöjöröba gölme kundupŋe öngöba Judia prowinsgö taon kunöŋ anök. ⁴⁰ Anda Zekaraiagö mire öngöba anöŋŋi Elisabet eka söŋgaiba jölöŋi jiyök. ⁴¹ Jölöŋi jiiga miaŋgöreŋök möri morö nahönöŋ körö uruŋe luhuba öngöba eri Uŋa Töröŋan Elisabetkö uruŋi kokolak qeyök.

⁴² Kokolak qeiga qet ketaŋi qeta kewö jiyök, “O alani, Anutunöŋ kötümötuetŋi öngöŋgöŋi al gihiiga ambi sutnine malman aka morö memani, i mewöŋanök kötuatköm waŋgima. ⁴³ Denöwögöra Kembunangö namŋan kaba neiga mewö asuhum niŋgiza? ⁴⁴ Mötnöŋ, gi jölöŋni jinöŋga keu jölgi kezapne gei morönöŋ urune mewöyök sö söŋgai qakŋe luhuba öngöba etza. ⁴⁵ Kembunöŋ buzup keuŋi jiiga möta miaŋgö ölni asuhumawi, mi möt narizanangöra göhö mötpi simbawoŋ akzan.” Mewö.

Marianöŋ sö söŋgai liŋet kölök.

⁴⁶ Marianöŋ keu mi möta kewö jiyök,

“I-ia! Nöŋgö urukönöŋman mönö önöŋi qahö Kembu möpöseiza.

⁴⁷ Nöŋgö uŋanan Anutu, Amötqeŋe Toni yaŋgöra söŋgaiba köiraŋ kölja.

^f 1.31 Mat 1.21 ^g 1.32-33 2 Sml 7.12, 13, 16; Ais 9.7 ^h 1.37 Jen 18.14 ⁱ 1.46-55 1 Sml 2.1-10

- 48 ^jNöñön welenqeçe ambi etqeçeñi maljalmö, Anutunöñ töndup mesohol köla ak kömum niñgiza. Mötnöñ, ambazip kambuñi kambuñi merak könahiba asuhumei, yeñön mönö nöñgöra ‘Simbawoñ!’ jiba möpöseim niñgiba malme.
- 49 Kukösum Toñan mönö añgöletot öñgöñgöñi mem niñgi maljal. Yañgö qetñi mi Töröñi.
- 50 Ambazip merak gölmenöñ maljei aka könañgep ahum sehimei, yeñgö sutñine gwöt isik denike yeñön Anutugö jitñi oñgitpinbukö keñgötñini mötmei, yañgö ak-kömukömuñan mönö yembuk pöndañ ahöma.
- 51 Anutunöñ böröñan añgöletot memba miañön kukñi kondel neñgiiga ehin. Ambazip nanñini miwidimgöba söñgöröqök malgeri, yañön mönö i köndeñ eñgiiga simbisembel aka malget.
- 52 ^kKiñ kembuñi kembuñi jakömbuak dumñine tata ambazip galöm köl eñgiba malgeri, yañön i miañgöreñök qeköba utal eñgiiga etket. Etketmö, etqeçeñi ia mönö mem wahöta al eñgiyök.
- 53 Ambazip yuaigö jañkötatañ malgeri, mieñgö uruñini mönö yuai ölöpñi ölöpñi miañön kokolak qeyökmö, ambazip pomñi mi melaim eñgiiga böröñini börak öne anget.
- 54-55 ^lYañön ambösakonurupñini meköba eñgömeiga Israel aketka nini toroqeba Anutugö welenqeçeurupñi maljin. Anutunöñ mönöwök jöjopañ keuñi kewö jim jöhöm neñgiyök, ‘Nöñön Abraham aka yañgö gwölönarökurupñi teteköñi qahö mal öñgöba malmei, i ak kömum eñgiba malmam.’ Mewö jiba keuñi mi qahö ölum qei mala korök. Qahöpmö, yañön mönö keu jitñi mi wuatañgöba mala merak bauköm neñgimamgöra kaza.”
- Marianöñ mewö jiyök.
- 56 Marianöñ köiñ karöbut miañgö dop Elisabetpuk mala kunbuk miriñe liliñgöyök. Mewö.

Jon O-melun azinöñ asuhuyök.

57 Elisabetkö morö meme nalöñan kam kuñguiga morö nahöna meyoök. 58 Morö nahöna meiga miri kösutñe malgeri aka tinitosolomurupñi yeñön Kembunöñ ak-kömukömu öñgöñgöñi kondel wañgiyöhi, mi möt asariba yambuk mohotñe sösoñgai aket.

^j 1.48 1 Sml 1.11 ^k 1.52 Job 5.11; 12.19 ^l 1.55 Jen 17.7

59^m Sösöngai aka wehön 7 teköiga wahöta anda Anutugö aiwesökñi morö silenje yandimegöra tokoget. Tokoba iwiñangö qetñi Zekaraia mi wakanj mem wanjibingöra jiget. 60 Jigetmö, namjan jiyök, “Mi qahöpmahöpmö, qetñi mönö Jon qetpin.”

61 Jiiga kewö jiget mörök, “Jon qetzanmö, göhö tinitosolomgi yengöreñök kunñangö qetñi mi qahö ahöza.” 62 Mewö jiget möri kinda iwiñan yangö qetñi qetmapkö qesiba böröñinan kaisöpsöp alget.

63 Kaisöpsöp algetka tafegöra qesii wanjigetka miangöreñ kulem kewö ohoyök, “Qetñi mi Jon.” Mewö ohoiga miangöra körek aurum tililingöget. 64 Aurum tililingögetka miangöreñök numbuñi amgöiga nesilamñi lolohoiga keu jiba Anutu möpöseiyök. 65 Möpöseiya miri alaurupñini pakpak yeñön qemsömbuñini gwötpuk mötket. Mötketka yuai asuhuyöhi, miangö buzupñi eraum mötketka sehiba Judia kundunji gölme pakpak dop kölök.

66 Buzupñi eraum mötketka körekñan mi möta urukönömñine ala añgön kölget. Kembunöñ kukösumñi morösepsep qakñe mokoi malöhi, miangö könajñi möt asariba kewö jiget, “Morö kianñon qariba mönö wani yuaia kun denöwö akña?” Mewö.

Zekaraianöñ kezapqetok keu jiyök.

67 Mewö jigetka Uña Töröñan iwiñi Zekaraia gö urunji kokolak qeiga kezapqetok keu kewö jiyök,

68 “Nini Israel nengöreñ Kembu Anutu möpöseibin. I-ia!

Yañön mönö könagesöurupñi mesohol köl nengiba sohopeni memangöra jöjöröba kama.

69 Anutunöñ welen aziñi kiñ Deiwidkö könagesö nengö sutnineyök azi kukösumñambuk kuñgui wahöta Amötqege Tonina akña.

70 Möpñangö möpñeyök kezapqetok ambazipurupñi tök-kutukutuñi i sölohöm engii keu jit kewö jiba malget,

71 ‘Nöñön mönö kerökurupñini yengö ösumñini qebi eriga bohonñini jöhömam.

Denike yeñön kazik ak engimei, nöñön mönö körek yengö böröñineyök meköba sel jöhöm engimam.’

72 Keu mewö jiba bömönurupñini ak kömum engiba yembuk jöhöjöhö areñ qainñi kun jöhöyöhi, mi mötmöriba wuatangöiga amötqegegö ölni asuhuma.

73 Jöhöjöhö keu mi bömönini Abrahamgöra jiba jöjöpañ keunöñ jim köhöii ahöza.

74 Jöhöjöhö keu miangö ölni kewö:

Yañön nini kerökurupñini yengö böröñineyök meköm nengiya yengöra kengötnini qahö möta welenñi qem wanjiba malbin.

^m 1.59 Lew 12.3

- 75 Yañön keunini jim teköi solaniba yangö jeñe sarakñi aka malmalnini ölülop mewö mala kömumbin.
- 76 "O gömokni Jon, göñön qariba mala qeljñe mala ambazip uruñini mindiñgöba mewö mianñön Kembugö könani mesatnönnga kama.
Miangöra qetki 'Anutu öñgöñgöni ketañangö kezapqetok azia,' mewö qetketka malman.
- 77 Mewö mala amötqeqegö könani mi Anutugö könagesöurupñi kusum enjinönnga mi möt kutuba uruñini melejgetka Anutunöñ siñgisöndokñini sañgoñda mosötma.
- 78 Anutuninan uruñan jöpaköba ak kömum neñgimakza.
Mewö aka mesohol köl neñgiba undiñi euyangöreñök ali gilikbilik akza.
Mewögöra neñön mönö wañgarañ surui aukñe asaribingö akzin.
- 79 "Nini pandamanöñ jipjap taringa kömupkö kondotkondot Toñan aum köl neñgimakzapmö, wehön jiliñbölañ kota qaknine kuñguba mem asarim neñgima.
Mem asarim neñgiiga luaigö könani aukñe asuhui eka miangöreñ añgota tiba kinbin." Zekaraianöñ mewö jiyök.
- 80 Morö Jon yañön qariba wahöriga Uña Töröñan inahöm wañgiiga Anutugö kolek azi köhöikñi ahök. Mewö aka gölme qararañkölkölñe mala mali nalöñan kam kuñguiga Israel könagesö yeñgö jeñine aukñe asuhuba qenjarök nupñi könahiba meyök. Mewö.

Jisös Betlehem taonöñ ahuyök.

Mat 1.18-25

2 ¹Jon O-melun azinöñ ahuiga nalö miangöreñ sisa kiñ Ogastus yañön Rom sitinöñ gölmeñi gölmeñi galöm köl enñiyök. Galöm köl enñgiba takis könahiba memegöra gawmangö jimkutukutu aliga gölmeñi gölmeñi pakpak yeñön tokogetka kuskus (sensus azi) yeñön qetñini papianöñ ohoba areñgöget.

²Areñ nup mi nalö mutukña meget. Megeri, nalö miangöreñ azi qetñi Qirinius yañön Siria prowinsgö premiö mala galöm köl enñiyök.

³Ogastusnöñ jimkutukutu aliga ambazip körek pakpak yeñön öröba anda qetñini areñnöñ ohomegöra nanñini ahuahui miri bohonñini dop anget.

⁴Galili prowinsgö taon qetñi Nazaret miangöreñ azi qetñi Josef malök. Yangö amböñi mi kiñ Deiwid. Kiñ Deiwidkö taonñi qetñi Betlehem mi Judia prowinsnöñ ahöyök. Miangöra Josefnöñ Nazaret mosöta öñgöba geba Betlehem anök. ⁵Anmam jiiga nalö miangöreñ ambi buñani qetñi Marianöñ gölömnambuk malök. Maliga i auañgita qetñiri ohomegöra mohotñe anohot.

^a 1.76 Mal 3.1 ^o 1.79 Ais 9.2

⁶Anda Betlehem angorohotka Mariagö morö meme nalöjan kam kuŋguyök. ⁷Kam kuŋguiga qenjarök ahöahö mire angota miangö uruŋe tiŋi qahö miwikŋaiyohot. Miangöra bau bulmakau miriŋe öngöba tarohot. Tata miangöreŋ nahönŋi mutukŋi memba oponöŋ esuhuba bulmakau joutŋe ali geba ahöyök. Mewö.

Lama galöm yeŋön Suep garata enŋeket.

⁸Betlehem taon gölme miangöreŋ azi tosatŋan suŋgem dop gölme köröŋi miangöreŋ anda lama kambuŋini galöm köl enŋiba malget. ⁹Mewö malgetka suŋgem miangöreŋ Kembangö garata kuŋŋan kösutŋine asuhum enŋiyök. Asuhum enŋiiga Kembangö asakmararaŋan liliköm enŋiba asariiga qem sömbuŋini möta jönömŋini unduyök. ¹⁰Jönömŋini unduyökmö, Suep garatanöŋ jii mötket, “Mönö kezap alget. Nönön sösoŋgai Buŋa ketaŋi ambazip körek pakpak yeŋgöra memba kazal, mi indel enŋimam. Miangöra jönömŋini kude unduma. ¹¹Buŋa mi kewö: Enŋö Amötqeŋe Toŋinan dölki ahuza. Yeŋön kiŋ Deiwidkö taonöŋ asuhuba Kambu qetŋi Kraist akza. ¹²Keu miangö aiwesökŋi kewö: Iŋini anda morö sepsep oponöŋ esuhuba bulmakau joutŋe alget ahözawi, mi miwikŋaime.”

¹³Garatanöŋ mewö jiiga miangöreŋök garata kambu ketaŋan Suepnöhök kaŋgota yambuk aitöŋgöba Anutugö möpömöpösei liŋet köla kewö jiget,

¹⁴ “Anutugö qetbuŋaŋi möpöseininga Suepnöŋ euyangöreŋ öŋgöza.

Yeŋön ambazip nanŋangöra meköm enŋiyöhi, yeŋgöra körö ölöwak möta gölmenöŋ lui al enŋiza.” Mewö.

Lama galöm yeŋön anda Jisös eket.

¹⁵Garata yeŋön enŋömosöta Suepnöŋ liliŋgöba öŋgögetka lama galöm yeŋön naninak kewö jiget, “Ayop, Betlehem miangöreŋ yuai ahuiga Kembangöŋ miangö keuŋi jii mötzini, nini mönö mia anda ekin.”

¹⁶Mewö jiba ösumŋinan anda Maria Josef aka morösesep bulmakau joutŋe ahöyöhi, miwikŋaiba eket. ¹⁷Eka kinda garatanöŋ morögöra keu jii möta kageri, mi indela jim asariget. ¹⁸Jim asarigetka mötkeri, yeŋön körek pakpak auruba welipköget.

¹⁹Welipkögetmö, Marianöŋ keu pakpak mi uru könömŋe ala dumgöba jöhöba könaŋi mötmöriba malök. ²⁰Welipkögetmö, yuai pakpak Suep garatanöŋ jiyöhanŋö dop asuhuyöhi, mi lama galöm yeŋön eka möta miangöra Anutugö sösoŋgai liŋet köla möpöseiget. Möpöseiba mosöta liliŋgöba anget. Mewö.

Morö qetnji Jisös qetket.

²¹^pJisös ahui Sonda mohot miangö dop teköiga Anutugö aiwesökni sileje yandibingö nalöni kaiga qetnji Jisös qetket. Suep garatanöj qet mi mutuk qeta waŋgiigun nalö miangöorenök namŋaŋgö gölöm uruŋe ahuyök. Mewö.

Jisös waŋgita Anutugö buŋaya alget.

²²^qMosesgö Köna keunöj keu kewö ahöza, “Ambinöj morö nahönji mutukni memba silim 40 kounŋe mali teköiga sörö guluŋi köl könjörat waŋgiba inini mönö jöwöwöl jikenöj öngöba morö mi Anutugö jeje algetka yaŋgö buŋaya akŋa.” Miangöra nalö mi kam kuŋguiga Josef Maria yetkön keu mi tem köla Jisös waŋgita Kembugö buŋaya akŋapköra Jerusalem öngöyohot.

²³^rKembugö Köna keunöj keu kewö ohoget ahöza, “Morö nahön pakpak sep mutuk mokozei, mi mönö Kembugö buŋaya akŋapköra qem teköba mem sarahime.” Yetkön keu mi wuatangöyohot. ²⁴Mewöyök Kembugö Köna keunöj jimkutukutu keu ahözawaŋgö dop kembö me kembö supsup nei yahöt mi jöwöwöl ohomahotköra Jerusalem sitinöj öngöba anohot.

²⁵Nalö miangöoren azi kun qetnji Simeon Jerusalem malök. Yaŋön uruŋi jömuK Anutugören qekötahöba urumelenögö kölguliguli aiga Uŋa Töröŋan yambuk kiniga Amötqeŋe Toŋan Israel uruŋe asuhumapköra mamböta malök. ²⁶Mamböta maliga Uŋa Töröŋan keu kewö indeli mörök, “Gi Kembugö Amötqeŋe Toŋi Kraist ahui mutuk ekagun kömupkö sihimbölöni mötman.” ²⁷Iwinamŋan Mosesgö Köna keu wuatangöba Jisös waŋgita jöwöwöl jikenöj öngöyohot. Öngöyohotka Uŋa Töröŋan Simeon sölölohöi nalö miangöorenök mewöyök jikenöj öngöyök. ²⁸Öngöba morö mi eka memba dohongöba Anutu möpöseiba kewö jiyök,

Simeongö sösongai liŋet

²⁹“O Kembu, merak welen azigan ölop anda uruluainöj mala kömuma.

³⁰Göhö keugahö dop Amötqeŋe Toŋi melainöj asuhuiga i nani jenan eka simbawon mötzal.

Miangöra ölop anda kömumam.

³¹ Göñön amötqeŋegö könaŋi mözözömgöba kantri pakpak yengöra indel enŋinöŋga mi eka möt kutume.

³²^sGöñön Amötqeŋe Toŋaŋgö asakni indelnöŋga kian kantri yengö uruŋini kuŋguiga asarime

^p 2.21 Lew 12.3; Luk 1.31 ^q 2.22-24 Lew 12.6-8 ^r 2.23 Eks 13.2, 12 ^s 2.32 Ais 42.6; 49.6; 52.10

aka qetbuḡagan nangi könagesögi Israel nenḡo sutnine mewöyök qarima.”

Simeongö kezapqetok keu

³³ Simeonöḡ morögöra keu mewö jüiga iwinamḡan möta köḡkuḡ aka welipköyohot. ³⁴ Welipköyohotka kötuetaköm enḡiba namḡi Maria kewö jüi mörök,

“Mötnöḡ, Anutunöḡ morö ki kuḡguba ali Israel ambazip sehisehiḡan i andö qeba eta enḡugetka gwötpukḡan uruḡini melenḡa ölöwakḡe. Anutunöḡ nanḡak i ali aiwesök aiga gwötpukḡan i tuaköpek jim wangime.

³⁵ Tuaköpek jim wangigetka urumötmötḡini asa-asambötḡan mewö aukḡe asuhuma.

Nangi urugan mewöyök wösöbirik aiga miaḡön sou zuluk alalḡi ewö urugi kuḡguba qesiḡma.” Mewö.

Ana ambigö kezapqetok keu

³⁶ Jerusalem miaḡöreḡ kezapqetok ambi namḡi kun qetḡi Ana malök. Yaḡö isikḡi qetḡi Aser, iwiḡi qetḡi Fanuel. Ambi miaḡön seramḡe azi memba mali yambu (yara) 7 mohotḡe malohot. ³⁷ Malohotka apḡi kömui malö aka mala kori nalö miaḡöreḡ yambuḡi 84 ahök. Yaḡön nalö dop jöwöwöl jikenöḡ öḡgöba mi silim kun qahö mosörökmö, suḡgem asak Anutugöra nene siḡi mala köuluköba waikḡi memba möpöseiba malök.

³⁸ Yaḡön nalö miaḡöreḡök kaḡgota morö mi eka Anutu möpöseiyök. Anutunöḡ Jerusalem ambazip sohopḡini memapköra mamböta malgeri, körek yeḡgöra morö miaḡö könaḡi jim asarii mötket. Mewö.

Jisösbuk Nazaret liliḡöget.

³⁹ ^tJosef Maria yetköḡ Kembunöḡ areḡi jim kutuiga Köna keunöḡ ahözawi, mi körek ahot teköiga Galili prowinsnöḡ liliḡöba taonḡiri Nazaret miaḡöreḡ anohot. ⁴⁰ Morönöḡ qariba wahöta köhöiba mötkutukutuḡi ahuba kokolak qeiga Anutugö kalem möriamḡan qakḡe öḡgöi kinök.

Jisös yaraḡi 12 aiga jöwöwöl jikenöḡ öḡgöget.

⁴¹ ^uJisös iwinamḡan yambu (yara) dop ak-kömukömu^v kendon nalöḡe Jerusalem siti öḡgöba anjahotma. ⁴² Mewö mala Jisös yambu (yara)ḡi 12 aiga silikḡini ahakzeḡgö dop nalöḡi kam kuḡguiga mewöyök öḡgöba

^t 2.39 Mat 2.23 ^u 2.41 Eks 12.1-27; Dut 16.1-8 ^v 2.41 Anutunöḡ Ijiti miaḡöreḡ Israel ambazip enḡehoriba enḡongiröhi, ak-kömukömu kendon miaḡö qetḡi kun Pasowa.

anget. ⁴³Anda mala kendon nalö mianjön teköiga lilingöba mirinjire anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot. ⁴⁴“Yañön ambazip kambu yembuk anja,” jiba silim mohotkö dop köna anda sepkitip aka alaurupñiri yengö uruñine qeta jaruyohot. ⁴⁵Qeta jaruyohotmö, qahö miwikñaiuba kunbuk lilingöba Jerusalem anda jaruyohot.

⁴⁶Jaruba malohotka silim karöbut teköiga jöwöwöl jikenöñ öngöba miangöreñ miwikñaiyohot. Miwikñaiyohotka azi ketani yengö sutñine tarök. Tari kusum wañgigeri, mi möta qesim engiba tarök. ⁴⁷Tata Buña keugö könañi törörök möt asariba diñdiñanök meleşniga körek pakpak yeñön mi möta welipköget. ⁴⁸Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimañjat möta qeta jaruba malit.”

⁴⁹Mewö jiiga kewö meleş etkiyök, “Injiri mönö wuanöñgöra ni göraim niñgizahot? Ni Iwinangö mire tatpi dop kölja, mi mötzahot me qahö?” ⁵⁰Mewö meleş etkiyökmö, yetkön keu jiyöhi, miangö könañi mi qahö möt asariyohot.

⁵¹Qahö möt asariyohotmö, töndup wahöta yetpuk lilingöba Nazaret taonöñ anda iwinamñi tem köl etkiba malök. Jisösnöñ keu jiyöhi, namñan mi pakpak möta urukönömñe ala jöhöba angön kölök. ⁵²ⁱJisösnöñ mala qarui yambu (yara)ñi öngöiga mötkutukutuñi asariba sehiiga Anutunöñ kalem möriamñi wañgii köhöiba ambazip aka Anutu yengö jeñine dop köl engiyök. Mewö.

Jon O-melun azinöñ Buña keu jiyök.

Mat 3.1-12; Mak 1.1-8; Jon 1.19-28

3 ¹Zekaraiağö nahönñi Jon yañön nupñi könahiyök. Nalö miangöreñ sisa kiñ qetñi Taiberius yañön Rom sitinöñ mala gölmeñi gölmeñi mindiriba yambu (yara) 15 azi kembu aka toroqeba galöm köl engii malget. Galöm köl engimamgöra gölmeñi gölmeñi Israel liliköba ahözei, mi mesinjetka bahöñi 4 aiga miengö kiñini 4 mi kewö kuñguget:

Pontius Pailöt, Herod, Filip aka Lisianas. Pontius Pailöt mi Judia prowinsgö premiönjina malök. Kiñ Herodnöñ Galili prowins galöm köl engiyök aka datñi Filipnöñ Ituria aka Trakonitis prowins yahöt miengö kembuñina malök aka Lisianas yañön Abilene gölme memba malök.

²Jike nup galöm bohonñini yahöt malohot, qetñiri Anas aka Kaiafas. Nalö miangöreñ Zekaraiağö nahönñi Jon yañön gölme qararanjökölñe maliga Anutugöreñ Buña keu asuhuiga mörök. ³Anutugö Buña möta anda Jordan o töwatñangö kösutñe miri dop liliköba malök. Liliköba mala Buña keunöñ uruñini kuñguba kewö jiba malök, “Injini mönö uruñini

ⁱ 2.52 1 Sml 2.26; Qam 3.4

melengetka nöjñon o melun mem engimam. Mewö aketka Anutunöj siŋgisöndokñini saŋgojda mosötma.”

⁴*Miaŋgö keuñi mi kezapqetok azi Aisaianöj ohoi yaŋgö Buzup Kimbinöj kewö ahöza,

“Kolek garata kunñan gölme qararaŋkölkölñe qeta maliga anda qetji kewö mötme,

‘Kembunöj kamawo! Miaŋgöra mönö jöjöröba könani mesatket. Mönö uruñini mindiŋgöba könani qölöleiget.

⁵Köna örue pakpak mönö qem tigetka diñdini akña.

Kunduñi wanjañi pakpak mi mönö qeköba köl qölöleigetka köröñi akña.

Köna mösökqösökñambuk mi mönö möhamgögetka diñgime.

Luhutnöj köna misiiga simbiñsambañ tatzawi, mi mönö kutuba mesatketka solanima.

⁶Anutunöj oyaerñkoyaerñ Tonji melaii kaiga gölmeñi gölmeñi pakpak yeññon mi eka ek kutume.”

⁷Jonöj miaŋgö dop uruñini kuŋguiga ambazip kambuñi kambuñi yeññon o melun mem engimapköra yaŋgöreñ kagetka eñgeka yeñgöra kewö jiyök, “O qatö moröñi, iñini uruñini qahö melengetka Anutugö irimñan seholiiga likepñi melej engimamgö akza. Mi ölöñ kölbिंगö goro keuñi mi mönö daññon jii möta sömbuñini möta ki kaze?

⁸“Miaŋgöra mönö öljañök uruñini meleñme. Bölöñamñineyök liliŋgögetka öljñi asuhui mi mönö ahakmemeninan aukñe kondela malme. Uruñine möndömöndö keu kewö kude mötmörime, ‘Neññon mönö Abrahamgö gwölöñarökña malinga Anutunöj qahö ayuhum neñgima.’ Mewö töptöpñine qemakzemö, öljñi mi qahö ahakze. Nöjñon miaŋgöra kewö jibi mötket: Anutunöj köt ki ölöp jim kutum eñgiiga letota Abrahamgö gwölöñarökurupñi aka Anutu möpöseimakñemö, iñini denöwö?

⁹“Uruñini qahö meleñme ewö, Anutunöj mönö iñini ip ewö teñgöri etpingö akze. Ip pakpak öljñi ölöppñi qahö kuŋgumakzei, mi mönö köli etiket könöpnöñ gili geme. Ip mewöñi kölmamgö kesinji lök jitñi sañe ala ip könañe ali jöjöröba ahöza. Anutunöj mönö bölöñamñinaŋgö likepñi melej eñgima.”

¹⁰Mewö jiiga ambazip kambuñi kambuñi yeññon kewö qesiba jiget, “Mewögöra nini mönö denöwö ahinga dop kölma?”

¹¹Qesiba jigetka kewö meleñnök, “Kunñan maluku yahöt memba maljawawi, yaññon mönö mietköreñök kun mi malukuñi qahö i wañgima aka denike yeññon neneñnambuk maljei, yeññon mönö mewöyök neneñni qahö yeñgöra mendeñ eñgime.”

* 3.4-6 Ais 40.3-5 † 3.7 Mat 12.34; 23.33 ‡ 3.8 Jon 8.33 § 3.9 Mat 7.19

¹² ^bTakis meme azi tosatŋan mewöyök o melun mem enġimapkö kaba qesim waŋgiget, “Böhi, neŋön mönö denöwö ahinga dop kölma?”
¹³ Qesim waŋgigetka jii mötket, “Gawmanöŋ takisgö jim kutum enġii ahözawi, dop mi mönö qahö oŋgita meme.”

¹⁴ Yarö azi tosatŋan mewöyök qesim waŋgiget, “Niniato? Neŋön denöwö ahinga dop kölma?” Qesim waŋgigetka kewö jii mötket, “Kungören monenġöra kuŋguba upetkupet aka kiom kude kölmemo, nanŋini töwaŋini memakzei, miambuk mönö urumohok aka ösöŋ malme.” ¹⁵ Ambazip pakpak yeŋön “Jonöŋ Amötqeŋe Toŋi Kraist akapuk,” jiba uruŋinan mewö mötmöriget. Mianġö könaŋi mötpingö kezapŋini köröpŋi aket.

¹⁶ Mewö aketka Jonöŋ körek yeŋgöra kewö jiyök, “Nöŋön o töhönon melun mem enġizalmö, azi kukösumŋi köhöikŋi kun kama. Yaŋgö kukösumŋi öŋgöŋgöŋan mönö nöŋgören oŋgitma. Yaŋön azi öŋgöŋgöŋi akŋawaŋgöra nöŋön yaŋgö köna esuŋaŋgö kösöŋi bauköba pösatmamgö qötötanġömmam. Yaŋön mönö Uŋa Töröŋi uruŋine ali könöp bölamŋan köl könjörat enġiiga mewö mianġön melun mem enġima. ¹⁷ Yaŋön ölni aka kamböŋi menden etkimamgö sapakŋi memba kaŋgota uba qörörenġöba kewötma. Kewöta wit kötŋi tokoba köweŋe almapmö, kamböŋi aka gwaugulapŋi mi mönö usuŋniga könöpnöŋ geba teteköŋi qahö jema.”

¹⁸ Keu mewöŋi mewöŋi gwötpuk toroqeba jiba uruŋini kuŋguba Ölöwak Buŋa ambazip kambu yeŋgöra jim asariba malök. ¹⁹ Malökmö, gölme bahöŋaŋgö kiŋ Herod yaŋön datŋaŋgö anömŋi qetŋi Herodias mi ölöŋ meyök aka bölöŋi könaŋi könaŋi aka malöhi, mianġö sapŋi Jonöŋ qeba munjurariga jim waŋgiyök. ²⁰ Jim waŋgiba bölöŋamŋi kun toroqeba aka Jongören nupŋi tözöpköba suahö galömmi jii Jon memba kösö mire alget. Mewö.

Jonöŋ Jisös o melun mem waŋgiyök.

Mat 3.13-17; Mak 1.9-11

²¹ Jonöŋ ambazip pakpak o melun mem enġiba Jisös mewöyök o melun mem waŋgiyök. Mem waŋgii köuluköiga mianġörenök Suepnöŋ aŋaŋiyök. ²² ⁴Aŋaŋiiga Uŋa Töröŋan melenġa kembö nei ewö aka Jisösgö qakŋe erök. Mewö eriga Suepnöhök qet kun kewö asuhuyök, “Göŋön mönö nani wölböt nahöna aknöŋga köroni ölöwahiga geknahöm ak gihizal.” Mewö.

Jisösgö isikurupŋi yeŋgö qet arenini

Mat 1.1-17

²³ Jonöŋ Jisös o melun mem waŋgiiga yambu (yara)ŋi 30 mianġö dop aiga amötqeŋe nupŋi könahiba memba malök. Memba maliga Josefġö

^b 3.12 Luk 7.29 ^c 3.19-20 Mat 14.3-4; Mak 6.17-18 ^d 3.22 Jen 22.2; Sum 2.7; Ais 42.1; Mat 3.17; Mak 1.11; Luk 9.35

nahönja akzawi, ambazipnön mewö mötmöriget. Jisös iwiñi Josef, asañi qetñi Heli. ²⁴Jisös amböñi qetñi Matat, sukumñi qetñi Liwai. Liwai iwiñi Melki, asañi Janai, amböñi Josef, ²⁵sukumñi Matatias. Matatias iwiñi Amos, asañi Nahum, amböñi Esli, sukumñi Nagai. ²⁶Nagai iwiñi Mat, asañi Matatias, amböñi Semen, sukumñi Josek. Josek iwiñi Joda, ²⁷asañi Joanan, amböñi Resa, sukumñi Zerubabel. Zerubabel iwiñi Sealtiel, asañi Neri,

²⁸amböñi Melki, sukumñi Adi. Adi iwiñi Kosam, asañi Elmadam, amböñi Er, ²⁹sukumñi Josua. Josua iwiñi Eliezer, asañi Jorim, amböñi Matat, sukumñi Liwai. ³⁰Liwai iwiñi Simeon, asañi Juda, amböñi Josef, sukumñi Jonam. Jonam iwiñi Eliakim, ³¹asañi Melea, amböñi Menna, sukumñi Matata. Matata iwiñi Neitan, asañi Deiwid, ³²amböñi Jesi, sukumñi Obed. Obed iwiñi Boaz, asañi Salmon, amböñi Nason,

³³sukumñi Aminadab. Aminadab iwiñi Admin, asañi Arni, amböñi Hezron, sukumñi Perez. Perez iwiñi Juda, ³⁴asañi Jeikob, amböñi Aisak, sukumñi Abraham. Abraham iwiñi Tera, asañi Nahor, ³⁵amböñi Serug, sukumñi Reu. Reu iwiñi Peleg, asañi Eber, amböñi Sela, ³⁶sukumñi Kainan. Kainan iwiñi Arpaksad, asañi Siem, amböñi Noa, sukumñi Lamek. ³⁷Lamek iwiñi Metusela, asañi Enok, amböñi Set, sukumñi Adam. Adam mi Anutunöñ mei ahuyök. Mewö. ³⁸(-)

Satanöñ Jisös esapköba malök.

Mat 4.1-11; Mak 1.12-13

4 ¹Jonöñ Jisös o melun mem wañgiiga Uña Töröñan uruñi kokolak qei Jordan onöhök liliñgöiga wañgita gölme qararañkölkölñe anök. ²Anda miangöreñ mali Bölöñi Toñan esapköm wañgii wehön 40 teköyök. Nalö 40 miangöreñ nene kun qahö nema mali teköiga neneñangö kömuyök.

³Yakañangö kömuiga Bölöñi Toñan jii mörök, “Gi Anutugö nahönja akzan ewö, mi mönö kondela köt ki jim kutunöñga letota beret aketka neman.”

⁴Jii möta meleñnök, “Qahö, Buña Kimbinöñ keu kewö ohoget ahöza, ‘Nenenöhök ambazip malmal qahö neñgimaksa.’”

⁵Meleñniga wañgita kundunji köröpñi kunöñ öngöba gölmegeg kantriñi kantriñi pakpak mi zilañ kondel wañgiyök. ⁶Kondel wañgiba jii mörök, “Nöñön kantri pakpak mi galöm köl eñgimamgö kukösumñi aka inap yuaiñangö aködamunñi mi nöñgö böröne alalña ahöza. Miangöra mi nani sihimnañgö dop niñia wañgimam jiba ölop wañgimam. Miangöra yuai pakpak ki mönö göhö böröge almam. ⁷Miangöra gi waikni memba möpöseim niñgiman ewö, mi pakpak mönö göhö buñaya ak teköma.”

^e 4.4 Dut 8.3

^{8f}Mewö jii möta kewö meleşnök, “Qahö, Buña Kimbinöŋ keu kewö ohoget ahöza, ‘Gi mönö Kembugi Anutu waikŋi memba möpöseiba ia mohot welen qem waŋgiba malman.’”

⁹Meleşniga Jisös waŋgita Jerusalem sitinöŋ anda jöwöwöl jikegö boŋe euyaŋgöreŋ öŋgöba kewö jii mörök, “Gi Anutugö nahönŋa akzan ewö, mönö kiaŋgöreŋök luhuba emu geman. ^{10g}Buña Kimbinöŋ keu kun kewö ohoget ahöza, ‘Anutunöŋ garataurupŋi jim kutum eŋgiiga ölöpŋanök galöm köla sel jöhöm gihime,’ ^{11h}aka keu kun kewö, ‘Yeŋön böröŋine ala nönögölim gihigetka geba kötnöŋ könage qahö guhum qizit akŋa.’” Miangöra geba kude ayuhuman.

¹²ⁱMewö jiyökmö, Jisösnöŋ kewö meleş waŋgiyök, “Qahö! Anutunöŋ jiza, ‘Gi mönö Kembugi Anutu kude esapköm waŋgiman.’”

¹³Bölöŋi Toŋan esapesap pakpak mi Jisös ak waŋgi teköiga mosöta anök. Mewö.

Jisösnöŋ könahiba amötqeqe nup meyök

Mat 4.12-17; Mak 1.14-15

¹⁴Jisösnöŋ gölme qararaŋkölkölŋi mosöri Uŋa Töröŋaŋgö ösumŋan yambuk kiniga Galili prowinsnöŋ liliŋgöyök. Liliŋgöiga keu buzupŋan sehiba miri gölme liliköba tat angeri, mi pakpak dop köla anök. ¹⁵Dop köli miriŋi miriŋi liliköba köuluk miriŋine öŋgöba Buña keu kusum eŋgiyök. Kusum eŋgiiga mötkeri, körek yeŋön mönö söŋgaiba möpöseim waŋgiget. Mewö.

Nazaret yeŋön Jisös andö qeget.

Mat 13.53-58; Mak 6.1-6

¹⁶Jisösnöŋ liliŋgöba malqarip taonŋi Nazaret miangöreŋ anök. Sonda kendonöŋ kaiga ahakzawaŋgö dop köuluk mire öŋgöba Buña Kimbi oyon eŋgimamgö wahörök. ¹⁷Wahöri kezapqetok azi Aisaiaŋgö Buzup Kimbi waŋgigetka kötula keu kempaŋi kewö ohoget ahözawi, mi miwikŋaiyök: ^{18j}“Kembugö Uŋa Töröŋan nöŋgö urune geba nup memegö kelök supapŋi köl niŋgiba ambazip etqeqeŋi yeŋgöra Ölöwak Buña jim asarimakzal. Yaŋön melaim niŋgiiga keu kewö jim sehimakzal: Bölöŋan gwaröhöm eŋgi maljei, Anutunöŋ mönö i pösata meköm eŋgiiga malme.

Anutunöŋ jegömöl ambazip jeŋini mem tohoiga kunbuk uba ekŋe. Taikpaik memba eta alget maljei, Anutunöŋ mönö i meköm eŋgiiga siyonsayonŋi qahö malme.

¹⁹ Kembunöŋ amötqeqegö yambu ölöpŋi ali kam kuŋgumawi, nöŋön miangö kolekŋa kaba mi jim asarimakzal.”

^f 4.8 Dut 6.13 ^g 4.10 Sum 91.11 ^h 4.11 Sum 91.12 ⁱ 4.12 Dut 6.16 ^j 4.18-19 Ais 61.1-2

²⁰Keu mewö oyoŋda köpöp supap mi köpeiba galömŋi waŋgiba eta tarök. Tariga köuluk mire tatkeri, yeŋön körek je qisilmisilŋi qahö dörötköba ehiget. ²¹Ehigetka könahiba kewö jii mötket, “Buzup Kimbigö keu ki oyoŋbi kezapŋine gei mötzei, miangö öŋjan mönö merak asuhuza.”

²²Mewö jii mötketka kalem möriam keuŋi keuŋi numbuŋeyök eriga körekŋan mi möta welipköba jim soroköm waŋgiba keu miangö jiji-kilik-kilikŋi mi kewö jiget, “Azi ki Josefö nahönŋa me?”

²³Jigetka kewö jii mötket, “Iŋini nalöŋi nalöŋi keu kötŋi ki jimakze, ‘Mem ölöwak azi gi mönö nangi mem ölöwak aŋguman.’ Iŋini keu kötŋi mi döŋki nöŋgöra jibingö mötze, mi mötze. Mi jiba kewö jibeak, ‘Gi Kaperneam taonöŋ anda aŋgöletot öŋgöŋgöŋi menöŋga buzupŋi mörini, miangö dop mönö nangi miri kiangöreŋ mewöyök meman.’” ²⁴^kMewö jiba jiyök, “Nöŋön keu öŋi kun kewö jibi mötme: Kezapqetok ambazip kunöŋ mönö nanŋi malqarip taonöŋ qahö dop köŋja.

²⁵^l“Nöŋön keu ölbölŋi kun kewö jibi mötme: Elaijagö (Elia) nalöŋe Anutunöŋ Suet naŋgunŋi köli yambu (yara) karöbut aka köiŋ 6 miangö uruŋe kie qahö yöhöiga bödi ketanŋi ahuiga gölme pakpak dop kölök. Nalö miangöreŋ ambi malö gwötpuk Israel uruŋe malget. ²⁶^mGwötpuk malgetmö, Anutunöŋ Elaija yeŋgöreŋök kungöreŋ anmapkö qahö melaiyökmö, kian gölme Saidongö miri qetŋi Sarefat miangöreŋ ambi malö mohot-töp yaŋgöreŋ melaiiga anök. ²⁷“Kezapqetok azi Elisagö nalöŋe uzikukunöŋ Israel azi gwötpuk turum eŋgiiga malgetmö, yeŋgöreŋök kunŋan kun qahö solaniyök. Qahöpmö, kian gölme Siriagö azi qetŋi Naman yaŋön mohot-kun mönö Elisagö keuŋi möt nariba solaniba ölöwahök.”

²⁸Jisösnöŋ mewö jiiga köuluk mire tatkeri, yeŋön körek keu mi möta irimŋini seholiiga urupik aket. ²⁹Urupik aka wahöta Jisös közöla taon yaigepŋe wuatangöba taon mi kundunangö sem kösutŋe meget kinöhi, miangöreŋ aköget gemapköra anget. ³⁰Angetmö, sutŋine qendenŋa eŋgömosöta anök. Mewö.

Kaperneam taonöŋ öme kun közölök.

Mak 1.21-28

³¹Jisösnöŋ Galili prowins uruŋe Kaperneam sitinöŋ eta aŋgota Sabat kendonöŋ ambazip kambu kusum eŋgiyök. ³²^oKusum eŋgiiga keuŋan kukösomŋambuk aiga jiyök. Miangöra könagesö yeŋön mi eka auruba welipköget.

³³Köuluk miri miangöreŋ azi kun ömeŋambuk tarök. Tariga ömeŋan teriŋgöba silata qetŋi kewö qerök, ³⁴“Aek! Jisös,

^k 4.24 Jon 4.44 ^l 4.25 1 Kiŋ 17.1 ^m 4.26 1 Kiŋ 17.8-16 ⁿ 4.27 2 Kiŋ 5.1-14 ^o 4.32 Mat 7.28-29

Nazaret azia! Gi wania ak neŋgimamgö akzane? Mönö ayuhum neŋgimamgöra kazan me? Ni könaŋamgi möt kutuzal. Gi Anutugöreŋ azi Tök-kutukutuŋi akzan.”

³⁵Mewö qeriga Jisösnöŋ tembula kewö jim waŋgiyök, “Gi mönö keugi bököiga azi ki mosöta kesalnöŋ.” Mewö jim waŋgiiga ömenöŋ azi mi memba gili tala sutŋine gölmenöŋ geiga miziqizikŋi qahöpmaöhöp aka kota mosöta anök.

³⁶Aniga körekŋan nemböŋjini teköiga welipköba sutŋine eraum möta kewö jiget, “Yei! Keu ki mönö wani keuya? Yaŋön kuk aka ösum-mumu qakŋe ömewöröme jim kutum eŋgiiga tem köla kota anje.” ³⁷Mewö asuhuiga Jisösgö qetbuŋaŋan sehiba miri pakpak kösutŋe tat angeri, miangöreŋ anda gölme mi dop kölök. Mewö.

Jisösnöŋ kawöl ambazip gwötpuk meiga ölöwaket.

Mat 8.14-17; Mak 1.29-34

³⁸Jisösnöŋ wahöta Kaperneam köuluk miri mi mosöta Saimon Pitögö mire öŋgöyök. Öŋgöiga Saimongö suhunŋan sile könöp öŋgöŋgöŋi yöhöi ahöyök. Ahöiga yaŋgöra aka Jisös köuluköm waŋgiget. ³⁹Köuluköm waŋgigetka anda sipköba geba sile könöp jim kutum waŋgiiga mosöriŋa miangöreŋök wahöta nene ohoba gumohom eŋgiyök.

⁴⁰Wehön jeŋi teköba geiga miangöreŋ ambazip denike yeŋön alaurupŋjini kawöl könaŋi könaŋi miaŋön eŋgöhöi ahögeri, mi körek eŋguangita Jisösgöreŋ kaget. Kagetka böröŋi körek yeŋgö qakŋine inanŋik inanŋik aliga ölöwak teköget. ⁴¹Ömewöröme yeŋön mewöyök ambazip gwötpuk yeŋgö uruŋineyök kota silata kewö qetket, “Gi Anutugö nahöŋŋi akzan.”

Jisösnöŋ Amötqeŋe Toŋi Kraist akzawi, yeŋön mi mötkeŋgöra Jisösnöŋ jim eŋgiba numbuŋjini muhungöba eŋguatangöyök. Mewö.

Amötqeŋe nupŋi Galili dop kölök.

Mak 1.35-39

⁴²Jisösnöŋ gaun ahöiga miri waŋgaraŋ suruiga wahöta nanŋik tiriŋ (tiŋ) kutuba geba göraŋe kunöŋ anök. Anökmö, ambazip yeŋön göraim waŋgiba anda miwikŋaiba kude eŋgömosöta anmapköra esapköba aŋgön köl waŋgiget. ⁴³Aŋgön köl waŋgigetmö, kewö jii mötket, “Nöŋön Anutu bemtohonŋaŋgö Ölöwak Buŋaŋi mi taon tosatŋi yeŋgöra mewöyök jim asarim eŋgibi dop köлма. Anutunöŋ mönö miangöra melaim niŋgiyök.”

⁴⁴Mewö jiba anda Galili prowins liliköba köuluk miriŋine Buŋa keunöŋ uru kuŋgum eŋgiba malök. Mewö.

Jisösnöŋ gwarekurupŋi mutukŋi enghoholök.

Mat 4.18-22; Mak 1.16-20

5 ¹Nalö kunöŋ Jisösnöŋ Genesaret o aŋgö jitŋe kiniga ambazipnöŋ kambu köla Anutugö Buŋa keu mötpingö ölöqöloköba liliköm waŋgiget. ²Liliköm waŋgigetka kinda waŋge yahöt köwet göraŋe tarohotka etkehök. Söra örörö weŋön waŋge mi mosöta geba mösakŋini kusahöla saŋŋoŋget. ³Waŋge kun mi Saimongöreŋa. Jisösnöŋ miangöreŋ öŋgöba toŋi kewö qesim waŋgiyök, “Göŋön mönö naŋgönöŋga borom kun noaŋgita onöŋ göröken anma.” Qesim waŋgiiga naŋgöiga anda waŋgenöŋ tata ambazip kambu kusum engiyök.

⁴Kusum enŋim teköba Saimongöra jiyök, “Göŋön mönö waŋge ki naŋgönöŋga o aŋgö bibiŋe aniga alaurupki yembuk mösakŋini söragöra gilgetka gema.”

⁵Jiiga Saimonöŋ meleŋnök, “Ketaŋamni, nini suŋgem köröp mösak gil bibihiba ölni kun qahö mezin. Qahöpmö, göŋön jim kutuzanaŋgöra mönö töndup anda gilin gema.” ⁶Mewö meleŋni jiyöhaŋgö dop aketka söranöŋ awamŋi qahö mösakŋine gegetka buratibingö aket. ⁷Mewö aketka alaurupŋini waŋge kunöŋ malgeri, weŋgöra kaba bauköm enŋimegö börökaek kölgetka kaget. Kagetka waŋge yahöt mi söranöŋ kokolak gegetka nemulahöm taköyohot.

⁸⁻⁹Söra öŋgöŋgöŋi mewö memba eka miangöra körekŋan welipköget. Welipköba Saimon Pitönöŋ mi eka Jisösgö wösöŋe geba simin köla jiyök, “O Kembu, ni siŋgisöndok azia akzalaŋgöra mönö nömosöta anöŋ.”

¹⁰Saimongö alayahötŋi Jeims aka Jon Zebedigö nahönyahötŋi yetkön mewöyök nemböŋiri teköiga welipköyohot. Saimonöŋ keuŋi jiyökmö, Jisösnöŋ kewö meleŋnök, “Mönö keŋgötki kude mötman. Gi kiangö andöŋe ambazip mi söra ewö öröba enŋömemba malman.”

¹¹Mewö jiiga waŋgenŋini öröba kota saknöŋ ala öroyuaiŋini pakpak mosöta Jisösgö andöŋe wuatangöba anget. Mewö.

Jisösnöŋ uzikuku azi kun mem solaniyök.

Mat 8.1-4; Mak 1.40-45

¹²Jisösnöŋ taon kunöŋ maliga miangöreŋ azi kun sileŋi uzikukunöŋ mem bölim teköiga tarök. Tata Jisös eka kösutŋe simin köla geba kewö köuluköm waŋgiyök, “O Kembu, göŋön sihimgan mem ölöwak niŋgimangö mötzan ewö, mönö ni ölop mem solanim niŋgiman.”

¹³Mewö jiiga böröŋi böröŋda sileŋi misiriba jiyök, “Nöŋön mi akŋamgö mötzal. Gi mönö solaniman.” Mewö jiiga uzikukuŋi mi miangöreŋök solaniyök. ¹⁴Solaniiga kewö jim kutum waŋgiyök, “Mötnöŋ kiangö

¶ 5.1-3 Mat 13.1-2; Mak 3.9-10; 4.1 ¶ 5.5 Jon 21.3 ¶ 5.6 Jon 21.6 ¶ 5.14 Lew 14.1-32

buzup keuji mi kun kude jinöŋ mötme. Qahöpmö, gi mönö jike nup galömgöreŋ anda silegi kondel waŋgiba Mosesgöreŋ jimkutukutuŋi wuatangöba solanizanaŋgö saiwap nalukŋi ala jöwöwöl ohoman. Mi ohonöŋ ehiga ambazipnöŋ könaŋamgi möt kutume.”

¹⁵Mewö jiyökmö, mi töndup Jisösgö qetbuŋaŋi sehiba miri dop asariba anök. Anöhaŋgö dop ambazip kambuŋi kambuŋi yeŋön keuji mötpingö aka kawölŋini mem ölöwakŋapkö waŋgöreŋ kaba tokoget. ¹⁶Kagetmö, Jisösnöŋ eŋgömosöta gölme qararaŋkölkölŋe anda mala köuluköyök. Mewö.

Jisösnöŋ azi sile likepŋi kömukömuŋi möhamgöyök.

Mat 9.1-8; Mak 2.1-12

¹⁷Jisösnöŋ wehön kunöŋ Buŋa keu kusum eŋgiiga Farisi (Köna keugö kapaŋkölköl) aka Köna keugö böhi tosatŋan Galili aka Judia prowinsgö miriŋi miriŋi aka Jerusalemök kaba ambazip kambu sutŋine tatket. Kembugö kukösumŋan Jisös nam köl waŋgiiga ambazip kawölŋini mei ölöwaket.

¹⁸Nalö miaŋgöreŋ azi tosatŋan alaŋini sile likepŋi kömukömuŋi mi kululunöŋ ala aŋguba kaget. Kaba kutuba Jisösgö kösutŋe miri uruŋe öŋgöba albingö esapköget. ¹⁹Esapkögetmö, ambazip kambunöŋ ölököba kingeraŋgöra paŋpaŋgöba miri uruŋe öŋgöbingö köna kun qahö miwikŋaiba memba miri qakŋe öŋgöget. Öŋgöba bo kötnöŋ memenŋi mi esim luluŋgetka kinimŋi ahui kawöl azi kululuŋambuk kösönöŋ jöhöba miaŋgöreŋ algetka ambazip sutŋine Jisösgö wösöŋe geyök. ²⁰Mewö geiga Anutu möt narim waŋgigeri, Jisösnöŋ yeŋgö tandökŋini mi ehi dop köliga kawöl azigöra kewö jiyök, “Alani, nöŋön siŋgisöndoki mosötzal.”

²¹Mewö jiiga Köna keugö böhi aka Farisi yeŋön mi möta könahiba kewö jiba mötmöriŋet, “Azi ki niŋia? Yaŋön mönö Anutu ilita mepaqepaik akza. Anutu mohotŋan siŋgisöndoknini mosörakzapmö, azi kunŋan mi qahö.”

²²Mewö mötmöriŋetmö, Jisösnöŋ uruŋini ek kutuba kewö jii mötket, “Tosatŋi iŋini uruŋinan wuanöŋgöra keu jizali, miaŋgöra gwötŋuk mötmöriŋe? Mi qahö dop kölja. ²³Nöŋön siŋgisöndoki mosötzal, jizali, keu miaŋön mönö awamŋanök jijiŋa. Kunŋan mewö jiiga tosatŋan keu miaŋgö ölni qahö ekŋe. Miaŋgöra mi keu awamŋaŋgö dop. Nöŋön keu kun kewö jimamamgö mötŋal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölni asuhuma me qahöwi, miaŋön mönö aukŋe asuhui ekŋe.

²⁴Mötket, gölmenöŋ siŋgisöndok mosötmosötkö kukösumŋi mi Sup gölmeŋö azi ölnaŋgöreŋ ahözawi, iŋini miaŋgö könaŋaŋgöra jaŋjuŋ malbepuk. Miaŋgöra keu lömbötŋi mi azi kiaŋgöra jibi ölni eket.” Mewö jiba azi sile likepŋi kömukömuŋi waŋgöra jiyök, “Nöŋön göhöra jizal: Gi mönö

wahöta tumbulahöpki memba mirige anöj. Keu lömbötñi mi öljambuk akña ewö, keu awamñi mi mönö mewöyök denöwögöra omañi akawak?”

²⁵Mewö jiiga mianggöreñök jeñjine wahöta tumbulahöpñi ahöyöhi, mi memba Anutu möpöseiba mosöta miriñe anök. ²⁶Mewö asuhiiga ambazip körekñan welipköba sömbuñini möta Anutu möpöseiba jiget, “Yei! Merak yuai qetpuk soroha ekzin.” Mewö.

Jisösnöñ Matyu (Liwai) oholök.

Mat 9.9-13; Mak 2.13-17

²⁷Mianggö andöñe Jisösnöñ Kaperneam mosöta anda takis ofis oñgitmamgö aiga mianggöreñ takis meme azi qetñi Liwai tariga eka jii mörök, “Gi mönö nöñgö andöne kanöñ.” ²⁸Mewö jii möta nupñi pakpak mosöta wahöta Jisösgö andöñe anök.

²⁹Anda Jisös miriñe köl öröba yanggöra közölömbuan ketañi mözözömgöyök. Mözözömgöba takis meme tilipqilipñinambuk aka alaurupñi tosatñi öröm eñgiiga kambu ketañi köla yembuk tata nene neget. ³⁰‘Mewö negetka Farisi (Köna keugö kapañkölköl) aka yeñgöreñ böhi yeñön mi eka jimoñgot aka Jisösgö gwarekurupñi kewö jim eñgiget, “Aek! Iñini mönö wuanöñgöra takis meme tilipqilipñinambuk aka siñgisöndok ambazip yembuk tata nene aka o neze? Mi qahö dop kölja.”

³¹Mewö jim eñgigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak eñgimakzadmö, kawöl ambazipnöñ mönö doktagöreñ anakze. ³²Nöñön siñgisöndok ambazip uruñini meleñmegö eñgoholmamgöra kaba maljalmö, ambazip nanñinañgö mötketka solanñi akzei, i qahö.”

Nene siñgi malmalgö keuñi

Mat 9.14-17; Mak 2.18-22

³³Ambazip tosatñan Jisösgöreñ kaba qesiget, “Jon O-melun azigö gwarekurupñi neñön nalö gwötpuk Anutugöra nene siñgi mala köuluk totoko köröpñi alakzin. Farisi (Köna keugö kapañkölköl) yeñgö gwarekurupñinan mewöñanök aka maljemö, nangi gwarekurupkan mönö pöndañ nene aka o nemakze.”

³⁴Mewö qesigetka kewö meleñnök, “Ölña! Nini wani nalönöñ nene siñgi malakzin? Ambi meme nalöñe azigö andöurupñan könöpñi algetka ambigö sep kitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga siñgi malbingö jigetka yeñön aijölöñ söñgaiba tata siñgi malbingö osimakze. ³⁵Osimakzemö, Anutunöñ noañgiri kömumbiga yeñön mönö nalö mianggöreñ ölop siñgi malakñe.

¹ 5.30 Luk 15.1-2

³⁶“Injini malmal walŋi aka sösöŋgai Buŋa dölökŋi mi mindirim etkibingö osime. Miangö dopkeu pasetŋi kun mi kewö jibi mötket: Löŋgölöŋgöt walŋi jurariga kunöŋ löŋgölöŋgöt dölökŋi mitiba opo su jöhanŋi miaŋön qahö ala uhum göreŋgömakza. Mewö akawak ewö, opo su jöhanŋi dölökŋan mönö walŋambuk öröröŋ qahö aka mi öröba munjurariga böliqölibapuk.

³⁷“Mewöŋanök kunöŋ wain o dölökŋi mi jobö me toru walŋi lama sileŋan memerŋi miangöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk.

³⁸“Miangöra wain o dölökŋi mi toru dölökŋeyök mokoin geiga dop kölma. (Mewöŋanök kunöŋ o ölöŋŋi mi gina gisagisahöŋe qahö umakzin. Mewö ubinak ewö, miaŋön mönö jula kisipisirik eriga nempa kawöl neŋgöhöbapuk. Mewö akapuköra o ölöŋŋi mi gina ölöŋŋe umakzin. Injini mewöyök malmal walŋi aka Ölöwak Buŋa dölökŋi mi mindirim etkibingö osime.) ³⁹Kunŋan wain o walŋi möpöseiba nempa malakzawi, yaŋön wain o dölökŋi nemangö sihimŋi qahö möta ölan alakza.” Mewö.

Jisösnöŋ Sabat kendongö Kembuŋi akza.

Mat 12.1-8; Mak 2.23-28

6 ¹“Miangö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Ani gwarekurupŋan wösöŋini eŋguiga wit öŋŋi mohot mohot böröŋinan misiba sömaŋda neget. ²Mewö negeraŋgöra Farisi (Köna keugö kapaŋkölköl) tosatŋan mi eka kewö jiget, “Injini mönö wuanöŋgöra Sabat kendongö nup meme soŋgoŋi oŋgitze?”

³“Mewö jigetmö, Jisösnöŋ kewö meleŋnök, “Kiŋ Deiwidnöŋ yarö aziurupŋi yembuk liliköba wösöŋini eŋguiga yuai akeri, mi lök oyonget me qahö? ⁴“Yaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö meiga neget. Beret kömbukŋi mosötmosötŋi mi jike nup galöm yeŋönök nezema. Yaŋön aka yaŋgö sunŋurumurupŋan mi nembepuköra soŋgo ahöyök mi töndup neget.”

⁵Mewö jiba kewö jii mötket, “Suep gölmegö azi öŋŋan mönö Sabat kendongö Kembuŋi akza.” Mewö.

Jisösnöŋ azi böröŋi sösöröŋgöŋi mem ölöwahök.

Mat 12.9-14; Mak 3.1-6

⁶Jisösnöŋ Sabat kendon kunöŋ köuluk mire öŋgöba Buŋa kusum eŋgyök. Miangöreŋ azi kun böröŋi öŋŋi soholiiga tarök. ⁷Köna keugö böhi aka Farisi (Köna keugö kapaŋkölköl) yeŋön Jisös eka keu jakeŋe

^u 6.1 Dut 23.25 ^v 6.3-4 1 Sml 21.1-6 ^w 6.4 Lew 24.9

al waŋgibingö könani jaruba “Azi mi Sabat kendonöŋ möhamgöma me qahö?” jiba je galöm memba tatket. ⁸Tatketmö, Jisösnöŋ mötmötŋini mi möt kutuba azi böröŋi sosoholiŋi mi kewö jii mörök, “Mönö wahöta jenine kinöŋ.” Mewö jiiga wahöta kinök.

⁹Kini Jisösnöŋ jii mötket, “Köna keu wuatangöba Sabat kendonöŋ yuai ölöŋi me bölöŋi akin? Ölöŋ kungö bohonŋi jöhöbin me mosöringa ayuhuma. Wanat kun meinga dop kölma? Mi qesim engibi jiget.” ¹⁰Mewö jiba körek pakpak lilingöm purik engeka azi miaŋgö jiyök, “Gi mönö börögi qötöteinöŋ.” Mewö jiiga böröŋi qötöteiiga kunbuk ölöwahök.

¹¹Ölöwahökmö, galöm yeŋön irimŋini gwötpuk seholiiga “Jisös denöwö ak waŋgibin?” jiba nanŋini eraum mötket. Mewö.

Gwarekurupŋi 12 möwölöhöm engiyök.

Mat 10.1-4; Mak 3.13-19

¹²Nalö miaŋgöreŋ Jisösnöŋ kunduje köulukömamgö öngöba suŋgem köröp mi Anutu köuluköm waŋgiba mali miri alök. ¹³Miri gianjiiga gwarekurupŋi engohola yeŋgöreŋök 12 möwölöhöm engiba melaimelai azi aposol qet mi engiyök.

¹⁴Qetŋini kewö qerök: Saimon, Jisösnöŋ qetŋi Pitö waŋgiyök, yaŋgö munŋi Andru aka Jeims, Jon, Filip, Bartolomyu, ¹⁵Matyu, Tomas, Jeims Alfusgö nahönŋi aka Saimon qetŋi kun Tuaköpek azi qetket.^x ¹⁶Judas Jeimsgö nahönŋi aka Judas Iskariot. Kariot azi miaŋön könangen mamalolo azia ahök.

Jisösnöŋ kawöl ambazip mem ölöwak engiyök.

Mat 4.23-25

¹⁷Jisösnöŋ aposolurupŋi yembuk kundujeyök eta gölme köröŋe anda kinget. Kingetka gwarek kambuŋi ketaŋi aka ambazip kambulembe yeŋön yaŋgöra tokoba mambötket. Yeŋön “Buŋaŋi jii möringa kawölnini mem ölöwakŋa,” jiba miaŋgöra Judia prowins pakpak, Jerusalem siti aka köwet jitŋeyök Taiö aka Saidon taon miaŋgöreŋök kaba tokoget. ¹⁸Ömewörömenöŋ kölköljinŋin mem engiyöhi, yeŋön mewöyök kaba ölöwaket. ¹⁹Kükösumŋan yaŋgöreŋök kutuba yeŋgöreŋ öngöiga körek ölöwak engiyök. Miaŋgöra ambazip körekŋan Jisös misiribingö jaram tiget. Mewö.

Simbawoŋ aka kezapjupjup ahakö keuŋi

Mat 5.1-12

²⁰Jisösnöŋ gwarekurupŋi uba wahöta engeka kewö jiyök,

^x 6.15 Nasönöl pati zelot yeŋön Rom gawman tuarenjoŋ aka nanŋine kinkin memingö tuaköpek memba malget.

“Anutugö bemtohoŋ mi wanapŋi eŋgö buŋaya. Miaŋgöra wanapŋi iŋini

mönö simbawoŋ akze.

²¹Nalö kewöŋe nenegö ewö kömumba qemjeŋ qeba maljei, Anutunöŋ mönö

sihimŋini mi gumohom eŋgima. Miaŋgöra iŋini mönö simbawoŋ akze. Nalö kewöŋe sahötzei, eŋön mönö sösoŋgai aka gön kölme. Miaŋgöra wösöbirik maljei, iŋini mönö simbawoŋ akze.

²²“Ambazipnöŋ iŋini Suep gölmegö azi ölnaŋgöra aka kazik aka yaköriba silene ala uruqeqe keu töhöreŋ jim eŋgiba kiam sekbölö ewö qetŋini kutumei, iŋini mönö simbawoŋ akze.

²³“Amböskonurupŋinan miaŋgö dop kezapqetok ambazip yeŋgöra aka eŋgiba malget. Mötket! Anutunöŋ töwaŋini öŋgöŋgöŋi Suep mire ali ahöza. Miaŋgöra mewö ak eŋgigetka nalö miaŋgöreŋ mönö söŋgaiba köiraŋ kölme.

²⁴Iŋini simbawoŋ maljemö, pomŋi sukinapŋinambuk iŋini malmal siyoŋsayoŋi qahö maljei, mi teköma. Miaŋgöra nöŋön eŋgöra wölkiköba ‘Yei!’ jizal.

²⁵Nalö kewöŋe nem timbireŋ maljei, iŋini mönö wösöŋini ali (buörö) bödi malme. Miaŋgöra nöŋön eŋgöra wölkiköba ‘Yei!’ jizal. Nalö kewöŋe sösoŋgai aka gön köljei, iŋini mönö amburereŋ aka sahötme. Miaŋgöra nöŋön eŋgöra wölkiköba ‘Yei!’ jizal.

²⁶“Amböskonurupŋinan kezapqetok ambazip takapulakaŋi jim möpöseim eŋgiba malget. Ambazip pakpak miaŋgö dop ak eŋgigetka nöŋön eŋgöra wölkiköba ‘Yei!’ jizal.” Mewö.

Kerökurupki mönö jöpaköm eŋgiman.

Mat 5.38-48; 7.12a

²⁷“Bölöŋi ak eŋgimemö, iŋini keuni möta maljei, nöŋön eŋgöra kewö jibi mötme: mönö kerökurupŋini uruŋinan jöpaköm eŋgiba malme. Denike yeŋön kazik ak eŋgizei, i mönö ölöŋŋanök ak eŋgiba malme.

²⁸“Denike yeŋön qesuahöba jinjerereŋ ak eŋgizei, i mönö köl tömbiba kötuatköm eŋgime. Örom ureim ak eŋgizei, yeŋgöra mönö Anutugö köuluköme.

²⁹“Kunŋan nuŋgulumgi likepŋi qekötahöliiga likepŋi mewöyök meleŋ waŋgiman. Kunŋan qakŋaŋgö malukugi goaŋgiriga göŋön mönö dutŋaŋgö opoŋi mohokŋe memamgö möri mi kude aŋgön kölman.

³⁰“Yuaigö ulet gihigetka mi mönö körek yeŋgöra eŋgiman. Kunŋan göhö inap yuaigi meiga mi mönö meleŋ gihimapkö kude kapaŋ köla

[†] 6.22 1 Pitö 4.14 [‡] 6.23 2 Hist 36.16; Apo 7.52

qesiman. ³¹“Ambazipnön yuai nanjinaᅅgö ak engimegö mörakzei, miangö dop mönön nanjini mewöyök i ak engimakje.

³²“Gölmegö siᅅgisöndok ambazipnön alaurupjinan jöpaköm engigetka kitipji melenᅅa jöpaköm engiba möpöseim angumakze. Injini miangö dop gölmegö tandökji wuatangömakze ewö, Anutugöreᅅ tosa qahö ahuiga mönön denöwö injini möpöseim engibawak? Alaurupjini aka kerökurupjini mi mönön mohotje jöpaköm engigetka töwa engiiga oyaenᅅkoyaenᅅ akje.

³³“Gölmegö siᅅgisöndok ambazipnön alaurupjinan yuai ölöᅅji ak engigetka kitipji meleᅅ engiba ala ak anguba möpöseim angumakze. Injini miangö dop aka gölmegö tandökji wuatangömakze ewö, Anutugöreᅅ tosa qahö ahuiga injini qahö möpöseim engima.

³⁴“Gölmegö siᅅgisöndok ambazipnön monenᅅ yuai mi siᅅgisöndok ambazip tosatji yengöra engiba kitipji miyök meleᅅ engimegöra kapaj kölakze. Mi gölmegö ahakmemeya. Injini tosatjan tosanjini meleᅅ engimegö al mambötkeᅅka Anutunöᅅ mönön denöwö möpöseim engibawak? Tosatjan tosanjini qahö meleᅅ engigetka Anutunöᅅ mönön kitipji mi melenᅅa töwa engima.

³⁵“Injini mönön Suep Toᅅangö ahakmemeya aka memba malme. Gölmegö ambazipnön bölöᅅji aka saiwap qahö jimakzemö, Anutunöᅅ töndup i ölöᅅji ak engimakza. Miangöra injini mönön kerökurupjini uruᅅjinan jöpaköba ölöᅅᅅanök ak engiba monenᅅ yuai engiba miangö likeᅅpi kun meleᅅa engimegöra kude al mambötme. Mewö aka malgetka töwanjanan sehiba öᅅgöᅅgöᅅji aiga Anutu öᅅgöᅅgöᅅᅅangö nahönböraturupji aka malme.

³⁶“Suep Iwiᅅjinan körek pakpak ak kömum engimangö mötzawi, injini mönön miangö dop ambazip pakpak ak kömum engiba malme.” Mewö.

Jimtekötekö toᅅji ewö kude akje.

Mat 7.1-5

³⁷“Ambazip tosatji yengö keuᅅjini mi kude kewöta jim teköme. Mi qahö jim teköm engigetka Anutunöᅅ mönön nanjini mewöyök qahö jim teköm engima. Injini tosatji yengö siᅅgisöndokjinangö likeᅅpi mi qahö meleᅅ engime. Mi qahö meleᅅ engigetka Anutunöᅅ mönön nanjini siᅅgisöndokjinangö likeᅅpi mi mewöyök qahö meleᅅ engima. Injini mönön tosatji yengö siᅅgisöndokjini mosötme. Mi mosötkeᅅka Anutunöᅅ nanjini siᅅgisöndokjini mewöyök saᅅᅅonᅅa mosötma.

³⁸“Injini ambazip tosatji yengöra yuai ak engigetka Anutunöᅅ mönön miangö dop kewöta yuai mi melenᅅa engöra ak engima. Miangöra injini mönön yuai kalema engimakje. Mewö engigetka Anutunöᅅ mönön

^a 6.31 Mat 7.12

mewōjanōk kalema engimakŋa. Ōlŋa, Anutunōŋ ekbonep qahō mōta baukōm engimakŋa. Anutunōŋ kewōta iŋini engigeri, miangō dopŋi jōmuk memba kiwinōŋ mokoi numbuŋe kori utukōi qōrōraŋ aiga mulungōi gei toroqeba qakŋe mokoi dopŋi oŋgita qeqelaŋlaŋ eri, mi mōnō gōsōŋine lōŋgōt engima.” Anutugō kōnaŋi mewō.

Ambazipnōŋ nanŋini kōnaŋini eka mōtme.

³⁹^bJisōsnōŋ dopkeu kun kewō jii mōtket, “Jegōmōl ambazip kunōŋ jegōmōl alaŋi kun ōlōp bōrōŋe memba waŋgitma me qahō? Mewō anbahorak mōnō mohotŋe lōmnōŋ geba etkubawak. ⁴⁰“Gwareknōŋ bōhiŋi qahō oŋgita. Bōhiŋinan mōtmōt pakpak tōrōrōk kusum engii mōt kōmumei, kōrek yeŋōn mōnō bōhiŋini ewō akŋe.

⁴¹“Gi wuanōŋgōra alagahō jeŋe gōdōwōrōt morōrōkŋi ekzanmō, nangi jege ip sahōtŋi ketaŋi ahōzawi, mia denōwō kude ek kutuzan? ⁴²Nangi jege ip sahōtŋi ketaŋi ahōzawi, mi qahō ek kutuba denōwōgōra alagahō kewō jibanak, ‘Alani mōtnōŋ! Jege euke gōdōwōrōt geba tatzawi, mi ōlōp itakōbi etma.’ O urumelengō silesile azi, gi mōnō mutuk nange jegeyōk ip sahōtŋi (tapōtŋi) ketaŋi mi memba gilman. Mi mem gilagun tōrōrōk ek kutuba alagahō jeŋe gōdōwōrōt geba tatzawi, mi ōlōp itakōnōŋga etma.” Mewō.

Ipkō kōnaŋi mi ōlŋi eka kewōta mōt kutume.

Mat 7.16-20; 12.33-35

⁴³“Ip ōlōpŋi kunŋan ōlŋi bōlōŋi qahō kuŋgumakza. Mewōjanōk ip bōlōŋi kunŋan ōlŋi ōlōpŋi qahō kuŋgumakza. ⁴⁴^dJau kōtŋi mi jōmnōŋ asuhuiga membingō osimakzin aka muli ōlŋi mi koururuknōŋ asuhuiga qekōbingō osimakzin. Miangō dop ipkō ōlŋi eka kewōta kōnaŋi mōt kutume.

⁴⁵^e“Azi uruŋan yuai kokolak qei ahōzawi, mia mōnō numbuŋan aukŋe jimakza. Miangōra azi ōlōpŋaŋgō uru kōweŋe ōlōpŋaŋgō mōriamŋi ahōzawi, yaŋōn mōnō ōlōpŋi mi aukŋeyōk jimakza. Azi bōlōŋaŋgō uru kōweŋe bōlōŋi ahōzawi, yaŋōn mōnō bōlōŋi mi aukŋe jimakza.” Mewō.

Miri tandō kōhōikŋi aka lōlōwōrōŋi

Mat 7.24-27

⁴⁶“Iŋini nōŋgōra ‘Kembu Kembu!’ qet mi mōnō wuanōŋgōra qerakzemō, nōŋōn yuai memegō jimakzali, mi qahō tem kōla memakze.

⁴⁷“Denike yeŋōn nōŋgōreŋ kaba keuni mōta tem kōla mezei, nōŋōn yeŋō kōnaŋamŋini kondela dopkeunōŋ jimam. ⁴⁸Yaŋōn mitim qeŋe azi kiangō

^b 6.39 Mat 15.14 ^c 6.40 Mat 10.24-25; Jon 13.16; 15.20 ^d 6.44 Mat 12.33 ^e 6.45 Mat 12.34

dop akza: Azi mianjōn ‘Miri memam,’ jiba lōm köröpñi esiba geba tandōñi köt jamōññi qakñe kuṅgum köhöi kinōk. Mewō kiniga kie uru nalōñe o göulu köhöikñi gila miri kembrañe kuṅguyōkmō, ölöpñanōk mem muhungōi kinōk. Miangōra kusumamgō qem bibihiga köhöiba kinōk. ⁴⁹Qem bibihiyōkmō, kunōñ keuni möta qahō tem köla mezawi, yañōn mönō mitimqeçe azi kiangō dop akza: Yañōn ‘Miri memam,’ jiba tandō qahō esim kömöta gölme qakñe kut bim miyōk ala meyōk. Mei kiniga kie uru nalōñe o göulu köhöikñi gila miri kembrañe kuṅguiga miri mi miangōreñōk kusuiga goromororōngōba erōk.” Mewō.

Jisōsnōñ suahō galōm kuṅgō nup aziñi mem ölöwahōk.

Mat 8.5-13

7 ¹Jisōsnōñ ambazip kambu sutñine mala Buña keuñi pakpak mi jii mötketka eṅgōmosōta Kaperneam taonōñ kaṅgorōk. ²Miangōreñ Rom suahō galōm kuṅgō nup aziñan kawōl yōhöi kömumamgō ahōk. Galōmñan yañgō möri öñgōñgōñi ahōk.

³Miangōra Jisōsgō buzupñi möta Juda yañgō jitñememe tosatñi melaim eṅgiiga Jisōsgōreñ anda kewō qesiget, “Mōnō kaba welen aziñi mem ölöwakñan.” ⁴Anda Jisōsgōreñ aṅgota kapañ köla köulukōba jiget, “Ketañamnini, suahō galōm mianjōn mönō baukōm waṅgimanañgō dop ölöp sorokñi akza. Miangōra mönō kanōñ.” ⁵Mōtnōñ, yañōn Juda ambazip kambu neṅgōra ak waṅgiiga ‘Köuluk mirinini membin,’ jiinga kian yañōn moneñ ali meget.”

⁶Mewō jiget möta yembuk anōk. Anōkmō, suahō galōmgō miriñi dopdowii yañōn alaurupñi melaim eṅgiba Jisōsgōra keu kewō alōk, “O Kambu, ni mewōrōkñi malbiga nōṅgō miri boñan gualōñmapkō gamuni mötzal. Miangōra mönō qahō aum kömumba kaman. ⁷Ni nanañgō mötpi eretñi akzawañgōra göhöreñ kamamgō dop kude mötzalmō, keu jitkanōk jinōṅga welen azinan ölöwakña. ⁸Mi kewōgōra: Ni nanak mewōyōk galōmnāñgō kukōsum bapñe al niñgiget maljal. Nōṅgō bapne yarō azi malgetka mi jim kutum eṅgimakzal. Yañgōreñōk kuṅgōra ‘Anman’ jim kutubi yañōn anma. Kuṅgōra ‘Kanōñ’ jim kutubi yañōn kama aka welen azini kuṅgōra ‘Nup ki meman,’ jibiga yañōn mi mema.”

⁹Jisōsnōñ keu mi möta suahō galōmgōra welipkōba ambazip kambu wuatāñgōba kageri, yañgōreñ liliñgōba kewō jiyōk, “Nōñōn kewō jibi mötme: Israel könagesō sutñine mewōyōk mötnarip ketañi mewōñi mi kuṅgō uruñe qahō miwikñaijal.”

¹⁰Mewō jiiga suahō galōmgō kolekaziurupñan liliñgōba mire aṅgota welen azi miwikñaiiba eketka ölöwaka tarōk. Mewō.

Jisōsnōñ malō kuṅgō nahōññi mem guliyōk.

¹¹Miangō andōñe Jisōsnōñ taon qetñi Nain miangōreñ aniga gwarekurupñi aka ambazip kambulelebenōñ wuatāñgōba anget.

¹²Miangörej taon kiripo nanḡunji dopdowiiga qamöt kun aḡuba kaget. Malö kungö nahönḡa mohok-kunḡan kömuiga taongö ambazip kambu ketaḡan tokoba löm kölbingö kaget.

¹³Kembunöḡ malö mi eka wösönji möta jii mörök, “Kude sahötman.”

¹⁴Mewö jiba anda bokis aḡuba kageri, mi jii dörök algetka bokis misiriba kewö jiyök, “Azi gwabö, mönö wahötnöḡ. Nönön göhöra mewö jizal.” ¹⁵Mewö jiiga qamöt miaḡön guliba wahöta könahiba keu jiyök. Keu jiiga Jisösnöḡ namḡambuk anmapkö waḡgiyök.

¹⁶Ambazip pakpak yeḡön mi eka qem sömbunḡini möta Anutu möpöseiba jiget, “Kezapqetok azi ketaḡi kunöḡ mönö sutnine asuhuba malja.” Tosatḡan jiget, “Anutunöḡ könagesönji mesohol köl nengii maljin.”

¹⁷Yaḡö keu buzupḡi mi sehiba Judia prowins pakpak dop köla gölmeḡi gölmeḡi likeplikep miangörej an teköyök. Mewö.

Jongö gwarekyahötḡi Jisösgöreḡ kayohot.

Mat 11.2-19

¹⁸Jon O-melun azinöḡ kösö mire tariga gwarekurupḡan yuai pakpak mi asuhuyöhi, miangö kösohotḡi jiget mörök. ¹⁹Jiget möta gwarekḡi yahöt etkoholi kayohotka Kembugöreḡ anda kewö qesim waḡgimahotköra melaim etkiyök, “Mem ölöwak azi kamapköra mamböriḡa göḡön mia akzan me azi kun biaḡ kamapköra mambötḡin.”

²⁰Melaim etkiiga Jisösgöreḡ aḡgota jiyohot, “Jon O-melun azinöḡ kewö qesim gihibitköra melaim netkiiga kazit, ‘Mem ölöwak azi kamapköra mamböriḡa göḡön mia akzan me azi kun biaḡ kamapköra mambötḡin.’ ”

²¹Jisösnöḡ nalö miangöreḡök ambazip gwötḡuk uzi kawöl izekwaizek (ijeḡwaijeḡ) aka ömeḡinambuk mi mem ölöwak enḡiyök aka jegömöl ambazip gwötḡuk jeḡini metohoi uba eket. ²²^fJongö gwarek yahötḡan aḡgota qesim waḡgiyohotka kewö meleḡnök, “Yuai eka mötzahori, miangö kösohotḡi mönö anda Jon kewö jiyohot mötma: Jegömöl yeḡön uba eketka lokon yeḡön köna anda kagetka uzikuku yeḡön solanigetka kezapduhup yeḡön keu mötketka kömuget yeḡön guliba wahötketka etqeḡeḡi yeḡöra Ölöwak Buḡa jim asaribiga mörakze. ²³Mewö asuhui eketka kungö uruḡan qahö bölii andö nuḡgumawi, yeḡön mönö simbawoḡ akza.”

²⁴Mewö jiiga Jongö gwarek yetköḡ anohotka Jisösnöḡ könahiba Jongö könaḡi ambazip kambu yeḡöra kewö jim asariyök, “Iḡini gölme qararaḡkölkölḡe miangöreḡ wania ekingöra anget? Luhutnöḡ jehot uwutapköba metali anjaḡbanjaḡ ahakzawi, iḡini azi mewöḡi ekingöra anget me?

²⁵“Me wanat yuaia ekingöra anget? Azi malukuḡi aködamanḡambuk löḡöta malöhi, mi ekingöra me? Mötket, ambazip malukuḡini kuleḡḡi

^f 7.22 Ais 35.5-6; 61.1

ek sihimꞋambuk löngöta anda kaba siyoꞋsayoꞋni qahö maljei, mieꞋön mönö kiꞋ yengö jakömbuak miriꞋine malje. Mi gölme qararanꝼkölkölje qahö.

²⁶ “Me wanat yuaia ekingöra anget? Kezapqetok azi kun ekingöra me? Ölja, nöꝼön kewö jibi mötket: Azi ekeri, yaꝼön mönö kezapqetok ambazip tosatꝼi engoꝼgita tandökꝼi kun akza. ²⁷ ^sYaꝼgö könaꝼi mi mönöwök kewö ohoget ahöza, ‘Mötnöꝼ, nöꝼön kolekni garata kun melaibiga qelꝼije anda ambazip uruꝼini mindiꝼgöba göhö könaꝼi mesariga göꝼön mönö yaꝼgö andöꝼje gölmenöꝼ emu geman.’ ²⁸ Keu mewö ahözapmö, nöꝼön kewö jibi mötket: Ambinöhök morö pakpak engömegetka asuhugeru, yengö sutꝼine Jonöꝼ mönö körek engoꝼgita qetbuꝼaꝼambuk kinja. Kinjapmö, Anutugö bemtohoꝼ uruꝼe aꝼgota Anutugö qetbu괻a괻i miwik괻aimakzei, yengö sut괻ine eret괻i kondik괻i ya괻ön mönö Jon o괻gitza.”

²⁹ ^h Ambazip köna괻esö pakpak aka yengö sut괻ine takis meme ye괻ön mohok괻e Jongö Bu괻a괻i mötkeri, ye괻ön jim köle괻da “Aha! Anutugö köna di괻di괻i jim asariza,” jiba uru괻ini mele괻getka Jonö괻 o melun mem engiyök. ³⁰ Mewö engiyökmö, Farisi aka Köna keugö böhi ye괻ön Anutugö are괻i qahö tem köla Bu괻a괻i andö qeba silekmalek aketka Jonö괻 o melun qahö mem engiyök.

³¹ “Ambazip merak gölmenö괻 maljei, mi mönö wanatpuk dop al engibile괻ak? Yengö silik괻ini mi denöwö? ³² Ye괻ön namande ewö akze. Mie괻ön maket sombemnö괻 tata keu gön gila la괻 qeta kewö jimakze, ‘Nini awölop uinga i괻ini li괻et gwawet qahö unduget. Nini jing괻 kölinga i괻ini qahö toroqeba sahötket.’ ³³ Mian괻gö köna괻i kewö: Jon O-melun azinö괻 kaba nene si괻gi mala wain o qahö neiga i괻ini ya괻göra jimakze, ‘Öme kunö괻 uru괻e geiga malja.’

³⁴ “Suep gölmegö azi öljän kaba nene nem sö괻gaip aiga e괻ön jimakze, ‘Mötket, ya괻ön bau numbu tandök közöjeriba wain o gwötpuk nempa takis tilipqilip괻inambuk aka bölö괻i meme yengö ala괻ina malja.’ ³⁵ Körek pakpak Anutugö mötkutukutu köl gulimakzei, yengö ahakmeme괻ina괻gö öljän mönö mötkutukutu괻inan dop köljawi, mi kondelakza.” Mewö.

Singisöndok ambinö괻 Jisö괻gö köna괻i kelök miriyök.

³⁶ Farisi (Köna keugö kapa괻kölköl) azi yengöre괻ök kun괻an Jisös mi nan괻i miri괻e kaba nene nemapkö köl öroyök. Köl öroi anda miri괻e ö괻göba nene dum괻e tarök. ³⁷ ⁱ Taon mian괻göre괻 singisöndok ambi kun malök. Ya괻ön Jisös Farisi azigö mire ö괻göba tata nene neyöhi, mian괻gö buzup괻i möta kelök umköhöwaka괻ambuk mokoi köt kirin kun kokolak qeyöhi, mi memba ö괻göba kayök. Kirin mi nöluk tuat-tuat qet괻i alabastö mian괻ön meme괻a.

§ 7.27 Mal 3.1 ^h 7.29-30 Mat 21.32; Luk 3.12 ⁱ 7.37-38 Mat 26.7; Mak 14.3; Jon 12.3

³⁸ Öngöba kaba Jisösgö könane geba tata könahiba sahöri imbiljan tingita geba könane miriyök. Miriiga nörop juḡḡan kereḡ memba kutui öroniiga könani numbuḡan yöhötim nembra kelök umköhöwakḡambuknöḡ miriyök. ³⁹ Miriyökmö, Farisi azinöḡ Jisös köl öroyöhi, yaḡön mi eka uruḡan kewö mötmöriyök, “Ambi ki siḡgisöndokḡambuha. Azi kianön kezapqetok azia malbawak ewö, yaḡön mönö ambi könane misirizawaḡö könani möt kutubawak.”

⁴⁰ Jisösnöḡ mi möt kutuba kewö meleḡda jiyök, “Saimon, nöḡön keu kun jimangö mötzal.” Jiiga jiyök, “Böhi, ölop jinöḡ mötpi.”

⁴¹ Jiiga Jisösnöḡ kewö jii mörök, “Ambazip yahötḡan benknöḡ anda tosa albitkö monerḡ galömḡaḡö qesiyohot. Kunöḡ silim 500:kö töwaḡi (Kina 2500,-), kunöḡ silim 50:gö töwaḡi (Kina 250,-) miangö dop tosa albitkö qesiyohot. Qesiyohotka miangö dop etkiyök. ⁴² Etkiba könangep tosaḡiri misimahot jiiga monerḡiri qahöwahiga osiyohot. Osiyohotka benk galömḡan tosaḡiri qeköba kutuba mosöt etkiyök. Mosöt etkiiga yetköreḡök daḡön i uruḡan gwötpuk jöpaköm waḡgimakza?”

⁴³ Mewö qesiiga Saimonöḡ kewö meleḡnöḡ, “Nöḡgö mötmötnöḡ tosa ketaḡi kutuba mosöt waḡgiyöhi, yaḡön.” Mewö meleḡniga jiyök, “Gi keu törörök kewöta jizan.”

⁴⁴ Mewö jiba ambigöreḡ lilingöba kewö jii mörök, “Ambi ki eknöḡ. Nöḡön mirige kotpiga göḡön könani saḡḡoḡmangö o kun qahö niḡgizanmö, ambi kianön mönö könani imbiljan miriba nörop juḡḡan kereḡ memba kutui öroniza. ⁴⁵ Göḡön numbuni qahö yöhötim nezanmö, ambi kianön mönö mire kotpiga miangöreḡök kapaḡ köla könani yöhötim nembra malja. ⁴⁶ Göḡön nöropni kelök kude mirizanmö, ambi kianön mönö kelök umköhöwakḡambuknöḡ könane nömiriza. ⁴⁷ Miangöra nöḡön kewö jibi mötnöḡ: Anutunöḡ ambi kiangö siḡgisöndokḡi gwötpuk mi mosöta saḡḡoḡniga miangöra uruḡan ni gwötpuk jöpaköm niḡgiza. Kunöḡ siḡgisöndok boromdökḡi ahiga Anutunöḡ siḡgisöndokḡi morörökḡi mosöriḡa yaḡön uruḡan borom kun miyök jöpaköm niḡgimakza.”

⁴⁸ Mewö jiba ambi mi kewö jii mörök, “Nöḡön göhö siḡgisöndoki saḡḡoḡda mosötzal.”

⁴⁹ Mewö jiiga azi mohotḡe nene nembra tatkeri, yeḡön könahiba nanḡinök kewö jiget, “Siḡgisöndok saḡḡoḡda mosötzawi, yaḡön mönö niḡi azia akḡamgö mötza?”

⁵⁰ Mewö jigetmö, Jisösnöḡ ambigöra jiyök, “Mötnariḡkan mönö amöt qem gihiza. Ölop luainöḡ anman.” Mewö.

Ambi tosaḡḡan Jisös naḡöba anget.

8 ¹ Miangö andöḡe Jisösnöḡ liliköba taonḡi taonḡi aka miriḡi miriḡi miangöreḡ anda Anutugö bemtohoḡö könani jim asariba Ölöwak Buḡa keunöḡ ambazip uruḡini kuḡguba malök. Gwarekurupḡi

12 yeñon yambuk mohotje anget. ² Mewöyök ambi tosatjan yambuk anget. Ambi mi mutuk kawöl engöhöi ömenön kölköljinjin mem engii malgetka Jisösnön mem ölöwak engiyök. Ambi mi kewö: Maria qetji kun Magdalagö ambia qetket. Jisösnön yanğö uruñeyök öme 7 közöl engii kota anget. ³ Ambi kun qetji Joana. Yanğö apñi qetji Kuza yanğon kin Herodkö jakömbuak miri miangöreñ gawmangö monen galömña malök. Ambi kun qetji Susana, Yeñon aka ambi tosatji gwötpuk yeñon nanñini monen inapñinan Jisös aka gwarekurupñi könanon galöm köla nanğom engiget. Mewö.

Qesinqesin azigö dopkeu

Mat 13.1-9; Mak 4.1-9

⁴ Ambazipnön taon dop miangöreñök öröba Jisösgöreñ kaba kambulembenön tokogetka Jisösnön dopkeu kun kewö jiyök:

⁵ “Azi kunön nene kötji qesin gilmamgö anök. Anda qesiniga kötji tosatjan köna jitre geba kölget. Geba kölgetka ambazipnön tim tökötahögetka könakemba (warawen) neiñi neiñi kanğota mi nem teköget. ⁶ Kötji tosatjan köt jamönjinön geba kölget. Geba köla miangöreñ gölme oñambuk qahö miwikñaiba korapñi kota soholiba gororonğöget.

⁷ “Kötji tosatjan siri uret wahinambuknön geba kölget. Geba kölgetka mienön örörön kota engongita qem turuba böbölohot mem engiget. ⁸ Kötji tosatjan gölme ölöpne geba kölget. Geba köla jula wahöta ölnini ölöpñi asuhuba handötkö dop ahum sehiget.”

Keu mi jim teköba qet ketanji kewö qerök, “Kunjan urukezapñambuk malja ewö, yanğon mönö dopkeu ki kezap ala möt kutuma.” Mewö.

Jisösnön denöwögöra dopkeugö könani jiyök.

Mat 13.10-17; Mak 4.10-12

⁹ Mewö jiiga gwarekurupñan dopkeu kiangö könanangöra Jisös qesim wanğiget. ¹⁰ ^k Qesim wanğigetka jiyök, “Anutugö bemtohoñe anğota malbingö keu tolapñi mi engöra aukñe jibi möt kutuzemö, tosatji yeñgöra mia dop keunön jibi mörakze. Mewö möta nanñini jeñinan yuai ekagun könani töndup qahö ek kutume. Nanñini kezapñinan keu törörök mötagun könani töndup qahö möt asarime.”

Jisösnön dopkeugö könani jiyök.

Mat 13.18-23; Mak 4.13-20

¹¹ “Dopkeu miangö könani kewö: Köt qesin giljawi, mi Anutugöreñ Buña keu. ¹² Nene kötji köna jitre geba kölgeri, mi kewö: Ambazip tosatjan Buña

^j 8.2-3 Mat 27.55-56; Mak 15.40-41; Luk 23.49 ^k 8.10 Ais 6.9-10

keu mötzmö, mi mötketka Bölöni Tonjan kaba uruñini melenđa Suepkö buña akepeköra keu kötñi mi uruñineyök qeköba enġuañgirakza. ¹³Nene kötñi qesiñniga köt jamönjiñnönġ geba kölgeri, mi ambazip söpsöpñi kun. Yeñön Buña keu möta mi söšönġai qakñe möt anġön kölakzemö, uruñine geba jalöñini qahö megeranġöra nalö töröptökñi miyök möt nariba malġetka esapesapkö nalöñe mönö tala enġuma.

¹⁴“Nene kötñi qesiñniga siriuret wahiñinambuknönġ geba kölgeri, mi kewö: Yeñön Buña keu mötketka uruñine gezapmö, gölmenönġ malmalgö waimanjatñi aka monen inap memegö urukönöpñi ahuba lömbörim enġimakza. Qetbuñanjanambuk akingöra köpösönġgögetka sihim kömbönanji bölöni tosatñan mewöyök uruñine dumgöba Buña keu böbölohot mem wañgize. Mewö aiga ölnini qahö gilipitñi akñe. ¹⁵Qahöpmö, nene kötñi gölme ölöñne geba kölgeri, mi ambazip kewönġ: Yeñön Buña keu kezap ala mötketka uruñini ölöñni ġeñmonġi qahö miañġöreñ ġeiga sohobapukö mököšönġa 8kapanġ köla ġalöm kölġetka ölnini ölöñni ölöñni miwikñaimakze.” Mewö.

Yuai asa-asambötñi pakpak mi aukñe ahuma.

Mak 4.21-25

¹⁶“Kunñan lambe me kiwa ohotiriba kimbutnönġ kude köl turuma me dum bapñe qahö alma. Mi qahöpmö, mi miañġö dum qakñe ali tatma. Tata asariġa tosatñan miri uruñe öñġöbingö mötzei, yeñön miañġö asakñi eka ölöp öñġöme.

¹⁷“Mewöñanök urunine yuai kun asambötket tölapñe ahözawi, mi mönö aukñe asuhum tiñġitma. Yuai kun köl turuin ahözawi, mi mönö lulunġetka kötula ahöma.

¹⁸“Miañġöra Anutugö keu mötzei, mi mönö urukönömñine ala mötmöriba köl guliba malme. Kunñan mötkutukutuñambuk maljawii, Anutunönġ mönö mi toroqem wañġii qarimapmö, kunñan mötkutukutuñi qahö maljapmö, ‘Miambuk maljal,’ jizawi, Anutunönġ mönö mötmötñi morönġi mi mewöyök qeköba wañġitma.” Mewö.

Jisösgö nam-munurupñi.

Mat 12.46-50; Mak 3.31-35

¹⁹Jisösnönġ mewö jiba maliga nam munñan i ekingö kagetmö, ambazip kambu ketanjan ölököba ġwözönġgeranġöra kösutñe anbingö osiget. ²⁰Osiba kingetka kunñan kewö jii mörök, “Göhö nam-mungan mönö yaigep kinda ġi ġekingö mötze.”

²¹Jii mörökmö, Jisösnönġ kewö melenđa jii mötket, “Ambazip ki Anutugö Buña keu möta tem köla köl ġulimakzei, mienön mönö nöñġö namni aka munurupni akze.” Mewö.

¹ 8.16 Mat 5.15; Luk 11.33 ^m 8.17 Mat 10.26; Luk 12.2 ⁿ 8.18 Mat 25.29; Luk 19.26

Jisösnöŋ jiiga raidimbom göröŋ qeyök.

Mat 8.23-27; Mak 4.35-41

²²Wehön kunöŋ Jisösnöŋ gwarekurupŋi kewö jii mötket, “Mönö mosöta o aŋgö kutuba likepŋe aŋgotpin.” Mewö jiiga waŋgenöŋ mohotŋe öŋgöba o aŋgö qakŋe anget. ²³Anda opo seri möröreŋgögetka luhutnöŋ naŋgöiga angetka Jisösnöŋ gaun ahöyök. Ahöiga luhut raidimbom o aŋgönöŋ gila siri kunduriga waŋge uruŋe geyök. Geba numbunje qemamgö aiga ayuhubingö aket.

²⁴Ayuhubingö aka gwarekurupnan anda möndöba jiget, “Kembu Ketaŋamini, mönö nini aŋgönöŋ ayuhubingö akzin.” Mewö jigetka imbiŋi möta luhut aka o aŋgögö siriŋi kewö jim qetal etkiiga ösumŋiran eriga nöŋ qeba ahöyök.

²⁵Mewö aiga jii mötket, “Eŋgö mötnariŋŋini mi denike?” Mewö jiyökmö, yeŋön awöwöliba qem sömbuŋini möta jiget, “Yei, azi kia mönö denöwöŋan malja? Yaŋön mönö luhut aka köwet siri jim kutum etkiiga jitŋi tem köl waŋgizahot.” Mewö.

Ömenöŋ bau uruŋine gegetka azinöŋ ölöwahök.

Mat 8.28-34; Mak 5.1-20

²⁶Jisösnöŋ gwarekurupŋi yembuk toroqeba opo seri möröreŋgögetka luhutnöŋ naŋgöi anda o aŋgö kutuba Galili prowins likepŋe Gerasa gölmenöŋ aŋgotket. ²⁷Miaŋgöreŋ aŋgota saknöŋ öŋgöi azi ömeŋambuk kun mi taonöhök kaba Jisös miwikŋaiyök. Azi mi qaksirinöŋ mala qamöt köteŋi esiba urorohoget ahögeraŋgöreŋ ahöm malök. Nalö köröpŋi opo maluku qahö löŋgöta miri kungö uruŋe qahö ahömalök.

²⁸⁻²⁹Ömenöŋ nalö köröpŋi öröm ureim waŋgiiga azi gwötpukŋan börö takŋi qeba könaŋi tapepnöŋ (muŋgamuŋga) jöhöba galöm köla malgetmö, tapepŋi öroi tiŋgitŋingiriga ömenöŋ kuŋguiga gölme qararaŋkölkölŋe anda laŋ malök. Miaŋgöra Jisösnöŋ ömeŋi mi kewö jim kutum waŋgimamgöra ahök, “Öme bölöŋi, gi mönö kota azi ki mosöta anöŋ.” Mewö jimamgö aiga Jisös eka silata gölmenöŋ kösutŋe geba qet gigilahöba kewö qerök, “Aek Jisös, gi Anutu öŋgöŋgöŋaŋgö nahöŋŋi akzan. Gi mönö denöwö ak niŋgimamgöra ki kazan. Nöŋön ulet gihizal: Gi sihimbölö könöpŋambuk kude ak niŋginöŋ.”

³⁰Mewö jiiga kewö qesiyök, “Gi qetki niŋi?” Ömewöröme gwötpuk uruŋe geba malgeraŋgöra “Qetnini lijön jizin” jiget. Mi nanine keunöŋ Kerök kambu ketaŋi. ³¹Mewö jiba Jisös kewö ulet waŋgiget, “Gi neŋguataŋgöba öme löm dutŋi qahö miaŋgöreŋ gebingöra kude jim kutum neŋgiman.”

³²Kösutŋine kundunŋi marömŋe miaŋgöreŋ bau kambu ketaŋi kun gwözözak uruŋe kulunŋa malget. Miaŋgöra ömenöŋ kewö jiba ulet

wanjiget, “Gi ölop jinönga nini bau miengö uruñine gebin.” Ulet wanjigetka “Mönö anda geget.” Jiba jim kutum enjgiyök. ³³Jim kutum enjiiga azi uruñeyök kota anda bau uruñine geget. Gegetka bau kambu yeñon mönö luhuba nembönembönöñ anda jororongöba o angönöñ geba nemulahöba kömuget.

³⁴Mi asuhuiga bau galöm yeñon mi eka taon aka miri morömorö miangöreñ ölon unjurata anda keu buzupni mi jiget mötket. ³⁵Jiget möta ambazip sesegilgil yeñon yuai asuhuyöhi, mi ekingöra kaget. Kaba Jisösgöreñ kangota azi uruñeyök ömenöñ kotkeri, yañon könaje tariga miwikñaget. Opo sileötani törörök jöhöba uruñi amöriiga imbi mötmötñi pakpak asuhuiga eka awöwöliget. ³⁶Azi ömenjambuk malöhanöñ denöwö ölöwahöhi, mi jeñinan ekeranöñ jiget mötket.

³⁷Möta gwötputuk awöwöliba qem sömbuñini mötket. Miangöra Gerasa gölmegö ambazip kambu pakpak yeñon Jisösnöñ enjgömosötmapköra ulet wanjiget. Ulet wanjigetka lilingöba anmamgö wanjenöñ öngömamgö ahök. ³⁸Öngömamgö aiga azi uruñeyök ömenöñ kotkeri, yañon kaba Jisösbuk mohotje anda malmamgöra qesiyök. Mewö qesiyökmö, Jisösnöñ qetala melaim wanjiba kewö jiyök,

³⁹“Gi mönö lilingöba mirige anda Anutunöñ angöletot ketani ketani ak gihiyöhi, miangö kösohotñi jinönga mötme.” Mewö jiiga anda Jisösnöñ angöletot ketani ketani ak wanjiyöhi, miangö keuñi mi taon uruñe liliköba miri dop jim sehuyök. Mewö.

Jairusnöñ böratñangöra Jisös köuluköyök.

Mat 9.18-26; Mak 5.21-43

⁴⁰Ambazip pakpak Jisösgö mambötketka lilingöba kaiga kambu köla söngaiba öröm wanjiget. ⁴¹Köuluk mirigö keu galöm kun qetñi Jairus yañon kaba Jisösgö wösöñje geba simin köla miriñje kamapköra köuluköm wanjiyök. ⁴²Moröurupñi qahöpmö, böratñi mukmorö mohok yambuñi (yara) 12:gö dop mala kömumamgö ahök. Jisös köl öröm wanjigetka aniga ambazip kambunöñ likeplikep ölököba utal wanjiget. Mewö.

Kawöl ambi kunöñ Jisösgö malukuñi misiriyök.

⁴³Utal wanjiba angetka miangöreñ sutñine ambi kun malök. Yañon yambu (yara) 12 miangö dop köiñnöñ ehiga nalö dop kawöl yöhöiga malök. Yañon sile galöm yeñgö töwanjini moneñ inapñi pakpak gil maliga sile galöm körekñan mem ölöwakingö osiget. ⁴⁴Ambi miñon Jisösgö andöñje anda malukuñangö kitip suñi misiriiga miangöreñök seppñi jöpköyök.

⁴⁵Jisösnöñ qesiba jiyök, “Danöñ nömisiriza?” Mewö jiyökmö, ambazip körekñan mi qañ kölgetka Pitönöñ jiyök, “Ketanamni, ambazip kambunöñ ölököba utal anguba kaba goseize.”

46 Jiiga Jisösnöj jiyök, “Qahö, kunñan nömisiiriiga ösumni kun ani mötzal.” 47 Mewö jiiga ambinöj “Könañamni lök asuhuza,” jiba jönömñi unduiga kaba Jisösgö wösöñe simin köla kawölñangö könañi aka misiriba miangörejök ölöwahöhi, miangö könañi aukñe jiiga ambazip kambu körekñan mötket. 48 Mötketka Jisösnöj kewö jii mörök, “Böratni, mötnaripkan mönö mem ölöwak gihiza. Ölop urubönjöññöñ anman.” Mewö.

Jisösnöj Jairusgö böratñi mem guliyök.

49 Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratkan kömuza! Miangöra böhigö qakñe lömböt toroqeba kude alman.”

50 Jiyökmö, Jisösnöj keu mi möta köuluk mirigö keu galömñi kewö jii mörök, “Keñgötki kude mötman! Mohok-kun akñan. Mönö ni möt narim niñginöñga böratkan ölöwakña.”

51 Mewö jiba yangö mire anda ambazip tosatñi eñgömosöta Pitö, Jon, Jeims aka morö böratkö iwinamñi iyök eñgungiri nanñinök miri uruñe öngöget. 52 Öngögetka ambazip körekñan jingey köla sahöta amburereñ megetmö, Jisösnöj jiyök, “Yañon qahö kömuzapmö, gaunök ahöza. Miangöra mönö sahöt mosötme.”

53 Mewö jiiga gönahit ewö aiga “Mönö kömuza!” möta gön köl wañgiget. 54 Gön köl wañgigetmö, börat mi böröñe memba qeta jiyök, “Böratni, mönö wahötnöj.” 55 Mewö jiiga uñañan lilingöiga miangöreñök wahöta kinök. Kiniga numbu nene wañgiget nemapkö jiyök. 56 Iwinamñan mi eka welipköyohotmö, Jisösnöj yuai asuhuyöhi, miangö buzupñi kun jiget mötpepukö soñgo al eñgiyök. Mewö.

Jisösnöj gwarekurupñi 12 melaim eñgiyök.

Mat 10.5-15; Mak 6.7-13

9 1 Jisösnöj gwarekurupñi 12 mi eñgoholi tokogetka ömewöröme pakpak közöl eñgimegöra aka uzi kawöl mem ölöwakñegöra kukösumñi ösum-mumuñambuk al eñgiyök. 2 Kukösum eñgiba kewö jiba melaim eñgiyök, “Inini mönö anda Anutugö bemtohoñangö könañi ambazip jim asarim eñgiba kawöl ambazip mem ölöwak eñgiba malme.” 3 3^o Melaim eñgiba jii mötket, “Inini köna anmeañgöra yuaiñi kun qahö memba anme, öröp qahö, gösö qahö, köna nalem qahö, soujeñi qahö. Maluku semöññi qahöpmö, mohok meme.

4 “Anda mire denike denike añgotmei, mönö miangöreñök mala nup memba taon mi mosöta köna anme 5 Anda mala miri kunöñ añgotketka qahö köl öröm eñgiba keuñini qahö mötketka nesampurekñini mönö

° 9.3-5 Luk 10.4-11; Apo 13.51

kewö jiba kondel enjime, ‘Nini engö gölmenöŋ kainga sölbuham köna tambönine mekötahözawî, mi mönö tim tönjöraringa nanjine lilingöba gema.’ Mewö jigetka könaŋamjini solanŋi möt kutugetka ölop taon mi mosöta toroqeba anme.”

⁶Mewö jiiga mosöta anda miriŋi miriŋi liliköba miri dop Ölöwak Buja jim asariba kawöl ambazip mem ölöwak enjiba malget. Mewö.

Herodnöŋ Jisösgöra lalalulu siksauk ahök.

Mat 14.1-12; Mak 6.14-29

⁷PYuai pakpak asuhuyöhi, miangö qetbuŋaŋan sehiba gölme bahöŋangö (Galili prowinsgö) kiŋ Herodkö kezapŋe geiga mörök. Ambazip tosatŋan kewö jiget, “Jon O-melun azinöŋ mönö kömupnöhök wahöta malja.” Miangöra kiŋnöŋ keugö jaruba lalalulu siksauk ahök. ⁸Ahökmö, tosatŋan jiget, “Elaijanöŋ kunbuk asuhuba malja.” Tosatŋan toroqeba jiget, “Kezapqetok azi walŋi yeŋgöreŋök kunöŋ mönö guliba wahöta malja.” ⁹Mewö jigetmö, kiŋ Herodnöŋ kewö jiyök, “Jon O-melun azi mi nöŋön jibi jölŋi kutugetmö, kungö keuŋi mewö jiget mötzali, mi mönö daŋön?” Mewö jiba Jisös ekŋamgö kapaŋ köla jörömqröm ahök. Mewö.

Jisösnöŋ azi 5000 nene gumohom enjiyök.

Mat 14.13-21; Mak 6.30-44; Jon 6.1-14

¹⁰Melaimelai azi aposol yeŋön Jisösgöreŋ lilingöba yuai aka megeri, miangö kösohotŋi pakpak jiget mörök. Jiget möta enjuaŋgita ambazip qenjarökŋini mosöta taon qetŋi Betsaida miangö kösutŋe nanjinök kötikŋe malbingö anget. ¹¹Angetmö, ambazip kambu yeŋön mi möta Jisös andöŋe wuatangöba anget. Anda Jisösgöreŋ kagetka köl öröm enjiba Anutu bemtohoŋangö könaŋi jim asariba kawöl ambazip mem ölöwak enjiyök.

¹²Mewö aka mali wehön jeŋan teköba gemamgö ahök. Mewö aiga gwarek 12 yeŋön kaba Jisös kewö jiget mörök, “Nini gölme kötikŋi kiaŋgöreŋ maljinangöra gi ölop ambazip kambu ki melaim enjinöŋga miri koum dowe dowe tat anjei, miangöreŋ anda ahöahö miri aka nene miwikŋaime.”

¹³Mewö jigetmö, kewö jii mötket, “Enön mönö nanjinak i nene gumohom enjime.” Mewö jiiga melenget, “Nini beret sahötŋi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeŋgöra nene söŋgörüŋi membinak me? ¹⁴(Yeŋön azi 5000:gö dop malje.)” Mewö melengetka gwarekurupŋan kewö jii mötket, “Enön mönö ambazip enjgöra jiba mendeŋ enjigetka kambu dop 50:gö dop nene nemingö tokoba eta tatme.”

^p 9.7-8 Mat 16.14; Mak 8.28; Luk 9.19

¹⁵ Jiiga mewö aka menderj engigetka ambazip körekñan eta kambuñi kambuñi tat anget. ¹⁶ Tat angetka beret 5 aka söra yahöt mi memba suepnöñ ui öngöiga kötuetköyök. Kötuetköba beret mindipköba gwarekurupñi enjiiga ambazip kirip dop menderjda sutñine alget. ¹⁷ Sutñine algetka körekmakörek nembra nem timbireñ aket. Nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. Mewö.

Pitönöñ Jisösgö könañi jim miwikñaiyök.

Mat 16.13-20; Mak 8.27-30

¹⁸ Nalö kunöñ Jisösnöñ nanñök gölme kungen köuluköiga gwarekurupñan yambuk malgetka qesim enjiba kewö jiyök, “Ambazipnöñ nöngöra denöwö jimakze? Ni niñia akzal?”

¹⁹ “Jiiga melerjda kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kunñan kömupnöñök wahöta maljan.’ ”

²⁰ “Mewö jigetka kewö qesim enjiyök, “Aka nanñinak nöngöra denöwö jize? Ni niñia akzal?” Qesim enjiiga Pitönöñ melerjda jii mörök, “Gi Anutugöreñ Amötqeçe Toñi Kraist akzan.” Mewö.

Jisösnöñ kömumangö keuñi jiyök.

Mat 16.20-28; Mak 8.30–9.1

²¹ Mewö jiiga könañi aukñe jiget kunñan mötpepuköra soñgo köhöikñi al enjiyök. Mewö. ²² Jisösnöñ jiyök, “Suep gölmegö azi öljän mönö sihimbölö gwötpuk mötma. Kantrigö jitñememe, jike nup galöm aka Köna keugö böhi yeñön mönö andö qeba qegetka kömuma. Kömumba wehön karöbut aiga kömupnöñök wahötma.” Mewö.

Kraist wuatangöbingö söñgöronji

²³ ^s Jisösnöñ ambazip pakpak yeñgöra keu kewö jii mötket, “Kunñan nöngö andöne nuatangöba kamangö mötzawi, yeñön mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñjda ni nuatangöba kama.

²⁴ “Kunñan malmalñi nanñangöra angön köla nanñi imbi-imbi maljawawi, yeñön mönö malmalñi öljñi jöhöi sohoma. Sohomapmö, kunñan gölmegö malmalñi nöngöra aka kölerjda tököm niñjimawi, yeñön mönö malmal öljangö könañi miwikñaiba köhöiba malma.

[¶] 9.19 Mat 14.1-2; Mak 6.14-15; Luk 9.7-8 [¶] 9.20 Jon 6.68-69 [¶] 9.23 Mat 10.38; Luk 14.27 [¶] 9.24 Mat 10.39; Luk 17.33; Jon 12.25

25 “Kunjan gölmenji gölmenji mienggö öröyuainji pakpak köl öröiga bunjan an teköiga uruñangö malmalni mem sohoba silebile mala kömuiga Anutunöñ keunji jim teköiga könöp sianön geba unjan ayuhuiga qahö dop kölma. Sukinapni mianjón mönö urusösöñgai qahö ak wangima. Qahöpmañöp!

26 “Kunjan nöngö qetni aka Buja keuni memba eta aljawi, i Suep gölmegö azi ölnjan mewöyök ehörön kölma. Yanjón könangep Suep garata törönji yembuk ki etketka yengö, nanjangö aka Iwinjangö asakmararajini eka aurume. Nalö miangörej azi me ambi mewöñji mönö ehörön köl wangima. 27 Nöñjón keu ölnji kun kewö jibi mötme: Kiangörej kinjei, engö sutñineyök tosatjan Anutugö bemtohoñan asuhumawi, mi ek kutume. Jebuk mala kömupkö sihimbölöñji qahö mötketka asuhum tingiriga mi ekñe.” Mewö.

Jisösgö sileñe letotqetot ahök.

Mat 17.1-8; Mak 9.2-13

28^u Keu mi jiiga wehön 8:kö dop teköiga Jisösnön Pitö, Jon aka Jeims enguangita kundunje öngöba Anutu köululköyök. 29 Köululköiga miangörej jamesoholñangö kaisongolomñan letota tandökñi murutñi ahök. Malukuñan tuat lalamñi aka kölköl-bilikbilikñambuk asariyök. 30 Miangörejök eketka azi yahötñan asuhuba Jisösbuk keu keu jiget. Mi Moses aka Elaija. 31 Asakmararaj urunje asuhuba Jisösbuk keu kewö eraum mötket, “Anutunön Jisös sihimbölö möta kömumapkö melaiiga eta zilañ Jerusalem sitinön aniga areñ mianjón öñambuk ak teköma.”

32 Mewö eraum mötketmö, Pitönönj alayahötñi yetpuk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararajni aka azi yahöt yambuk kinohori, mi engeket. 33 Engeketka kinda Jisös mosötptikö ahotka Pitönönj Jisösgöra jiyök, “Ketanamnini, neñön kiangörej uru ölöwak mötzin. Miangöra neñön ölöp koum karöbut qebin: Göhö kun, Mosesgö kun aka Elaijagö kun.” Pitönönj mewö jiyökmö, nanñi keunjangö könañi mi qahö möt kutuyök.

34 Mewö jiba kiniga ununjunuñ kunön eta aumñan esuhum engiiga kousu urunje mala awöwöliba jönömñini unduyök. 35^v Jönömñini undui kingetka kousu uruneyök qet kun kewö eriga mötket, “Azi ki mi nani nahöna. I ambazip amöt qem engimangöra möwölöhöm wangial. Mönö yangö keunji möta malme.”

36 Qet mianjón eri möta gwarek yenön miangörejök uba Jisösnön nanjök kini eket. Kundunje yuai ekeri, miangö buzupñi mi nalö miangörej kude jiba keu böc malgetka kunjan kun qahö mörök. Mewö.

Jisösnön öme wuatangöi morönön ölöwahök.

Mat 17.14-21; Mak 9.14-29

37 Ahöba wahötketka Jisösnönj gwarekurupñi karöbut yembuk kunduneyök eta sörokñe ambazip kambuleleme engeget. 38 Engegetka ambazip

^u 9.28-35 2 Pitö 1.17-18 ^v 9.35 Ais 42.1; Mat 3.17; 12.18; Mak 1.11; Luk 3.22

kambunöhök azi kunjan qeta kewö jiyök, “Böhi, nöngö nahöni mukmoröya akzawaŋgöra mönö kaba i ekjan. Miaŋgöra köuluköm gihizal. ³⁹Mötnön, öme kunön i memba mendawöli miaŋgöreŋök qet gigilahöi utuköm waŋgii wölöhariiga numbuŋeyök qölqölsöutsöt erakza. Öme miaŋön öröm ureim waŋgiba nalö gwötpuk qahö mosörakza. ⁴⁰Mewö aiga göhö gwarekurupki öme mi wuatangömegö ulet engizalmö, yeŋön mi osize.”

⁴¹Mewö jiiga Jisösnön meler waŋgiba jiyök, “Yei, gölmegö yaŋgiseŋ aka misimkaulup ambazip, nöŋön mönö nalö dawik embuk mala qatön eŋgubiga Anutu qahö möt narigetka sihimbölö mötmam? Nahöngi mönö waŋgita ki kanön.”

⁴²Morö mi waŋgita kaiga nalö miaŋgöreŋ mewöyök ömenön morö utuköba urepköm waŋgiiga wölöhariyök. Mewö ahökmö, Jisösnön öme mi jim waŋgii mosöri morö mem ölöwaka iwiŋi waŋgiyök. ^{43a}Anutugö kukösümŋi ketaŋan mewö asuhuiga körekjan mi eka nemböŋini teköi welipköget. Mewö.

Jisösnön kömumangö buŋaŋi jiiga yahöt ahök.

Mat 17.22-23; Mak 9.30-32

^{43b}Jisösnön yuai pakpak mi meyöhi, miaŋgöra ambazip körekjan welipkögetka Jisösnön nalö miaŋgöreŋ gwarekurupŋi keu kötŋi kewö jii mötket, ⁴⁴“Keu ki mönö kezap ala mötme: Anutunön Suep gölmegö azi ölŋi mi gölme ambazip yeŋgö böröŋine al waŋgii gema.” ⁴⁵Keu kötŋi mi jii mötketmö, mi qahö möt kutuget. Anutunön mi köl turui tölapŋe ahöiga mi qahö möt asariget aka könaŋi denöwö, mi qesibingö kölköldömdöm aket. Mewö.

Gwarek sutŋine daŋön mutukŋi akza?

Mat 18.1-5; Mak 9.33-37

⁴⁶“Gwarek neŋgöreŋök ‘Daŋön öngöŋöŋi akza?’ jiba keu mi mötmöriget. ⁴⁷Mi mötmörigetmö, Jisösnön urumötmötŋini möt kutuba namande moröŋi kun memba qöhöröŋe ali kinök. ⁴⁸“Kiniga kewö jii mötket, “Körek enggöreŋök kunjan eretŋi kondökŋi akzawi, yaŋön mönö öngöŋöŋi akza. Miaŋgöra kunjan namande ki nöngö qetne miriŋe köl öröba köyan kölmawi, yaŋön mönö ni köl öröm niŋgima. Kunjan ni köl öröm niŋgimawi, yaŋön melaim niŋgiyöhi, mönö i mewöyök köl öröm waŋgima.” Mewö.

Kunön keröki qahö, yaŋön mönö alagi akza.

Mak 9.38-40

⁴⁹Nalö miaŋgöreŋ Jonön könahiba keu kewö jiyök, “Ketaŋamni, azi kunjan göhö qetnön öme közöl eŋgiiga ehin. Yaŋön nembuk qahö liliköba maljawangöra nini i qetal waŋgiin.”

^w 9.46 Luk 22.24 ^x 9.48 Mat 10.40; Luk 10.16; Jon 13.20

⁵⁰Mewö jiyökmö, Jisösnöŋ kewö jii mörök, “I kude qetal waŋgime. Kunŋan qahö qetal eŋgimakzawi, yaŋön mönö eŋgö areŋnöŋ malja. (Miaŋgöra iŋini mönö nöŋgö alaurupni tosatŋi mi qetala aŋgösirip mem eŋgibepuk.)” Mewö.

Samaria miri kun yeŋön Jisös andö qeget.

⁵¹Jisösnöŋ Suepnöŋ öŋgömamgö ahök. Miaŋgö nalöŋi törizawaŋgöra Jisösnöŋ kinda “Jerusalem sitinöŋ anmam,” jiba jim köhöiba könahiba könanöŋ anök. ⁵²Anda kolek qeljiŋe aliga mutuk anget. Könanöŋ anda mala Samaria prowinsgö miri kunöŋ aŋgota “Jisösgöra mözöqözözöm akingöra kazin,” jiget. ⁵³Jiba angetka anökmö, “Ni Judia prowinsnöŋ Jerusalem jike göröken anmam” jiiga miaŋgöra miri aŋgön köla yaizözkök qahö jiget. ⁵⁴“Mewö aketka gwarekyahötŋi Jeims aka Jon yekŋön mi eka jiyohot, “O Kambu, Suepnöhök könöp eta eŋgohoi qahöwakeak, mewö köuluköbingö mötzan me qahö?”

⁵⁵Mewö jiyohotmö, Jisösnöŋ liliŋgöba tembula jim etkiyök.

⁵⁶Miaŋgöreŋök toroqeba miri kunöŋ anget. Mewö.

Jisös wuatangöbingö möndömöndö keuŋi

Mat 8.18-22

⁵⁷Könanöŋ angetka azi kunŋan kaba Jisösgöra jiyök, “Gi denike denike anmani, nöŋön mönö miaŋgöreŋ gi guatangöba kamam.”

⁵⁸Mi möta Jisösnöŋ kewö jii mörök, “Arökŋaŋgö kiam yeŋön köteŋjine ahögetka könakemba nei yeŋön aipŋini memba malakzemö, Suep gölmegö azi ölnan mönö denike anda nöropŋi wani qömböŋnöŋ nariba luhut membawak.”

⁵⁹Jisösnöŋ azi kungöra jiyök, “Gi kaba ni nuatangöman.” Jiyökmö, kewö meleŋnök, “Kambu, mi ölöpmö, iwinan kömumamgö aiga mutuk jinöŋga anda galöm kölbi kömui löm kölbigun.”

⁶⁰Mewö jiyökmö, Jisösnöŋ meleŋnda jiyök, “Mosötnöŋ! Köhömuŋi yeŋön qamötŋini köhömuŋi mi ölop löm kölmemö, göŋön mönö anda Anutu bemtohoŋaŋgö könaŋi jim asarim eŋgiba malman.”

⁶¹“Kunbuk azi kunŋan kaŋgota jiyök, “Kambu, nöŋön gi guatangömamgö sihimni mötzalmö, mötnöŋ, gi ölop jinöŋga mutuk mire anda tinitosolomurupni yaizözkökŋini jibigun.”

⁶²Jiyökmö, Jisösnöŋ meleŋnök, “Kunöŋ gölme mesiŋmesiŋgö kinöŋ mi hos andöŋe johöba böröŋan kinöŋ supŋe memba kini aniga dumŋe liliŋgöba andöŋe uzawi, yaŋön mönö Anutugö bemtohoŋnöŋ aŋgota nupŋi memawaŋgö dop qahö akza.” Mewö.

[†] 9.54 2 Kiŋ 1.9-16 [‡] 9.61 1 Kiŋ 19.20

Jisösnöŋ gwarek 72 melaim enġii anget.

Mat 9.37-38; 10.7-16

10 ¹Miangö andöŋe Kembunöŋ gwarek tosatŋi 72^a mi möwölöhöm enġiyök. Nanjak “Taonŋi taonŋi miriŋi miriŋi anman,” jiba miangöreŋ yahöt yahöt meköba mutuk melaim enġiyök. ²^b“Melaim enġimam,” jiba kewö jii mötket, “Anutugö nupnöŋ nene ölni gwötputk öliba ahözapmö, mi tokobingöra nup meme ambazip nini awamdökŋi maljin. Miangöra mönö nene öliölinangö Kembuŋi köuluköm waŋgigetka nup meme ambazip melaim enġiiga ölni mem tokome.

³“Iŋini mönö anme. Mötket, lama yeŋön arökŋangö kiam kalŋi yeŋgö sutŋine gegetka luhuba enġöhöbepuk, nöŋön iŋini miangö tandök ewö melaim enġibi anme. ⁴Iŋini moner irimuŋga me gösö kun me köna esu mi kude memba anme. Anda könanöŋ ambazip enġeka jiji-kilik-kilik yaizözkök kude akŋe.

⁵“Anda miri kunöŋ öngöba mutuk kewö jime, ‘Anutunöŋ miri kiangöreŋ luai ali bönjöŋ malme.’ ⁶Mewö jigetka kunŋan luai aŋgön kölmamgö dop akzawi ewö, luaiŋinan mönö yaŋgö qakŋe öngömapmö, kunŋan mi qahö aŋgön köлма ewö, luaiŋinan mönö lilingöba nanŋini qakŋine öngöma. ⁷^eMiri öngömei, mönö miangöreŋök mala nup meme. Ambazipnöŋ nup meme ambazip malmalŋini naŋgömeaŋgö dop akze. Miangöra yeŋön nene aka o enġime, mi mönö neme. Miri tosatŋe laŋlaŋ kude ahöme. Miri suen kude anda kame.

⁸“Taon miangöreŋ me miangöreŋ aŋgotketka köл öröba nene enġime, mia mönö neme. ⁹Nemba tosatŋan miangöreŋ kawöl enġöhöi ahöme, i mönö mem ölöwak enġime. Mewö aka kewö jiget mötme, ‘Anutugö bemtohoŋan mönö dowe kaiga miangö uruŋe aŋgotme.’ ¹⁰^fMewö akŋemö, taon kunöŋ aŋgotketka andö enġume, miangöreŋ mönö maketnöŋ me sombemnöŋ anda kewö jiget mötme,

¹¹‘Nini enġö taonöŋ kaininga sölbuham yuai köna tambönine mekötahözawi, mi mönö tim tönjöraringa nanŋine lilingöba gema. Gemapmö, keu ki mönö möt yaköme: Anutugö bemtohoŋan mönö kösutŋine asuŋuza.’ ¹²^gNöŋön kewö jibi mötket: Anutunöŋ nalö ketarŋe qemasolokepŋinaŋgö likepŋi meleŋni taon miangö qakŋe öngömawi, dop miaŋön mönö Sodom yeŋgö sihimbölä dopŋi oŋgita toroqem enġima.”^h

^a 10.1 Tosatŋan oyoŋda 70 jize. Tosatŋan 72 jize. ^b 10.2 Mat 9.37-38 ^c 10.3 Mat 10.16 ^d 10.4-11 Mat 10.7-14; Mak 6.8-11; Luk 9.3-5 ^e 10.7 1 Kor 9.14; 1 Tim 5.18

^f 10.10-11 Apo 13.51 ^g 10.12 Jen 19.24-28; Mat 11.24; 10.15 ^h 10.12 Sodom yeŋön bölöŋi kanjamŋambuk memba mala uruŋini qahö meleŋgetka Anutunöŋ könöpnöŋ könden enġiyök.

Jisösnöŋ taon 3 yeŋgöra ‘Yei wösöbirik!’ jiyök.

Mat 11.20-24

¹³ ⁱ“O Korazin toŋi, nöŋön eŋgöra ‘Yei!’ jiba sahötzal aka Betsaida toŋi, eŋgöra mewöyök ‘Yei!’ jiba sahötzal. Nöŋön yeŋgöreŋ anbiga keuni jibi sösönihii aŋgöletotni kukösumŋinambuk asuhugetmä, uruŋini töndup qahö meleŋget. Aŋgöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köröpŋi uruŋini meleŋbingö kaisösöpŋi kondela dodohonöŋ aŋgömiriba kau ariba sahötpeak.

¹⁴ ^k“Sahötpeakmä, Anutunöŋ könangep Korazin aka Betsaida yeŋgö keuŋini jim teköba likepŋi meleŋni sihimbölä mötmei, nalö ketanji miaŋgöreŋ mi mönö Taiö aka Saidon yeŋgö sihimbölä dopŋi oŋgita mötme. ¹⁵ ^jAka Kaperneam toŋi, Anutunöŋ iŋini öläp mem wahöt eŋgii Suep mire öŋgöbeak me qahöpto? Qahöpmahöp! Iŋini mönö kömupkö senjom mire kölölohoba geme.

¹⁶ ^k“Kunŋan keuŋini mötmawi, yaŋön mönö nöŋgö keuni mötma. Kunŋan andö eŋgumawi, yaŋön mönö ni andö nuŋgumapmä, kunŋan ni andö nuŋgumawi, yaŋön melaim niŋgiyöhi, mönö i andö qema.” Mewö.

Gwarek 72 yeŋön lilingöba söŋgaiget.

¹⁷ ^lGwarek 72^l yeŋön mala lilingöba kaba söŋgaiba kewö jiget, “Kembu, nini göhö qetke öme wöröme jim kutum eŋgiinga yeŋön mewöyök keunini bapŋe anda tököba anget.”

¹⁸ ^mMewö jigetka Jisösnöŋ meleŋnök, “Nöŋön Satan kakögetka Suepnöhök luhuba wölbilik ewö aköba gei ehal. ¹⁹ ^mMötket, nöŋön kukösum eŋgibiga iŋini öläp kitim soramem, skorpion (nendaŋ kömbukŋi pomemba) aka kerökniŋaŋgö ösum-mumuŋi jitŋambuk pakpak tiget eriga luhut alme. Miaŋgöra yuai kunŋan qahö eŋgum mizit ak eŋgima.

²⁰ ⁿ“Miaŋgöra ömewöröme yeŋön keuŋini bapŋe anjemö, töndup eŋgöreŋ söŋŋgai bohonŋi mi miaŋgöra kude söŋgaime. Eŋgö qetŋini Suep mire ohoget Anutugö bukŋöŋ ahözawi, miaŋgöra mönö önöŋi qahö söŋgaime.” Mewö.

Jisösnöŋ söŋgaiba Anutu möpöseiyök.

Mat 11.25-27; 13.16-17

²¹ ⁿNalö miaŋgöreŋ Uŋa Töröŋan Jisös inahöm waŋgiiga söŋgaiba keu kewö jiyök, “O Iwini, göŋön Buŋa keugi mötkutukutu ambazip mötmöt ketanji megeri, yeŋgöreŋ asambötnöŋmä, ambazip nahönbörat

ⁱ 10.13 Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 ^j 10.15 Ais 14.13-15 ^k 10.16 Mat 10.40; Mak 9.37; Luk 9.48; Jon 13.20 ^l 10.17 Tosatŋan oyoŋda 70 jize. ^m 10.19 Sum 91.13

ewö nanjinangöra mötketka gukmaulem akzei, mi mönö yengören indelnonga möt asarize. Mianğora nönön Suep gölmeğö Kembuñi gi möpöseim gihizal. O Iwini, gi nangak mewö asuhumapköra mötnöñ dop köli ölöwahök.

²²“Iwinan mönö yuai pakpak jim kutuiga nongö bujaya ahök. Iwinan Nahönnañğö könani nanñök möt yaköiga kunñan mi qahö mötza. Mewöyök kunñan Iwiñangö könani qahö möt yaköiga Nahönnañök mi mötza aka ambazip möwölöhöm engiba yengöra mi indelmawi, yeñön mönö Iwi möt wañgime.”

²³Jisösnöñ mewö jiba gwarekurupñi yengören lilingöba nanjinök ölöñ kewö jii mötket, “Inini yuai ek kutuzei, denike yeñön mi ek kutuzei, yeñön mönö jeñinañğöra aka simbawoñ akze. ²⁴Mianğö könani kewö: Nönön keu kewö jibi mötket, Kezapqetok ambazip aka kiñ azi kembu gwötpukñan inini yuai ki ekzei, mi ekingö awöwengöba malgetmö, mi qahö eket. Inini keu ki mötzei, yeñön mi mötpingö awöwengöba malgetmö, mi qahö mötket.” Mewö.

Jöjöpañ keu bohonñi yahöt mi denöwö?

Mat 22.34-40; Mak 12.28-31

²⁵°Köna keugö böhi kunñan wahöta Jisös bötak ala kewö qesim wañgiba jiyök, “Böhi, nönön denöwö aka malmal kömbönañi teteköñi qahö buña qem angubileñak?” ²⁶Jiiga Jisösnöñ kewö melenđa qesiyök, “Mosesgö Köna keunöñ keu denöwö ohoget ahöza? Mianğö könani denöwö?” ²⁷°Qesiiga melenđa jiyök, “‘Gi urugi jömukñi, uñagi jömukñi, kuki jömukñi aka mötmötki jömukñi mianğön mönö Kembu Anutugi jöpaköba malman,’ aka ‘Nangi jöpaköm angumakzani, mewöñanök mönö ambazip pakpak jöpaköm engiba malman.’”

²⁸°Jiiga Jisösnöñ melenñök, “Törörök melenjan. Mi tem köla malmal kömbönañangö bujaya akñan.” ²⁹Mewö melenñökmö, Köna keugö böhinöñ ‘Mi tem köla solanñi akzal,’ mewö mötmöriba könañamñi kondelmamgö möta Jisösgöra jiyök, “Ambazip sutñine mala koralı, yengörenök mönö dagöra jizan? Niñia qahö jöpaköm wañgibileñak?”

Samaria azinöñ gurusep azi ak-kömum wañgiyök.

³⁰Mewö jiiga Jisösnöñ melenđa jiyök, “Azi kunñan Jerusalem siti mosöta Jeriko mire geba könanöñ kegwek-kahasililij yengö böröñine gei meget. Memba inap yuaiñi wañgita oponi qeköba gurusep qeba gila angetka kömumamgö aka ahöyök. ³¹Ahöba mamböriga jike nup galöm kunñan köna miyök anda eka ek siriba köna likepñeyök anda oñgita

° 10.22 Jon 3.35; 10.15 ° 10.25-28 Mat 22.35-40; Mak 12.28-34 P 10.27 Lew 19.18; Dut 6.5 ° 10.28 Lew 18.5

anök. ³²Aniga mamböri jike nup azi (Liwait) kunjan miangörej kangota eka mewöjanök ek siriba ongita anök. ³³†Anökmö, Samaria prowingsö azi^s kunjan köna miyök anda ahöyöhi, miangörej angota eka wösöni möta ehoriyök.

³⁴“Ehoriba kösutnje geba uziñi kelök aka wain onjan miriba esuhuyök. Uziñi esuhuba memba kököbihiba doñkiñi qaknje ala wañgita qenjarök ahöahö mire anda ala köyan köl wañgiyök. ³⁵Köyan köl wañgiba ahöba wahöta söjanök silim yahötkö töwanji (Kina 10,-) uzeta qenjarök mirigö toni wañgiba jiyök, ‘Azi ki mönö köyan köl wañgiba malnönga monen gihizali, mi kude dop köla ongitma ewö, mi mönö lilingöba kaba miangörej toroqeba gihimam.’ ³⁶Azi karöbut könanamñini mewö kondelget. Azi kegwek-kahasililiñ yengö böröñine geyöhi, yängö alani dañon ahök? Yengörejök dagöra mötnöñ, i uru kalem ak wañgiyök?”

³⁷Qesim wañgiiga meleñnök, “Ak kömum wañgiyöhi, yañön.” Mewö meleñniga Jisösnöñ jii mörök, “Gi mönö anda mewöjanök aka malman.” Mewö.

Jisösnöñ Marta Maria yetpuk kujuk tarök.

³⁸†Jisösnöñ gwarekurupñi yembuk könanöñ angetka Kembuñinan miri kunöñ angorök. Angoriga ambi kun qetñi Marta yañön köl öröm wañgii miriñe öngöyök. ³⁹Martagö munñi qetñi Maria malök. Yañön Kembu eka könanji kösutnje eta tata Buña keu jiyöhi, mi kezap ala mörök. ⁴⁰Mörökmö, Martanöñ lömbuan nupnöñ öröi anda kaba mökösusu aka Jisösgöra jiyök, “Kembu, munan nömosöri nanök welen nup membi mötnöñ dop kölja me qahö? Miangöra mönö Maria jinönga kaba bauköm niñgima.”

⁴¹Jiiga Kembunöñ meleñda jii mörök, “Marta Marta, gi yuai könanji könanji miangöra waimanjat möta mötkurumkurum aka könöpñambuk aka kinjan. ⁴²Mewö kinjanmö, waimanjat mohok kun memba mem köhöininga dop kölma. Nini yuai sehisehiñi miangöra qahö osizin. Marianöñ kewöta urugö likepñi möhamgöm anjumamgö möwölöhöba simbawon akza. Malmalgö bahöñi ölopñi mi kunjan kun kude wañgitma.” Mewö.

Jisösnöñ köulukö könanji kusum engiyök.

Mat 6.9-13; 7.7-11

11 ¹Jisösnöñ miri kunöñ köuluköba mali teköiga gwarekurupñi yengörejök kunjan kewö jiyök, “Kembu, Jon O-melun azinöñ gwarekurupñi köulukö könanji kusum engiyöhi, gi mönö mewöjanök nini kusum neñgiman.”

† 10.33-34 2 Hist 28.15 † 10.33 Juda yañön Samaria ambazip jijiwililit ak engezema.

† 10.38-39 Jon 11.1

2 Jiiga Jisösnöŋ kewö jii mötket, “Iŋini köuluköbin jiba kewö jime:

Iwi, göhö qetkan mönö töröŋi ahöma. Mönö galöm köl
neŋginöŋga bemtohoŋgahö ölni asuhuma. (Göhö jitsihitki
Suepnöŋ tem kölakzei, gölmenöŋ mönö mewöŋanök
asuhuma.)

3 Gi wehön dop nene dopnine neŋgiman.

4 Tosatŋan bölöŋi ak neŋgigeri, nini körek yeŋgö siŋgisöndokŋini
mosötzin ewö, gi mönö neŋgöreŋ siŋgisöndok saŋgoŋ
neŋgiman.

Gi esapesapnöŋ eta neŋgubapuköra aŋgön köl neŋgiba Bölöŋi
Toŋaŋgö böröŋeyök meköm neŋgiman.”^u

5 Jisösnöŋ toroqeba kewö jii mötket, “Eŋgöreŋök kunŋan suŋgem
bibine alaŋaŋgö mire anda möndöba kewö jima, ‘Alani, beret karöbut
niŋginöŋga likepŋi biaŋ meleŋ gihibi. 6 Alani kunŋan könanöŋ mala
nöŋgöreŋ kaŋgoriga neneŋamni qahöpköra gumohom waŋgimamgö
jaruzal.’ 7 Mewö jii alaŋan miri uruŋeyök kewö meleŋda jima, ‘Gi gaun
gwölö ak neŋgizan. Ni naŋguni lök köl köhöibiga nahönböratuurupnan
nömbuk tumbulahöpnini tumbula gaun ahözin. Mi aŋgöra wahöta mi
gihimamgö osizal.’ 8 Mewö jimapmö, nöŋön jibi mötket: Miri toŋan alaŋi
akzawaŋgöra aka qahö wahöta waŋgimapmö, mi töndup kapaŋ köla jiba
kinjawaŋgöra mi ölöp wahöta qesizawaŋgö dop körek waŋgima.

9 “Nöŋön mi aŋgö likepŋi kewö jibi mötket: Mönö Anutu köuluköme.
Köulukögetka eŋgima. Anutugöreŋ mönö yuaigö böröŋaŋ memba
jarume. Mi jarugetka kondeliga miwikŋaime. Kinda naŋgunöŋ qeme.
Qegetka naŋgu tal eŋgima. 10 Kunŋan Anutu köulukömakzawi, yaŋön
mönö likepŋi buŋa qem aŋguma, yuaigö jarumakzawaŋön mönö mi
miwikŋaime. Naŋgunöŋ qemakzawaŋgöra mönö naŋgu öröm waŋgima.

11 “Iwiurup eŋgöreŋök daŋön kewö akza: Nahöŋnan söragöra qesiiga
salupŋe qatö waŋgima. 12 me kuruk kötŋaŋgö qesiiga skorpion (nendaŋ
kömbukŋi pomemba) waŋgima? 13 Mewögöra iŋini ambazip bölöŋi
akze aka töndup kalem ölöpŋi ölöpŋi mi nahönböratuurupŋini eŋgibingö
mötze ewö, Suep Iwinöŋ mönö kalemŋi denöwö aŋgön kölbawak? Yaŋgö
uruŋaŋgö ahakmemeŋi mi neŋgoŋgita tandökŋi kun akza. Mi aŋgöra Uŋa
Töröŋaŋgöra köuluköba qesim waŋgime ewö, yaŋön mönö sihimŋan i
melaiiga uruŋine gema.” Mewö.

Jisösnöŋ öme yeŋgö ösumŋini oŋgita qei etza.

Mat 12.22-32; Mak 3.20-27

14 Ömenöŋ azi kun töŋöt aka numbuŋi jöhöiga mötök maliga
Jisösnöŋ ömeŋi mi wuatŋögöiga kota mosöri nesilamŋan lolohoiga

^u 11.4 Tosatŋan keu mi kewö meleŋda jimakze: bölöŋeyök meköm neŋgiman.

kunbuk keu jiyök. Keu jiiga ambazip kambu yeñon mi eka welipköget. ¹⁵Welipkögetmö, yeñgöreñök tosatñan kewö jiget, “Yañon mönö öme yeñgö kembuñini Katakömulat yañgö ösumnöñ ömewöröme eñguatanğömakza.”

¹⁶Mewö jigetka tosatñan Jisös keugö bötaknöñ örömapköra esapköm wañgiba kewö qesiget, “Gi mönö jim kutunöñga Suepnöhök añgöletot kun asuhuiga ekin.” ¹⁷Qesigetmö, yañon uru mötmötñini möt teköba kewö jii mötket, “Kantri denike yeñgö galömurupñinan sutñine añgururuk aka julmei, yeñon mönö ayuhum añgugetka kantriñinan böliba sahopñanök ahöma. Mewöyök miri kungö könagesö yeñon julmei, miriñinan mönö qeqelanñan ahöma.

¹⁸“Mötket! Satangö könagesö yeñon mewöyök sutñine añgururuk aka julbeak ewö, yeñon mönö gawman nupñini mbingö osigetka ömetohonñan mönö denöwö kinbawak? Inini nöñgöra kewö jize: Yañon Katakömulatkö ösumnöñ ömewöröme eñguatanğömakza. ¹⁹Mewö jizemö, mötket, nöñon Katakömulatkö ösumnöñ ömewöröme közöl eñgibileñak ewö, eñgö alaurupñinan mönö dagö ösumnöñ mi közöl eñgibeak? Miañgöra yeñon mönö keuñini ölni me qahö, mi kewöta jim teköme.^x ²⁰Mi jim tekömemö, Anutugö ösumñan nöñgö börö kesötñi sölölohöi öme eñguatanğömakzal ewö, Anutugö bemtohonñan mönö eñgöreñ kam kuñguza.

²¹“Azi köhöikñan timbi liñgipñambuk miri gölmeñi galöm meiga sukinapñan mönö kahaimök ahöma. ²²Mewö ahömapmö, azi köhöikñi kötökñan luhuba kaba qeba luhut al wañgiba timbi liñgipñi nariyöhi, mi körek wañgita qezanña sukinapñi memba anda alaurupñi menden eñgima.

²³“Kunñan nömbuk qahö maljawi, yañon mönö qetal niñgimakza. Kunñan ambazip nöñgö qetne tokomegöra qahö öröm eñgimakzawi, yañon mönö menden eñgimakza.” Mewö.

Öme yeñon azi uruñe liliñgöbingö kapan kölje.

Mat 12.43-45

²⁴“Ömenöñ azi uruñeyök kota gölme qararañkölkölñe anda lañ liliköba mala luhut memangö miri jaruba kun qahö miwikñaiba ölan yöhöiga kewö jima, ‘Mirini mosöta kazali, miañgöreñ mönö kunbuk liliñgömam.’ ²⁵Mewö jiba liliñgöba miriñi usuñda meñölöi ahöyöhi, mi mewöñanök

^v 11.15 Mat 9.34; 10.25 ^w 11.16 Mat 12.38; 16.1; Mak 8.11 ^x 11.19 Nanñini sile galömurupñinan Anutugö qetñi qeta töndup öme mi Katakömulatkö kukösumnöñ közöl eñgigetka nöñon mi Anutugö ösumnöñ közöl eñgimakzal. Örorön qahö kinjinangöra dañon ölni aka dañon keu muneñi wuatanğömakzawi, mi ambazipnöñ kewöta jim teköme.
^y 11.23 Mak 9.40

ahöi miwikñajima. ²⁶Mewö miwikñajiba anda öme tosatñi 7 enguanñitma. Öme 7 mi nanñi oñgita bölöñi kötökñi akze. Yanñon mi enguanñiriga kaba miri mi öñgöba miangö uruñe malme. Mewö aiga azi miangö könanñi mutuk kileñkileñ ahökmö, könangep bölim qölim teköma.” Mewö.

Denike yeñon simbawon akze?

²⁷Jisösnöñ keu mewö jiba mali ambazip kambu sutñineyök ambi kunñan qeta Jisös kewö jii mörök, “Gömokni, ambinöñ gölöm ala gömimba juzu gumohom gihiyöhi, nöñon yanñgö mötpi simbawon akza.” ²⁸Mewö jiyökmö, Jisösnöñ kewö melenñök, “Mi jizanmö, nöñon kewö jimam: Ambazip Anutugö keugöra kezap ala möta tem köla köl gulimakzei, yeñon mönö simbawon akze.” Mewö.

Böhi tosatñan angöletotköra kapañ köla uletket.

Mak 8.11-12; Mat 12.38-42

²⁹^zAmbazip kambunöñ tokogetka qariiga Jisösnöñ toroqeba keu kewö jiyök, “Ambazip merak gölmenöñ maljei, mi kambu bölöña. Yeñon Anutugö aiwesökñangöra kapañ kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al engima. ³⁰“Keu miangö könanñi kewö: Anutunöñ mönöwök Jona melaiiga Niniwe yeñgö sutñine anda Anutugö aiwesökñi ahök. Miangö dop Suep gölmegö azi ölñan mewöyök ambazip kambu kiangö sutñine asuhuba uruñini melenñmegöra kuñgum engiba aiwesökñina akña.

³¹^b“Könañamñinañgö kaisösöpñi kun kewö: Anutunöñ mönöwök mötkutukutu öñgöñgöñi ketañi mi kiñ Solomon wañgiiga Saut görökenök kantri kungö qin ambinöñ Solomongö mötkutukutuñi mötmamgö sihimñi mörök. Sihimñi möta gölme göraneyök wahöta köna köröp tiñtiñi kaba mala Solomongö mötmötñi mörök. Mi mörökmö, mötket, nalö kewöñe nöñon sutñine asuhuba kinda Anutugöreñ mötkutukutu öñgöñgöñi memba kazali, mi Solomongö mötkutukutuñi oñgitza. Oñgitzapmö, iñini töndup nesampurek ak niñgiba tönpin kingetka qahö dop kölja.

“Miangöra Anutunöñ könangep ambazip körek pakpak öröm engii keuñini jim tekömapköra jeñe añgotmei, nalö miangöreñ Saut kantrigö qin ambi miangöñ mönö mewöyök añgotma. Yanñon ambazip kambu ki kinjei, embuk örörön kömupnöñök wahöta engö qöhöröñine mohotje kinma. Mohotje kinda keu kewö engö sileñine alma, ‘Iñini Jisös nesampurek ak wañgigetka Anutunöñ likepñi meleñ engii sihimbölö öñgöñgöñi mötme.’ Yanñon mewö jiiga silikñi kewöta nanñinañgöra gamuñini mötme.

^z 11.29 Mat 16.4; Mak 8.12 ^a 11.30 Jona 3.4 ^b 11.31 1 Kiñ 10.1-10; 2 Hist 9.1-12

³² “Jonanöŋ Niniwe ambazip sutŋine anda Anutugö keunöŋ uruŋini kuŋgui möta miaŋgöreŋök uruŋini melengetmö, mötket, nöŋön sutŋine asuhuba kinda Jonagö ahakmemerŋi oŋgita ahakzal. Mewö ahakzalmö, iŋini töndup nesampurek ak niŋgimakze.

Miaŋgöra Niniwe ambazipnöŋ jimtekötekögö nalö ketaje ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinme. Mohotŋe kinda Niniwe yeŋön keu kewö eŋgö silenine alme, ‘Iŋini Suep gölmegö azi ölni nesampurek ak waŋgigetka Anutunöŋ likeŋŋi melen eŋgii sihimbölö öŋgöŋgöŋi mötme.’ Niniwe yeŋön mewö jigetka ahakmemerŋinan nanŋini könaŋamŋini indelgetka gamuŋini mötme.” Mewö.

Kiwa mi asakŋi neŋgimapköra ahöza.

Mat 5.15; 6.22-23; Mak 4.21-23

³³ ^d “Kunŋan lambe me kiwa ohotiriba köwe waŋgömŋe me kimbutnöŋ qahö almapmö, mi mönö miaŋgö dum tatatnöŋ alma. Mewö ali tosatŋan miri uruŋe öŋgöbingö mötzei, yeŋön miaŋgö asakŋi eka ölop öŋgöme.

³⁴ Göhö jegi mi uru silegahö kiwaŋi akza. Miaŋgöra kawöl kunöŋ jegi qahö mem böliza ewö, miaŋön mönö tohoba asarim teköi Anutugö asakŋan ölop uruge mem asariiga malmalgi pakpak asakŋe malman. Asakŋe malmanmö, sihim kömbönaŋi bölöŋan me yuai kunŋan jegi mem böliiba asakŋi közambötza ewö, miaŋön silegö malmalgi mewöyök mem söŋauiga pandaman uruŋe jipjap malman.

³⁵ “Mewö aiga mötnöŋ, söŋaupnöŋ urugahö asakŋi közamböri söŋaubapüköra mönö tihitki möta galöm mem aŋguman. ³⁶ Mewö aknöŋga Anutugö asakŋan urugi körek dop köli waŋgömŋi kun qahö söŋauza ewö, göhö silegan mönö mewöyök asoŋ-kilik-kilikŋambuk aka jemesoholgan asariza. Kiwa ketanŋan silege kuŋguba kölköl-bilikbilikŋambuk mem asarim gihizawi, malmalgi mönö miaŋgö dop Anutugö asakŋe al teköba malman.” Mewö.

Urumelenöŋ silesile tandököra ‘Yei!’ jiiga 6 ahök.

Mat 23.1-36; Mak 12.38-40; Luk 20.45-47

³⁷ Jisösnöŋ keu mi jim teköi Farisi (Köna keugö kapaŋkölköl) azi kunöŋ kewö jiba köl öröm waŋgiyök, “Gi ölop nöŋgö mire öŋgöba tata nene nembin.” Mewö jiiga anda öŋgöba nene nemamgö tarök. ³⁸ Mutuk böröŋi qahö saŋgoŋda eta tarökmö, Farisi azinöŋ silik mi eka welipköyök. ³⁹ Welipköiga Kembunöŋ kewö jii mörök, “O Farisi iŋini mönö ölna amöt qem aŋgubingöra qambi aka al nenegö silenŋi saŋgoŋ yakömazemö, nanŋini uruŋinan mönö tölohoza. Mi dogo jimamoŋ aka qewöloŋ miaŋön kokolak qei malje.

^c 11.32 Jona 3.5 ^d 11.33 Mat 5.15; Mak 4.21; Luk 8.16

40 “O injini, uruḡini qahö. Kunöḡ sileḡi pakpak miwikḡaiyöhi, yaḡön mönö uruḡi mewöyök miwikḡaiyök me qahö? Injini mönö wuanöḡgöra uru likeḡḡaḡgöra taḡḡaḡ akze? Mi qahö dop köḡja. 41 Mianḡgöra yuai kiwi al nenenöḡ tatzawi, mi mönö kalema ambazip wanapḡi eḡgime. Mewö aketka Anutunöḡ amöt qem eḡgi eḡgöreḡ yuai pakpak mönö sarakḡi ahöma.” Mewö.

42 “O Farisi ambazip, lömböt qakḡine öḡgözawaḡgöra mönö wöḡziköba ‘Yei!’ jizal. Injini nene pakpak mendeḡda bahöḡi 10 mianḡgöreḡök mohot Anutugö buḡaya qemakze. Gipḡi, supe aka yöha könaḡi könaḡi mi mewöyök meḡdeḡda tenöhök mohot mi Anutugö buḡa qemakze. Naluk mi törörök alakzemö, Köna keugö köḡḡi bohonḡi ki mönö oḡgita mosörakze: Gi Anutu uru könöḡgan jöpaköm waḡgiman aka ambazip sutḡine ahakmeme diḡdiḡi wuatḡḡöba malman. Keu bohonḡi mi mönö kapaḡ köla wuatḡḡöba malme aka keu morömorö mi mewöyök kude oḡgita mosötme.

43 “O Farisi, lömböt qakḡine öḡgözawaḡgöra mönö wöḡziköba ‘Yei!’ jizal. Injini köuluk mire dum tatat mutukḡe jeḡep tatpingö sihimḡi mörakze. Maketnöḡ me könanöḡ ambazip eḡgeketka jölöḡini jimeḡö mörakze. 44 O injini, lömböt qakḡine öḡgözawaḡgöra wöḡziköba ‘Yei!’ jizal. Injini qaksiri qetḡini qahö mianḡö dop akze. Ambazipnöḡ qamöt wöröḡḡambuk denike ahözawi, mi qahö möta qakḡine laḡlaḡ tiba yuai döḡqizinḡambuk oseiba tölohomaḡze.” Mewö.

45 Jisösönöḡ keu mewö jiiga Köna keugö böhi yeḡgöreḡök kunḡan möta melenḡda kewö jiyök, “Böhi, gi keu mewö jiba nini mewöyök gamu qem neḡgizan.”

46 Mewö jiyökmö, Jisösönöḡ keu kewö jiyök, “O Köna keugö böhi, eḡgö qakḡine mewöyök lömböt öḡgözawaḡgöra wöḡziköba ‘Yei!’ jizal. Injini keuḡi keuḡi jim kutuba mianḡö köḡjöḡ lömbötḡi ambazip qakḡine alagun algetka mi tem köḡḡingö lömböriiga jaraḡbaraḡ ahakzemö, nanḡinak i kesötḡinan borom kun bauköm eḡgibingö wösömötḡötḡini kun qahö ahöza.

47 “O injini, lömböt qakḡine öḡgözawaḡgöra mönö wöḡziköba ‘Yei!’ jizal. Injini kezapqetok ambazip yeḡgö qaksirinöḡ simen kouw memba meḡölömaḡzemö, nanḡini ambösakonḡinan mönö i eḡguget kömuget. 48 Nanḡini ambösakonḡinan kezapqetok ambazip eḡguget kömugetka injini yeḡgö qaksiriḡine kouw memba simen alakze. Mewö aka mianḡön ambösakonḡini yeḡgö ahakmemegöra imbi köla keuḡini naḡgöba jiba dangunu ewö kinje.

49 “Mianḡgöra Anutu, mötkutukutu Toḡi yaḡön kewö jiza, ‘Nöḡön kezapqetok ambazip aka aposol melaim eḡgibi eḡgöreḡ kame. Kagetka

© 11.42 Lew 27.30

yeŋgöreŋök tosatŋi i enġuget kömume aka tosatŋi sesewerowero ak enġime.’

⁵⁰“Anutunöŋ Suep gölme miwikŋaim etkiyöhi, nalö miangöreŋök könahiba kezapqetok ambazip enġugetka sepŋini mokoget eri, miangö sep kitipŋi pakpak mi ambazip merak maljei, mönö enġö qakŋine öŋgöi sihimbölä mötme. ^{51f}Abelgö sepŋan eri miangöreŋök könahiba enġuba kota mala Zekaraia jöwöwöl alta aka jöwöwöl jike kömbukŋi mietkö sutŋire qeget sepŋi eri miangöreŋ teköyök. Nöŋön keu kewö jibi mötme: Sepŋinaŋgö kitipŋan mönö ambazip merak maljei, enġö qakŋine öŋgöiga sihimbölä mötme.

⁵²“O Köna keugö böhi iŋini, lömböt qakŋine öŋgözawaŋgöra mönö wölziköba ‘Yei!’ jizal. Iŋini Anutugö mötmöt membingö naŋgu ki moröŋi mi ambazip enġuaŋgita aŋgön köl enġimakze. Nanŋinak miangö uruŋe qahö aŋgotket aka tosatŋan miangö uruŋe aŋgotpingö akzei, iŋini i jöhöba aŋgön köl enġiba malget.”

⁵³Jisösnöŋ keu mewö jiba mosöta ani Köna keugö böhi aka Farisi yeŋön könahiba keu könöpŋambuk jim waŋgiba keu könaŋi könaŋi jimapkö qeqesi gwötpuk al waŋgiget. ⁵⁴Al waŋgigetka numbuŋeyök keu kun qiwitipköiga miaŋön köpeiba keugö bötaknöŋ örömapköra mönöget. Mewö.

Urumeleŋgö silesile malmalgö galöm meme keu

Mat 10.26-27

12 ^{1g}Jisösnöŋ keuŋi jiiga nalö sutŋe miangöreŋ ambazip tausenŋi tausenŋi yaŋgöreŋ tokoba öläqölököba utakutal aŋguba kinget. Mewö aka kingetka könahiba gwarekurupŋi kewö jii mötket, “Yuai mutukŋi ki: Iŋini mönö Farisi (Köna keugö kapaŋkölköl) yeŋgö urumeleŋgö silesile ahakmemeŋinaŋgöra galömnini meme. Mi wösö kömbukŋi ewö akza. Mi qahö mosötme ewö, miaŋön mönö yist ewö qariba mem bölim enġima.

^{2h}“Ambazipnöŋ yuai önun meget ahözawi, mi pakpak mönö kötulgetka aukŋe ahuma. Mewöŋanök keu asambötket ahözawi, mi pakpak mönö indelgetka möt kutume. ³Miangöra mönö keuŋinaŋgö galöm memba malme. Iŋini keu söŋaupnöŋ ölöŋ jimei, mi mönö asakŋe jigetka mötme. Iŋini miri uruŋe waŋgömŋi kungen saŋepnöŋ kezapŋine jimei, mi sobemnöŋ aukŋe jim asarime.” Mewö.

Dagöra keŋgötnini mörin dop kölma.

Mat 10.28-31

⁴“Alaurupni nöŋön enġöra kewö jibi mötme: Tosatŋan sileŋini qem kömumba miangö andöŋe yuai kun toroqeba akingö osimei, yeŋgöra

^f 11.51 Jen 4.8; 2 Hist 24.20-21 ^g 12.1 Mat 16.6; Mak 8.15 ^h 12.2 Mak 4.22; Luk 8.17

mönö keŋgötŋini kude möta malme. ⁵Mi qahöpmö, dagöra keŋgötŋini mötketka dop kölmawi, nöŋön mi kondel eŋgimam. Kun daŋön kukösum memba eŋgui kömugetka tötal eŋgii könöp sianöŋ gemei, yaŋgöra mönö keŋgötŋini möta malme. Eŋgöra keu mi kunbuk jizal: yaŋgöra mönö keŋgötŋini möta malme!

⁶“Tosatŋan bekösöm (jöpöröm, ulisit) 5 mi toiya yahötŋan söŋgöröŋi memegöra alakzemö, Anutunöŋ miengörenök mohok-kungö qahö ölum qeyök. ⁷Anutunöŋ köyan köl eŋgiba nörop jurŋini pakpak mewöyök oyon teköba jaŋgöŋini mötza. Ambazip eŋgö söŋgöröŋini mi bekösöm ulisit gwötŋuk eŋgongita öŋgöŋgöŋi akza. Miangöra keŋgötŋini mönö kude möta malme.” Mewö.

Kraist jim miwikŋaime me qaŋ kölme?

Mat 10.32-33; 12.32; 10.19-20

⁸“Nöŋön keu kun jibi mötket: Kunŋan ni ambazip jeŋine jim miwikŋaim niŋgimawi, Suep gölmegö azi ölnan mönö mewöŋanök i Anutugö garataurup yeŋgö jeŋine jim miwikŋaime. ⁹Mewömö, kunŋan ni ambazip jeŋine qaŋ köl niŋgimawi, nöŋön mönö mewöŋanök i Anutugö garataurup yeŋgö jeŋine qaŋ kölmam.

¹⁰ⁱ“Kunŋan Suep gölmegö azi ölni qetala keu jimawi, Anutunöŋ mi ölop mosötmapmö, kunŋan Uŋa Töröŋi ilita mepaqepaik akŋawi, yaŋgö siŋgisöndokŋi mi Anutunöŋ qahö mosötma.

¹¹^j“Ambazipnöŋ iŋini öröba keu jakeŋine al eŋgigetka köuluk miriŋine me kiap premiö aka kantriŋi kantriŋi miengö kiŋ kembu yeŋgö jemesoholŋine kinmei, nalö miangören keuŋinaŋgö likeŋi wani keuya denöwö jibinak miangö waimanŋatŋi kude mötme. ¹²Mi kewögöra: Iŋini keu jimei, mi Uŋa Töröŋan aua miangörenök kusum eŋgiiga jime.” Mewö.

Nepaqepalok azi pomŋaŋgö dopkeu

¹³Ambazip kambu sutŋineyök azi kunŋan Jisösgö jiyök, “Böhi, iwiniran kömuiga gi mönö datnaŋgö jinöŋga iwiniraŋgören börösamotŋi mendenŋa niŋgima.”

¹⁴Mewö jiyökmö, Jisösnöŋ kewö meleŋ waŋgiyök, “O azi, daŋön etkö jimtekötekö toŋiri akŋamgöra kuŋgum niŋgiyöha gölmeŋiri mendenbilenak?” ¹⁵Mewö jiba keu kewö toroqeyök, “Inap ainemalukuŋinan awamŋanök me keleŋmaleleŋ ahöbawak, malmalŋinaŋgö könaŋi mi miangören qahö ahöza. Malmalŋini qahö kewöta moneŋ sukinapnöŋ möndöme ewö, mönö ayuhume. Miangöra membagan membingö nepaqepalok (gridi) pakpaköra mönö galömnjini memba malme.”

ⁱ 12.10 Mat 12.32; Mak 3.29 ^j 12.11-12 Mat 10.19-20; Mak 13.11; Luk 21.14-15

¹⁶Mewö jiba dopkeu kun kewö jii mötket, “Azi pomñi kun malök. Yañön gölmeñe nene nupñi meiga töhötmöriam ketañi asuhuyök. ¹⁷Mi asuhuiga uruñan kewö mötmöriba jiyök, ‘Nöñgö köwe mirini mi morörökñi. Mianğöra padi gösöñi gösöñi, koñ kambuñi kambuñi, sehoñ böranñi böranñi mi mönö denikeağöreñ tokobilenak? Mönö denöwö akñamto?’ ¹⁸Mewö jiba jiyök, ‘Mönö kewö akñam: Ni köwe mirini köndeñda salupñe köwe miri ketañi ketañi memam. Mi memba nene töhötmöriamni aka sukinapni pakpak mönö mianğöreñ qezaköbi tatma. ¹⁹Mianğöreñ tariga nanağöra kewö jimam: O gi simbawoñ! Töhötmöriamgi mönö awamñi qahö ahöm gihiza. Mianğöra mönö nene nem söñgaiba yambuñi yambuñi siyoñsayoñi qahö luhut memba ösöñ malman.’ ²⁰Mewö jiyökmö, Anutunöñ kewö jii mörök, ‘O gi, urugi qahö! Nöñön nalögi ala jim teköba uñagi suñgem kianğöreñök goañgitpiga kömuman. Kömunöñga öroyuai pakpak buña qem ağuba malnöñi, mi mönö dagö buñaya akñapto?’

²¹“Kunñan nanñanğöra ainemaluku guli dötnam yuai tokomakzapmö, Anutugö qöhöröñe urugö töhötmöriamñi qahö ahöm wañgizawi, yañğöra mönö lömböt ketañi mewö asuhuma.” Mewö.

Anutu möt nariba waimanjat kude akñe.

Mat 6.25-34

²²Jisösnöñ gwarekurupñi kewö jii mötket, “Mewö asuhumapmö, nöñön eñğöra kewö jibi mötket: Inini gölmenöñ malmeağö waimanjatñi mi kewö jiba kude akñe: Nini mönö wanat yuainöñ gumohom ağubinak aka wanatnöñ sileninağö löñgötpinak? ²³Sileñinambuk maljei, mianñon bohonñi aiga opo kereñnöñ mönö mianğö nembö bapñe ahöza. Jeñinambuk maljei, mianñon bohonñi aiga nenenöñ mönö mianğö nembö bapñe ahöza.

²⁴“Mönö koekoe nei eñgekñe: Mienñon nene kötñi qahö qesiy gilakze. Padi ölni qahö yandiba köwe miriñine qahö tokomakze. Yöha sihiñini mi qeköm nembu mirinöñ qahö alakze aka Anutunöñ mi töndup i gumohom eñgimakza. Ambazip eñgö söñgöronñini mi nei söñgöronñini eñgoñgita öñgöba ahöza. Mönö mi mötmöriget anök.

²⁵“Eñgöreñök kunñan waimanjat aka mewö mianñon gölmenöñ malmawağö nalöñi mi sömañi mohotkö dop mem toroqema me qahö? Mi qahöpmahöp!^k

²⁶“Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak? ²⁷‘Inini mönö jariñ jurañi aködamanñinambuk mi eñgekñe: Mienñon opo söroninağöra möt

^k 12.25 Tosatñan kewö melenđa jize: Eñgöreñök kunñan waimanjat aka mewö mianñon silenji wan fitkö dop toroqeba mem körimamgö osima. ¹ 12.27 1 Kiñ 10.4-7; 2 Hist 9.3-6

qahö loŋgalakze. Nup yuai tosatŋi kun qahö memakze aka mi töndup kewö jibi mötket: Kiŋ Solomonöŋ goul silwöŋi qeraköba malukuŋi asoŋ-bilikbilikŋambuk löŋgöta malökmö, yaŋgö malukuŋi mi kiteŋ soranŋiŋgö dop eksihimŋambuk qahö ahöyök.

²⁸“Jariŋ juranŋi töhöŋ mi merak gölmenöŋ kösutnine ahöi uran kölgetka eri gila qezaköba ohoget jema. Mi töndup Anutunöŋ juranŋi mewöŋi kun mi tok ölöŋŋanök meŋölömakza. Mianŋgöra yaŋön iŋini mewöyök ölop esuhum eŋgima. Iŋini jariŋ juranŋi mianŋgö dop qahö akze. Anutunöŋ köyan köl eŋgimamgö mötzawi, sihimŋi mianŋön mönö yuai pakpak eŋgongita öŋgöza. O ambazip, mötnariŋŋinan mönö wuanöŋgöra morörökŋi akza?

²⁹“Mewö aiga iŋini mewöyök malmalŋinanŋgöra mötkurumkurum kude akŋe. Mi aka lömböröba kewö jibepuk, ‘Nini mönö wani nene aka wani o nembinak?’ Mewö jiba uruŋini mianŋgöreŋ kude ala urueret aka urukönöpuk miwikŋaibepuk. ³⁰Kantri dop urumelengö kopa yeŋön yuai mewöŋi pakpak buŋa qem aŋgubingö kapaŋ köla urukönöp ahakze. Mi ahakzemö, iŋini nene opo yuaigöra mözöröŋgöba osizei, Iwiŋinan mönö mi möt teköza. ³¹Mianŋgö urukönöp kude akŋemö, mönö Anutugö bemtohoŋnöŋ aŋgotpingö kapaŋ kölme. Uruŋini mianŋgöreŋ alget ahöiga yaŋön mönö galöm köl eŋgiba yuai mewöŋi mi mewöŋanök toroqem eŋgima.” Mewö.

Buŋanini Suepnöŋ me gölmenöŋ tokoinga dop kölja?

Mat 6.19-21

³²“O kambuni morörökŋi, Iwiŋinan bemtohoŋ al eŋgimamgö mötzawaŋgöra mönö keŋgötŋini kude möta malme. ³³Gölmegö moneŋ inapŋi mi kapaŋ köla qeraköbepuk. Mianŋgöra yuai ahöm eŋgizawi, mi mönö söŋgöröŋaŋgö ala moneŋ öröba bahöŋi ambazip wanapŋi kalemŋinanŋgöra eŋgime. Mewö aketka qetbuŋanŋini guli dötnam ewö mi Suep mire ahöba sehiba kude qahöwakŋa. Moneŋ gösöŋini qainŋi kun mi Suep mianŋgöreŋ qahö bölime. Gurem jijilukut aka yoŋgorö meme yeŋön mönö eu öŋgöba yuai mem bölibingö osime.

³⁴“Yuaigöra aködamunŋi memba mötnöŋ öŋgözawi, mianŋön miri kungen ahöiga göŋön mönö urugi mewöyök mianŋgöreŋ qekötahöba malman.” Mewö.

Urugwölö mala nup megetka dop kölma.

³⁵“Iŋini mönö Anutugö nupŋi membingöra jöjöröba opo söroŋini jöhöm yaköba aködamunŋinambuk kinda uruŋinanŋgö kiwaŋan ohotirigetka jeiga malme. ³⁶“Mi kianŋö dop: Miri tonji kun mi ambazip

^m 12.35 Mat 25.1-13 ⁿ 12.36 Mak 13.34-36

amemegö lömbuanñöñ kaba söñgaibingöra öröm wanğigetka anök. Miañgöreñ ani moröurupñan mire tata lilingömapköra jeñinan yaigep uba 'Kiñsiñ-pañsañ!' jiba kapañ köla mambötze. Mamböta malgetka yañön nalö miañgöreñ me miañgöreñ kañgota nañgunöñ qebawak, yeñön mönö miañgöreñök nañgu örögetka kotma. Injini mönö morö miengö dop aka jöjöröba malme.

³⁷“Kembunöñ lilingöba kaiga nup memeurupñi tosatñan urugwölö malgetka mewö miwikñaim engimawi, yeñön mönö simbawoñ akze. Nöñön ölna kewö jibi mötket: Yañön kañgota tokom engiba nene dumnöñ ali tatketka nene gumohom engimamgö jöjöröm añguba welen qem engima. ³⁸Yañön ömbibiñe me miri awörañgöiga miañgöreñ lilingöi tosatñan urugwölö malgetka miwikñaim engimawi, yeñön mönö simbawoñ akze.

³⁹“Gwölö malbingö keu ki mönö ölop mötmörime: Sunğem aiga kegwek azinöñ wanat nalönöñ me auanöñ kamawi, miri toñan mi mötpawak ewö, yañön mönö gwölö mala miriñi ölop galöm meiga qesiñda öngömamgö osima. ⁴⁰Injini ‘Suep gölmegö azi ölnan nalö kiañgöreñ qahö kañgotma,’ jiba mötmörime, yañön mönö nalö miañgöreñök kañgotma. Miañgöra injini mewöyök jöjöröba malme.” Mewö.

Nup azinöñ silekmalek mala ayuhuyök.

Mat 24.45-51

⁴¹Jisösnöñ keu mewö jii Pitönöñ qesiyök, “Kembu, gi dopkeu ki mi neñgöra me ambazip tosatñi pakpak yeñgöra mohok jizan?”

⁴²Mewö qesii Kembunöñ jiyök, “Nup meme ambazip sutñine dañön tiñ kutuba tosatñi engoñgitza? Tosatñan söroraua nup mosötketka kunñan mötkutukutu ölopñangö qakñe kapañ köla pöndañ memakzawi, yañön mönö simbawoñ akza. Miri toñan ahakmemeñi kewöta eka kungen anda miriñangö öryuaini mi yañgö böröñe ali galöm akña. Galöm aka welenqeçeurupñi jiyöhanğö dop köyan köla nalö diñdiñe gumohom engimakña. ⁴³Mewö köyan köl engiba maliga toñan lilingöba kaba mewö eka mönö simbawoñ jima.

⁴⁴“Nöñön keu ölni kun kewö jibi mötket: Toñan simbawoñ jiba sukinapñi pakpakö galömñi kuñgum wanğima. ⁴⁵Kuñgum wanğimapmö, nup meme okonñi yañön uruñan mötmöriba kewö jima ewö, ‘Kembunangö kaka nalöñan mönö köröpñi ahöza.’ Mewö jiba könahiba nup meme ambazipurupñi engum ureiba közölömbuan ala söñgaiba o köhöikñi nemba uruñi sohoiga eñololoñ silekmalek aka malma.

⁴⁶Mewö mala nalö kunöñ Kembunñi kañgotmapköra qahö mambötmawi,

° 12.39-40 Mat 24.43-44

mönö miangörej kaŋgotma. Nalögöra ikmaok iŋululuŋ mali mönö aua miangörej kaŋgota qeba yaijapaleleŋ mem waŋgiba jim kutuiga qegetal ambazip ewö könöp sianön geba sihimbölö mötma.

47“Nup meme kunŋan Kembuŋaŋgö jitsihitŋi möt yaköyökmö, keu areŋi jiyöhaŋgö dop qahö jöjöröm aŋguba nupŋi memba malöhi, Kembuŋan miangö likepŋi jiiga jöhöba ihileknön ambemŋi gwötpuk qeaköba qeme. 48Mewö qememö, nup meme azi kunŋan Kembuŋaŋgö jitsihitŋi qahö möt yaköba yuai aka meiga likepŋi ölop jiget ihileknön qemeaŋgö dop akzawi, Kembunön miangö likepŋi jiiga amqeqeŋi qeme. Anutunön kungöra yuai gwötpuk waŋgiyöhi, yaŋön mönö mi mem sehiiga ölni gwötpuk ahumapköra al mambötma. Anutunön kungöra yuaigö warökŋi sehisehiŋi al waŋgiyöhi, yaŋön mönö mi mem sehiiga ölni sehisehiŋi ahui meleŋ waŋgimapköra qesima.” Mewö.

Jisösnön könöp bölam memba eri deŋnök.

Mat 10.34-36

49“Nöŋön gölmenön könöp ala ubi jemapköra etpiga urusihimni miangö bölamŋan lök jeyöhaŋgöra ahöza. 50^PAhözapmö, mi ‘Ala umam,’ jibi sihimbölö gwötpuk mi nöŋgö qakne öŋgöba mösölumgöm niŋgimamgö akŋa. Anutunön mewö miangön melun murutŋi mem niŋgima. O ni wahöjaliŋ ketaŋi möta malbi mem niŋgii miangörej teköma. 51Kewö mötmöribepuk: Jisösnön luai qemamgöra aka gölmenön erök. Nöŋön kewö jibi mötket: Nöŋön luai qemamgöra qahöpmö, nöŋgöra aka jula deŋgetka köŋ jabö ahuma.

52“Mi kewögöra jizal: Nöŋgö Buŋa keunan ambazip uruŋini kuŋgui melengerangöra nalö kewöŋeyök könahiba kewö asuhuma: Miri kungö uruŋe ambazip 5 yeŋön sutŋine aŋgururuk aka julme. Likep karöbut yeŋön yahöt yetpuk aŋgururuk aketka likep yahöt yetkön karöbut yembuk jujul aka malme. 53^IIwi morö yetkön jula kerök-kerök ahotka nam morö yetkön tötal aŋguyohotka iranŋan iranŋi qetala julmahot.” Mewö.

Nalö maljini, mi möt kewötme.

Mat 16.2-3

54Jisösnön toroqeba ambazip kambu yeŋgöra kewö jii mötket, “Wehön gegeŋe miri böuleiba kousu töwiiga iŋini mi eka miangörejök ‘Kie kama,’ jimakze. Mewö jigetka kama. 55Saut görökenök luhut giliga eka möta kewö jimakze, ‘Miri könöpŋambuk akŋa.’ Jigetka miangö dop akŋa. 56O urumeleŋgö silesile ambazip, iŋini suep gölmegegö tandökŋiri eka kie wehögö könaŋiri ölop kewörakzemö, nalö ki maljini, miangö könaŋi qahö kewöta möt kutugetka qahö dop kölja.” Mewö.

^P 12.50 Mak 10.38 ^I 12.53 Mai 7.6

Anggururukɲini mindiŋgögetka solanima.

Mat 5.25-26

57“İɲini ‘Yuai diɲdiɲi mi denöwö akin,’ jiba miangö könaɲi mi denöwögöra aka nanɲinak qahö kewöta jim tekömakze? Mi qahö dop kölja. 58Kerökan silege ala keu jakeɲe öröm gihimamgö aiga jimtekötekö galömgöreɲ anda köna namɲe miangöreɲ mönö kapan köla imbi mohok aka keuɲiri jim solanimahot. Mewö qahö akɲahot ewö, kerökan ölop örörahöm gihiiga (jas, majistreit) jimtekötekö toɲangö jeɲe aɲgotnöɲga möta jii opotöröpkö böröɲe genöɲga kösö mire al gihibapuk. 59Nöɲön kewö jibi mötnöɲ, Gi miangöreɲ töwagi pakpak almanangö dop qaköba tatman. Toiyagi kondikɲi mewöyök al teköbagun mönö töwagi memba etman.” Mewö.

Uruɲini meleɲget me kömumba ayuhuget.

13 1Nalö miangöreɲök tosatɲan kaɲgota Jisös kösohot kewö jiget mörök, “Galili ambazip tosatɲan Jerusalem jikenöɲ jöwöwöl ohogetka premiö Pailötnöɲ jiiga suahö galömurupɲan miangöreɲ öɲgöba eɲgum kömugetka seɲɲini eta lama bulmakau seɲɲinambuk lolonɲalön ahök.”

2Mewö jigetka meleɲda kewö jii mötket, “İɲini miangöra kewö mötmöribepuk: Galili ambazip mieɲön Galili ambazip tosatɲi pakpak eɲgongita siɲgisöndok aka malgerangöra sihimbölä mi mötket. 3Mewö qahöpmö, nöɲön kewö jibi mötket: İɲini uruɲini qahö meleɲme ewö, iɲini körekɲan mönö mewöyök ayuhum teköme. 4Me miri qetɲi Siloam miangöreɲ miri köröpɲi kunɲan eta köla ambazip 18 turum eɲgii kömugeri, iɲini yeɲgöra kewö mötmöribepuk: Yeɲön Jerusalem könagesö tosatɲi pakpak eɲgongita siɲgisöndok aka keuɲinambuk malget. 5Qahöpmö, nöɲön kewö jibi mötket: İɲini uruɲini qahö meleɲme ewö, iɲini körekɲan mönö mewöyök ayuhum teköme.” Mewö.

Muli ip gorosonɲangö dopkeu

6Jisösnöɲ dopkeu kun kewö jiyök, “Azi kunɲan muli ip kömöri nupɲe kota kini miangö ölni jarumamgö anökmö, kun qahö miwikɲaiyök. 7Qahö miwikɲaiba nup galömnangöra jiyök, ‘Mötnöɲ, nöɲön muli ip kiaɲgö ölni yambu (yara) karöbutkö dop kaba jaruyalmö, kun qahö miwikɲaial. Miangöra mi mönö wuanöngöra toroqeba gölmegö kelökɲi önewat öroi sihitɲanök akapuk. Miangöra mi mönö köla gilnöɲ anma.’ 8Toɲan mewö jiyökmö, galömnöɲ meleɲda jii mörök, ‘O azi kembuni, mi ölop mosötnöɲga yambu (yara) ki kunbuk kinma. Nöɲön nalö sutɲe kiaɲgöreɲ kinöɲnöɲ gölme esiba kundupköba isonɲbason ala liliköbi kelökɲambuk akɲa. 9Nöɲön mewö akiga yambu (yara) andöɲe miangö ölni ölop ahubawak. Mi qahö ahuma ewö, mi ölop köلمان.’ ” Mewö.

Jisösnöŋ Sabat kendonöŋ ambi kun mem ölöwahök.

¹⁰ Jisösnöŋ Sabat kendonöŋ köuluk miri kunöŋ öngöba Buŋa keu kusum eŋgiyök. ¹¹ Mianğöreŋ ambi kun tarök. Ömenöŋ yambu (yara) 18 mianğö dop mem löwörim waŋgiiga könisemŋi milipköiga qötöteimamgö osiba tata malök. ¹² Jisösnöŋ ambi mi eka oholi kaiga kewö jii mörök, “Ambi, eksekpeksek kawölgan mönö gömosöri ölöwakzan.” ¹³ Mewö jiba böröŋi nööröŋe ali mianğöreŋök qötöteiba Anutu möpöseim waŋgiyök.

¹⁴ Möpöseim waŋgiyökmö, Jisösnöŋ Sabat kendonöŋ ambi mi mem ölöwahöhi, köuluk mirigö galömŋan mi eka mianğöra möri bölii keu könahiba ambazip kambu yeŋgöra jiyök, “Nup memegö nalö 6 ahözawi, mianğöreŋ mönö kaba mem ölöwak eŋgimapköra jime. Mi Sabat kendonöŋ qahö.”

¹⁵ Mewö jiyökmö, Kembunöŋ melenđa kewö jiyök, “O urumelenğö silesile ambazip! Injini pakpak bulmakau aziŋini me doŋkiŋini mi Sabat kendonöŋ mireyök pösata eŋguanğitketka onöŋ anda nemakze me qahö? Eŋgöreŋök kunöŋ mi qahö aŋğön köl eŋgimakza. ¹⁶ Mötket! Ambi kianğön Abrahamgö gwölönaröha aiga Satanöŋ jöhöm waŋgii yambu (yara) köröpŋi 18:gö dop maliga nöŋön kösöŋi mi Sabat kendonöŋ pösatpi dop köl eŋgiza me qahö?” ¹⁷ Mewö jiiga tuarenjoŋurupŋi pakpak yeŋön gamuŋini mötket aka ambazip kambu pakpak yeŋön aŋğöletot wewelipŋambuk meyöhi, mi pakpak eka möta söŋgaiget. Mewö.

Nejoŋ kötŋaŋgö dopkeu

Mat 13.31-32, 34; Mak 4.30-32

¹⁸ Jisösnöŋ dopkeu kun kewö jiyök, “Anutugö bemtohoŋaŋgö könaŋi mi denöwö? Mi wanatpuk dop albileŋak? ¹⁹ Mi nejoŋ kötŋaŋgö dop kewö akza: Azi kunŋan mi memba nupŋe anda esiiga wahöta qariba ip ahök. Ip aiga könakemba neiŋi neiŋi mienöŋ aipŋini ip mianğö böröŋe alget.” Mewö.

Yistkö dopkeu

Mat 13.33

²⁰ Jisösnöŋ dumŋe kunbuk dopkeu kun kewö jiyök, “Anutugö bemtohoŋi mi wanat yuaibuk dop albileŋak? ²¹ Mi yist me flaua mem qariqarigö dop kewö akza: Ambi kunŋan ‘Beret ohomam,’ jiba yist memba flaua könde karöbut mianğöreŋ mindiriba melenqeleŋ aka anda anda tari körekŋanök qariyök.” Mewö.

Mönö naŋgu giwikŋe jaram tiba aŋgotme.

Mat 7.13-14, 21-23

²² Jisösnöŋ anda taonŋi taonŋi aka miriŋi miriŋi mianğöreŋ Buŋa kusum eŋgiba anda mala Jerusalem sitinöŋ göröken anök. ²³ Ani kunŋan kewö qesim

^r 13.14 Eks 20.9-10; Dut 5.13-14

wanjiyök, “Kembu, uruñini melenget Anutunöñ amöt qem engii letotmei, mi ambazip awamdökña me denöwö?” Qesim wanjii kewö jii mötket,

24 “Injini mönö nanju giwikñe angotpingö jaram tiba aum-mörime. Nöñön kewö jibi mötket: Ambazip gwötpukñan Anutugö bemtohoñ uruñe angotpingö esapkömömö, mi osime. 25 Könanjep miri toñan wahöta nanju köligun injini nalö miangöreñ könahiba yaigep kinda nanjunöñ qeba kewö jime, ‘Kembu, mönö nanju öröm neñginöñ.’ Mewö jigetka melenja kewö jii mötme, ‘Ni qahö möt engizal. Injini denikegöra, mi qahö mötzal.’ 26 Mewö jiiga injini miangöreñök könahiba kewö jime, ‘Neñön mönö göbuk köisirik tata nene nein. Göñön mönö liliköba neñgö sombemñöñ Buña kusum neñginöñ.’ 27 Mewö jimemö, yañön keu kewö jima, ‘Injini denikeangöra, ni qahö möt engizal. Miangöra kewö jibi mötket: Bölöñji meme pakpak, injini mönö nömosöta kesalget.’

28^{t u} “Kesalgetka miangöreñ Abraham, Aisak, Jeikob aka kezapqetok ambazip pakpak yeñön Anutugö bemtohoñ uruñe kingetka engekñemö, nanñini aköm engigetka yaigep kinme. Könanjini mewö miwikñaiba sahöt gigilahöba irimñini yöhözömgögetka qetñi qeri malme. 29 Ambazipñi ambazipñi mi wehön kotkotñeyök aka gegeñeyök aka likepliket Not Saut miangöreñök kaba Anutugö bemtohoññöñ angota dum tatatñini memba nene nem söñgaip aka malme. 30 Mewö malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe.” Mewö.

Kiñ Herodnöñ kiam soñ miangö dop akza.

Mat 23.37-39

31 Nalö miangöreñök Farisi (Köna keugö kapañkölköl) tosatñan Jisösgöreñ kaba kewö jiget, “Kiñ Herodnöñ guhui kömumangö mötza. Miangöra mönö miri ki mosöta anman.”

32 Jigetka kewö melej enjiyök, “Injini mönö arökñangö kiam soñ mi kewö jiget mötma, ‘Mötnöñ! Nöñön merak aka uran ömewöröme enjuatangömam aka kawöl ambazip mem ölöwak enjiba malmam. Anmami, uruwale mönö miangöreñ angota nupni mekömam.’ 33 “Kezapqetok ambazip sehiseñji mi Jerusalem sitinöñ enjugetka kömuget. Miri tosatñe qahö toroqeba enjuget kömumakze, miangö tandöktandök ahöza ekzal. Miangöra nöñön merak aka uran uruwale köna anda malmam. Jerusalem angotpiga nunjuget kömumam ewö, mönö yeñgöreñ aiakanjina mi toroqeba akñe.” Mewö.

Jisösnöñ Jerusalem sitigöra sahörök.

Mat 23.37-39

34 Jisösnöñ jiyök, “O Jerusalem Jerusalem, injini kezapqetok ambazip enjuget kömugetka Anutunöñ ambazip melaim engii enjöreñ kamakzei,

^s 13.27 Sum 6.8 ^t 13.28 Mat 22.13; 25.30 ^u 13.28-29 Mat 8.11-12 ^v 13.30 Mat 19.30; 20.16; Mak 10.31

mi kötnöŋ kumbuköm eŋgimakze. Poi namŋan moröurupŋi ginginŋi bapŋe ala köjöjohom eŋgimakzawi, nöŋön miaŋgö dop nalöŋi nalöŋi göhö könagösöurupki suhuba tokom eŋgimangö möta malalmö, iŋini mi tököba mala kotket. ³⁵ *Mötket! ‘Anutunöŋ mönö jike miriŋini andö qeiga sahopŋanök ahöma.’ Mewö ahömapmö, nöŋön kewö jibi mötket, iŋini ni kunbuk qahö neŋemö, könangep nalö kun kam kuŋgui miaŋgöreŋ neka kewö jime, ‘Kembugö qetŋe kam neŋgizawi, Anutunöŋ mönö i kötuetaköm waŋgima.’ Mewö.”

Jisösnöŋ kawöl azi kun mem ölöwahök.

14 ¹Jisösnöŋ Sabat kendon kunöŋ Farisi (Köna keugö kapaŋkölköl) yeŋgö jitŋememe kungö miriŋe öŋgöba nene neyök. Nemba tari tosatŋan galöm memba ektiget. ²Miaŋgöreŋ yaŋgö jemesoholŋe kawöl azi kun köna böröŋi onöŋ ölököba qarri tarök. ³Jisösnöŋ i eka könahiba Köna keugö böhi aka Farisi mi qesim eŋgiba kewö jiyök, “Sabat kendonöŋ azi mem ölöwak waŋgiba mewö miaŋön Köna keu oŋgitpin me qahö?”

⁴Mewö jiyökmö, yeŋön göröŋ qeba tatket. Tatketka böröŋan azi mi misiriba mem ölöwaka melaii anök. ⁵*Ani kewö jii mötket, “Eŋgöreŋök kungöreŋ morö me bulmakau aziŋi mi Sabat kendonöŋ o lömnöŋ gema ewö, mi mönö ösumok örögetka kotma. Daŋön mi qahö öröi kotpawak?” ⁶Mewö qesim eŋgii miaŋgö likepŋi meleŋbingö lömbörriba numbuŋini muhungöba böc tatket. Mewö.

Jisösnöŋ sile mem-öŋgö-öŋgö mi qetalök.

⁷Farisi (Köna keugö kapaŋkölköl) azinöŋ ambazip nenegöra köc öröm eŋgiyöhi, yeŋön dum qaikŋe eu meköba tatkeri, Jisösnöŋ mi eka miaŋgöra dopkeu kun kewö jii mötket, ⁸†“Kunŋan gi amembitkö lömbuaŋgöreŋ köc öröm gihii miaŋgöreŋ anda dum jegenŋeyök qahö memba tatman. Mewö akŋan ewö, tosatŋi köc öröm eŋgiyöhi, yeŋgöreŋök kunŋan gi goŋgita qetbuŋaŋambuk akapuk.

⁹“Yaŋön kaŋgoriga lömbuaŋ toŋan göhöreŋ kaba kewö jibawak, ‘Gi dum ki mosötnöŋga öŋgöŋgöŋi yaŋön tatma.’ Mewö jima ewö, gi mönö wahöta bapŋe emu eta dum memba tata gamugi senjombuk mötpanbuk. ¹⁰Mewö qahöpmö, kunöŋ köc öröm gihimawi, gi ölop dum siminŋe emu anda tatman. Mewö tatnöŋga lömbuaŋ toŋan kota geke jima, ‘Alani, gi ölop kaba dum jegenŋe eu anda tatman’. Mewö jiiga göŋön ambazip göbuk tata nene nezei, mönö körek yeŋgö jeŋine qetbuŋagabuk akŋan. ¹¹‡Mi kewögöra: Nanŋini uruŋini memba öŋgömei, Anutunöŋ i körek memba et al eŋgima. Kunŋan nanŋi uruŋi memba etmawi, Anutunöŋ mönö i memba öŋgöba al waŋgima.”

* 13.35 Sum 118.26; Jer 22.5 † 14.5 Mat 12.11 ‡ 14.8-10 Qam 25.6-7 § 14.11 Mat 23.12; Luk 18.14

¹² Farisi (Köna keugö kapaŋkölköl) azinöŋ ambazip köl öröm eŋgii lömbuaŋnöŋ tatketka Jisösnöŋ lömbuaŋ tonji lilingöba eka kewö jii mörök, “Gi silimgö me suŋgemgö lömbuaŋ kun ohoba miangöreŋ nangi alaurupki me darumunurupki mi kude köl öröm eŋgiman. Tinitosolomurupki me miri kasunŋaŋgö ambazip pomŋi qetbuŋaŋinambuk mi kude köl öröm eŋgiman. Mewöŋi lömbuaŋgöra köl öröm eŋginöŋi, i mewöŋanök köl öröm gihiba tosagi mi meköm gihiget teköma. Mewö akŋan ewö, Anutunöŋ mönö miangö töwaŋi qahö gihima.

¹³ “Mewö qahöpmö, lömbuaŋ mözözömgöba ohomani, gi mönö ambazip etqeŋeŋi mia köl öröm eŋgiman. Ambazip wanapŋi, simalokon aka jegömöl akzei, mönö mia engoholnöŋga dop kölma. ¹⁴ Mi köl öröm eŋginöŋga yeŋön tosa meköm gihibingö osigetka gi miangöra simbawoŋ aka malman. Tosaŋini mi öne ahöi malnöŋga solanŋi yeŋön kömupnöhök wahötketka nalö miangöreŋ Anutunöŋ nanŋak mi göhöra meköm gihima.” Mewö.

Lömbuaŋ ali möndömöndö keu jiba tököget.

Mat 22.1-10

¹⁵ Jisösnöŋ mewö jiiga nene nempa tatket yeŋgöreŋök kunŋan mi möta kewö jii mörök, “Kunöŋ Anutugö bemtohoŋ uruŋe aŋgota nene nempa tatmawi, nöŋön yaŋgöra simbawoŋ jizal.”

¹⁶ Mewö jiiga kewö meleŋnök, “Azi kunŋan suŋgemgö lömbuaŋ ketaŋi mözözömgöba ohoba ambazip gwötpuk öröm eŋgiget kamegöra jiyök. ¹⁷ Lömbuaŋ nalöŋi kam kuŋgui welenqeŋeŋi kun melaii köl öröm eŋgimamgö jiyöhi, yeŋgöreŋ anda jii mötket, ‘Yuai pakpak lök mözözömgöinga ahöza. Miangöra mönö ölöp kame.’ ¹⁸ Jii mötketmö, mi möta yeŋön körekmakörek könahiba yuai tosatŋe möndöba tököget. Mutukŋan jiyök, ‘Ni arö kun söŋgöroŋi mealangöra miangöreŋ anda ekŋamgö mötzal. Miaŋön jöhöm niŋgiza. Miangöra ölöp anda jinöŋga möta kude möt bölim niŋgima.’ ¹⁹ Kunŋan jiyök, ‘Ni bulmakau aziŋi 10 söŋgöroŋini meali, mi kösönöŋ ilikŋine jöhöbi kinöŋ örögetka anda nup esapköba qeba qindipkömam. Miaŋön jöhöm niŋgizawangöra ölöp jinöŋga möta kude möt bölim niŋgima.’ ²⁰ Kunŋan toroqeba kewö jiyök, ‘Ni ambi urandöpki bohonŋi mealangöra kamamgö osizal.’

²¹ “Mewö jigetka welenqeŋeŋöŋ lilingöba azi kembuaŋgöra buzup mi jii mörök. Möta uruŋi könöp jeiga welenqeŋeŋi kewö jim kutum waŋgiyök, ‘Gi mönö wölaŋ taongö köna namŋe aka sombemnöŋ anda ambazip etqeŋeŋi, wanapŋi, köna böroŋini titiŋitŋi, jegömöl aka simalokon ambazip mi mönö eŋguaŋitnöŋga lömbuaŋ miri uruŋe ki kame. ²² Jiyöhaŋgö dop ak teköba kaba kewö jiyök, ‘Kembuni, jim kutum niŋgizanaŋgö dop akzalmö, dum tiŋi tok ahöza.’

²³ “Mewö jiiga azi kembunöŋ jiyök, ‘Gi mönö könanöŋ aka rowoŋqeŋeŋine anda ambazip tat anjei, mi kapaŋ köla kuŋgum

enjinönğa lömbuaŋ miri uruŋe kaŋgota kokolak qeme. ²⁴Nöŋön kewö jibi mötket: Ambazip mutuk köl öröm engimamgö jiali, yeŋgöreŋök kunŋan kun nöŋgö lömbuaŋnönŋ qahö kaŋgota nempa nahömŋi mötma.’” Mewö.

Jisösgö gwarek malmalgö kõnaŋi

Mat 10.37-38

²⁵Jisösnönŋ ani ambazip kambu ketanŋi yeŋön wuatangöba angetka lilingöba kewö jii mötket, ²⁶“Kunŋan nömbuk kaba malmam jiba ni göragöra al niŋgiba iwinamŋi, anöm-morönŋi, darumunŋi, nenbehötŋi aka nanŋi malmalnŋi mewöyök jegep ala jöpakömakzawi, yaŋön mönö nöŋgö gwarekni akŋamgö osima. ²⁷^bSisitŋini megetka kunŋan ni nuatangöba sihimbölö möta maripomnönŋ kömumamgö qahö jöjörömawi, yaŋön mönö nöŋgö gwarekni akŋamgö osima.

²⁸“Enŋöreŋök kunŋan miri köröpŋi memamgö mötza ewö, yaŋön mönö mutuk eta tata moneŋi miri mem tekömawangö dop akza me qahö, miangö kõnaŋi kewöta ek kutuma. ²⁹Mewö qahö aka miri tandönŋi kömöta mi mem tekömamgö köhököhöiŋi qahö ahöm waŋgiiga mosöri öne kiniga ambazip pakpak mi eka kõnahiba jiji-ilit jiba mepaik waŋgibepuk. ³⁰Mewö ak waŋgiba kewö jibepuk, ‘Azi mi kõnahiba miriŋi meyökmö, mi mem tekömamgö qahö köhöiyök.’ Miangö dop Jisös wuatangöman me qahö, mi törörök kewöta möt kutuman.” Mewö

³¹Jisösnönŋ keu mi toroqeba kewö jiyök, “Mewöyök kiŋ azi kembu kunŋan kiŋ kunbuk arönŋda ‘Bim qemam,’ jiba denöwö akŋa? Yaŋön zilaŋök kerök qahö al waŋgimamö, mutuk jembonurupŋi öröm tokom enŋii tata qambaŋ keu kewö eraum mötme, ‘Nanine aziurupnini 10.000 malŋin aiga likepŋe kerökurupnini mi 20.000 malje. Azi kembuŋinan i enŋuangita kaget enŋeka ölp köhöiba enŋubin me qahöpto?’ ³²‘Qahö köhöibin,’ jime ewö, yaŋön kerök kiŋnönŋ köröwen tariga miangöreŋök jitŋememurupŋi melaim enŋii yaŋgöreŋ anda luai qebingö goro eraum mötme. ³³Mewöyök enŋöreŋök kunŋan yuai pakpak ahöm waŋgizawi, mi jegep almawaŋön mönö nöŋgö gwarekni akŋamgö osima. Miangöra mönö nia jegep al niŋgigetka dop kölma.” Mewö.

Howe nahömŋi qahö mi yuaia omanŋi kötökŋi.

Mat 5.13; Mak 9.50

³⁴“Howe mi ölöpŋi akzapmö, sihimŋi mosötma ewö, mi mönö denöwö möhamgöinga kunbuk sihimŋambuk akawak? ³⁵Nesak omanŋi mi gölme kelökŋambuk akŋapköra tokoba isonbasonŋ alakzinmö, howe nahömŋi qahö mi yuai kungöra qahö dop kölma. Qahö! Mi mönö önewat gölmenönŋ

^a 14.26 Mat 10.37 ^b 14.27 Mat 10.38; 16.24; Mak 8.34; Luk 9.23

gilinga geba öne töhöntöhön ahöma. (Gi mewöjanök nongö gwarekni aka kembangan kutuba nömosötman ewö, mönö yuai omañi akñan.) Kunñan kezapñambuknön malja ewö, yañön mönö keu mi möt kutuma.” Mewö.

Lamanöñ sohöyök, miangö dopkeu

Mat 18.12-14

15 ¹Takis tilipqilip aka megeri aka siñgisöndok ambazip tosatñi mi jesöngöñan Jisösgö Buñani mötpingö kaget. ²Mewö kagetmö, Farisi aka Köna keugö böhi yeñön Jisösgöra uruñinan böliiga irikuruk keu kewö jiget, “Azi miangöñ siñgisöndok ambazip engimemba yembuk tata nene neza.” ³Mewö jigerangöra Jisösnöñ dopkeu kun kewö jii mötket,

⁴“Engöreñök kungö lamaurupñi 100 malgetka miengöreñök kunñan sohoba jañjuñ aniga toñan denöwö akña? Yañön mönö 99 mi gölme qararañkölkölñe engömosöta anda mohot jañjuñ anöhi, miangö jaruba anda mala miwikñaiiga teköma. ⁵Miwikñaiiba urusösöngai aka awötñe ala kama. ⁶Mire kaba alaurupñi aka tosatñi kösutñe malmei, mi engoholi tokogetka kewö jii mötme, ‘Lamani sohöyöhi, mi lök miwikñaiizalangöra mönö nömbuk söösöngai akin’ ⁷Nöñön kewö jibi mötme: Miangö dop siñgisöndok azi mohotñan uruñi meleñmawi, yañgöra Sup mire söösöngai ketañi asuhuma. Ambazip 99 nanñine jeñine solañi diñdñi aka uruñini meleñbingö qahö möta maljei, yeñgöra söösöngai mewöñi qahö asuhuma.” Mewö.

Moneñ kötni sohöyök, miangö dopkeu

⁸“Mewöyök ambi kunñan silwö moneñ kötni 10 memba maliga miengöreñök mohokñan geba sohoiga denöwö akña? Yañön mönö kiwa ohotiriba kapañ köla miri usuñda jaruma. Jaruba mala miwikñaiiga teköma. ⁹Mi miwikñaiiba ambi alaurupñi aka ambi tosatñi kösutñe maljei, mi engoholi tokogetka kewö jii mötme, ‘Nöngöreñ soujeñi mohotñan sohöyöhi, mi miwikñaiizalangöra mönö nömbuk söösöngai aki.’ ¹⁰Miangö dop nöñön kewö jibi mötme: Siñgisöndok ambazip kunñan uruñi meleñniga Anutugö garataurupñi yeñön miangöra söösöngai öngöñgöñi akñe.” Mewö.

Nañi imbi-imbi azinöñ kumkanjam aka imbiñi meleñnök.

¹¹Jisösnöñ toroqeba kewö jiyök, “Azi kungö nahönyahötñi yahöt malohot. ¹²Munñan iwiñangöra kewö jiyök, ‘Iwini, gi mönö moneñ sukinapki mendeñda nongö bahöñi niñgiman.’ Mewö jiiga öroyuaiñi pakpak dopñire mendeñda etkiyök. ¹³Mi etkiiga nahöñni moröñan

© 15.1-2 Luk 5.29-30

sömaŋi yahöt karöbut mala inap yuaini pakpak mi kölölöhoba memba kantri kungen anök. Mianğöreŋ anda nanŋi imbi-imbi aka kõna ketaŋi ambi yembuk kiam bau ewö söŋaup malmal mala moneŋ inapŋi gil teköyök.

¹⁴“Yuai pakpak gil teköiga bödi (buörö) ketaŋi asuhuba gölme pakpak mi dop kölök. Yaŋön nalö mianğöreŋ kõnahiba öngöpŋi aka osiyök. ¹⁵Osiba kantri mianğö toŋi kungöreŋ anda nupköra qesim waŋgiiga melaii yaŋgö bau selŋe geba bau galömŋina malök. ¹⁶Mianğöreŋ mali bau yeŋön sokop kötŋi neget eka ‘Ölöp mi nemi gölömni dop kölbawak,’ jiyökmö, mi mewöyök kunŋan qahö waŋgiyök.

¹⁷“Mewö mala uruŋi ahuiga kewö jiyök, ‘Iwinanğö nup ambazip wanat awamŋi yeŋön nup megetka söŋgöroŋi eŋgii nene nem timbireŋ aka maljemö, nõŋön kianğöreŋ uzukörörap aka bödi mala kõmumamğö akzal. ¹⁸Ni mönö wahöta iwinanğöreŋ lilingöba anda kewö jibi mötma, ‘Iwini, ni siŋgisöndok memba mianğön gi aka Suep Toŋi qetal etkiba qetki mem böliial. ¹⁹Mianğöra göŋön kunbuk nõŋgöra ‘Nahöni,’ jimananğö dop qahö akzal. Gi ölop jinöŋga welenqegega kun akŋam.’

²⁰“Mewö jiba wahöta iwinanğöreŋ anök. Anda mala miri dopdowii iwiŋan tikep endu kinda ehi kaiga wösöŋi pöröraköiga ehoriba ösumŋan diŋdiŋgöba anda imbiŋe gili geiga numbuŋi yöhötım nembra ‘Nahöni, owe owe!’ jiyök. ²¹Mewö ahökmö, nahönŋan jiyök, ‘Iwini, ni siŋgisöndok memba mianğön gi aka Suep Toŋi qetal etkiba qetki mem böliial. Mianğöra göŋön kunbuk nõŋgöra ‘Nahöni,’ jimananğö dop qahö akzal.’

²²“Mewö jii iwiŋan mianğöreŋök welenqegeurupŋi kewö jii mötket, ‘Iŋini mönö ösumok maluku aködamunŋambuk kun memba kaba löŋgöt waŋgiget. Ila jalö imbiŋe köla meŋölöm waŋgiba kõna esu kõnaŋe löŋgöt waŋgiget. ²³Mewöyök selnöŋ anda bulmakau dömŋi kelökŋambuk kun memba kaba qeba ohogetka nembra sösöŋgai albin. ²⁴Nahöni ki kõmum taköyöhaŋön mönö kunbuk guliba kaza. Yaŋön lök sohoigun Anutunöŋ kunbuk miwikŋaiiga asuhum tiŋgitza.’ Mewö jiiga kõnahiba sösöŋgai alget.

²⁵“Sösöŋgai algetmö, datŋan nupnöŋ mala lilingöba miri dopdowiba mianğöreŋ liŋet gwawet köla unduba söŋgaigeri, mianğö kourukŋi mörök. ²⁶Mi möta welen morö kun qeri kaiga ‘Mi denöwögöra akze?’ jiba qesim waŋgiyök. ²⁷Qesim waŋgiiga kewö jiyök, ‘Mungan lilingöba kaiga iwiŋan i kunbuk meiga unditundit aiga mianğöra jiiga bulmakau dömŋi kelökŋambuk qeba ohoba söŋgaize.’

²⁸“Mewö jiiga irimŋi seholiiga mire öŋgömamğö tököyök. Tököyökmö, iwiŋan mi möta yaigep eta uruluai keu ösöŋ jiba mölöwörim waŋgiyök. ²⁹Mölöwörim waŋgiyökmö, yaŋön meleŋda kewö jiyök, ‘Iwini, nõŋön yambu gwötpuk welengi qeba mala jimkutukutugi nalö kunöŋ qahö oŋgita malalmö, töndup göŋön nalö kunöŋ meme (noniŋ) moröŋi

kun alaurupni yembuk sösöngai albingöra qahö ninginöŋ. ³⁰Qahö ninginönömö, nahöŋgi kianön köna ketanji ambi yembuk mala monen inapki ayuhuba kanŋoriga göŋön mönö yaŋgöra aka jinönŋa bulmakau döŋŋi kelökŋambuk qeba ohoze.'

³¹“Jiiga iwiŋan kewö jii mörök, ‘Nahöni, gi nalö dop nanambuk malakzan. Mianŋöra nani buŋani pakpak mi mönö göhö buŋaya mohok akza. ³²Mohok akzapmö, mungi kianön kömum taköyöhaŋön kunbuk guliba kaza. Yaŋön lök sohoiga Anutunöŋ kunbuk miwikŋaiiga asuhum tiŋgitza. Mianŋöra döŋki nene sösöngai alinga dop kölja.’” Mewö.

Sukinap galöm tilipqilipŋambukö dopkeu

16 ¹Jisösnöŋ gwarekurupŋi keu kun kewö jii mötket, “Azi pomŋi kungö sukinap galömŋi kun malök. Tosatŋan kaba azi pomŋi mi luasö keu jiget mörök, ‘Yaŋön göhöreŋ monen inapki köndeŋda laŋ gila malja.’ ²Mi möta galöm mi jii kaiga jim waŋgiyök, ‘Ni göhöra buŋa bölöŋi jiget mötzal. Gi nöŋgö miri aka sukinapni kunbuk galöm kölmananŋö dop qahö akzan. Mianŋöra mi denöwö galöm köla malnöŋ, mianŋö löpötŋi jim asarim niŋgiman.’ ³Mewö jiiga uruŋan kewö mötmöriyök, ‘Miri toŋan galömkölköl nupni noaŋgiri denöwö akŋamto? Ösumni qahö dop köljawanŋöra gölme esimangö osizal aka ulet azi malmangö gamuni mötzal. ⁴Yaŋön galömkölköl nupni noaŋgitmawi, nöŋön nalö mianŋöreŋ denöwö akiga tosatŋan miriŋine köl öröba köyan köl niŋgibeak? Aha! Köna kun mötmörizal.’

⁵“Mewö jiba ambazip toŋan tosa al enŋiyöhi, mi pakpak nanŋik nanŋik öröm enŋiiga kaget. Mutukŋan kaiga yaŋgöra kewö jiyök, ‘Tonanŋöreŋ tosa göhöreŋ dawik ahöza?’ ⁶Mewö qesiiga jiyök, ‘Oil dram 100 meal.’ Mewö jiiga kewö meleŋnök, ‘Gi tosa papiagi memba ki tata ösumok uteköba 50 ohonöŋga ahöma.’ ⁷Mewö jiba azi kun qesim waŋgiyök, ‘Aka gi? Göhöreŋ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba mianŋöreŋ 16.800 kilogram mewö ohonöŋga ahöma.’

⁸“Mewö aiga miri toŋan möta jim-ölöwak keu kewö jiyök, ‘Galömnan tilipqilip qakŋe yuai ahöhi, mi mötkutukutu ölöŋŋi kondelja.’” Kembu Jisösnöŋ kösohot mewö jiba toroqeba jiyök, “Söŋaupkö ahakmeme wuatangömakzei, yeŋgö mötkutukutuŋini mi ambazip tosatŋi merak maljei, mi tilipqilip ak enŋimeanŋö dop ahözapmö, Anutugö asakŋe maljei, yeŋgö mötkutukutuŋini mi mianŋö bapŋe akza.

⁹“Mianŋöra kewö jibi mötket: Tosatŋan gölmeŋö monen inapnöŋ ambazip tilipköm enŋimakzemö, enŋön mönö mianŋön memba alaurup miwikŋaim enŋime. Mi miwikŋaim enŋigetka gölmeŋö yuainöŋ qahöwakŋawi, Anutunöŋ mönö nalö mianŋöreŋ köl öröm enŋiiga malmal köhöikŋi mire aŋgota teteköŋi qahö malme.

¹⁰“Kunŋan yuai morörökŋi memba kapaŋ köla törörök galöm köljawı, yaŋön mönö yuai ketaŋi mewöyök törörök galöm kölma. Kunŋan yuai morörökŋi galöm köla kitik-katuk akzawi, yaŋön mönö yuai ketaŋi mi mewöyök galöm kölmapkö jiinga kitik-katuk akŋa. ¹¹Gölmegö moneŋ inapŋi böröŋine algetka mi pöndaŋ qahö galöm kölgetka ölni qahö asuhuyök ewö, kunŋan mönö yuai buŋaŋi öngöŋgöŋi ölni mi böröŋine qahö alma. ¹²Iŋini tosaŋi yeŋgöreŋ yuai mi pöndaŋ qahö galöm kölgetka ölni qahö asuhuyök ewö, nanŋini uruŋinaŋgö buŋa ölni mi daŋön kun eŋgibawak?

¹³“Welenqeŋe kunŋan kembu yahöt welen qem etkimamgö osimakza. Kunŋan mewö akŋamgö mötzawi, yaŋön mönö kun kazik ak waŋgiba kun uruŋan jöpaköma. Kungöreŋ qekötahöba kun jijiwilit ak waŋgima. Miaŋgöra eŋön Anutu aka moneŋ inap mi mindiriba welen qem etkibingö osime.” Mewö.

Monenŋö urukönöp akepekö goro keu

Mat 11.12-13; 5.31-32; Mak 10.11-12

¹⁴Farisi (Köna keugö kapaŋkölköl) yeŋön moneŋgö nahöm gwötpuk ahöm eŋii malgeraŋgöra Jisösnöŋ keu pakpak mi jiyöhi, mi möta je misiba ilit waŋgiget. ¹⁵Ilit waŋgigetka kewö jii mötket, “Farisi eŋön mönö ambazip jeŋine solanŋi tandök kondel eŋgibingö könöpuk ahakzemö, Anutunöŋ uruŋinaŋgö könaŋi möt kutum teköza. Ambazip jeŋine yuai kungöra mötketka öngöŋgöŋi akzawi, mi Anutunöŋ ehi imbilonŋambuk ahakza.

¹⁶“Bemtohoŋgö könaŋi mi Mosesgöreŋ Köna keunöŋ aka kezapqetok ambazip yeŋgö Buzup Kimbiŋine ohogetka oyoŋda mala koringa Jonöŋ asuhuba ölni aukŋe indelök. Nalö miaŋgöreŋök könahiba keu mi jim sehiba Anutugö bemtohoŋe aŋgotmegöra ambazip uruŋini kuŋgumakzin. Ambazip körekŋan mönö jaram tiba kapaŋ köla bemtohoŋ miaŋgö uruŋe aŋgotpingö ahakze. ¹⁷Suep gölmenöŋ göröŋ qemahotkö dop akzahotmö, Köna keugö kulem jönbölanŋi mohok-kun mi nalö kungen qahö kötökŋi ayapköma. Mewö.

¹⁸“Azi kunŋan anömŋi mosöta ambi kun memawi, yaŋön mönö qesabulum akŋa. Azi kunŋan ambi aŋŋan mosöröhi, mi memawaŋön mönö mewöyök qesabulum akŋa.” Mewö.

Azi pomŋi aka Lazarus

¹⁹“Azi pomŋi kun malök. Yaŋön opo maluku gugakgugak pisikŋi aködamanŋambuk löngöta mala nalö dop nene söŋgaip aka siyoŋsayoŋi

^d 16.13 Mat 6.24 ^e 16.16 Mat 11.12-13 ^f 16.17 Mat 5.18 ^g 16.18 Mat 5.32; 1 Kor 7.10-11

qahö malök. ²⁰Mewö malökmö, yangö miri nangunji kösutnje azi wanapni kun qetji Lazarus ahöba malök. Uzi nömbörnön sileji dop köla tarök. ²¹Wösöni aliga gwarönön ahöba azi pomnangö tebolnöhök nene irip boromni eri mia nemangö mörök. Möta ahöiga kiam yejön kangota uzi nömböni bözöba malget.

²²“Mewö mala wanapni yangön kömuyök. Kömui Suep garata yejön wangita öngöba Abrahamgö qöhöröje alget tarök. Azi pomni yangön mewönanök kömuiga löm kölget. ²³Löm kölgetka kömupkö senjom mire geiga jem sölöngöi sihimbölö ketañi möta ui öngöiga Lazarus Abrahamgö qöhöröje köröwen endu tari etkehök. ²⁴Etkeka silata qeta jiyök, ‘O iwini Abraham, mönö wösögi möt ningiman. Ni könöp bölamnön nohi kiangörej wahöjalij öngöngöni möta kinjal. Miangöra mönö Lazarus melainön anda kesöt sujan onöj kusahöla kaba nesilamne mirii amörima.’

²⁵“Mewö jiyökmö, Abrahamnön melejnök, ‘Nahöni, mönö ki mötmörinön anök. Göñön gölmenön malmal sösongainambuk lök malnön teköyökmö, Lazarusnön gölmenön malmalji qemjem-mamjeñ aka malök. Mewö malökmö, nalö kewöne urukölalep ak wanggiinga tatzapmö, göñön sihimbölö möta wahöjalij qakje kinjan. ²⁶Mewö maljin aiga toroqeba kewö jizal: Anutunön nini aka injini sutnine mendeña jabö al köhöii ahöza. Miangöra tosatñan jabö qösököba nengörejök engörej kangotpingö mötpeak, mi mönö osime. Mewöyök likep endu maljei, eñön mewöyök nengörej yuhu kangotpingö qaköme.’ ²⁷Mewö jiiga kewö jiyök, ‘Iwini, mewö aiga kewö ulet gihizal: Göñön mönö Lazarus melainönga iwinangö mire anma. ²⁸Miri miangörej darumunurupni 5 maljei, yejön mewönanök senjom miri kiangörej eta sihimbölö ketañi mötpepuk. Miangöra mönö jinönga anda kezapqetok keu jii mötme.’

²⁹“Mewö ulerökmö, Abrahamnön jiyök, ‘Qahö! Mosesgö Köna keu aka kezapqetok ambazip yengörej Buzup Kimbi mi yengö buñaya ahöza. Keu mia mönö kezap ala mötme!’ ³⁰Mewö jiiga kewö jiyök, ‘O iwi Abraham, mewö qahöpmö, kömukömunji nengörejök kunñan yengörej anbawak, mewö mönö uruñini melejnbeak.’ ³¹Jiiga Abrahamnön kewö jii mörök, ‘Yejön Moses aka kezapqetok ambazip yengö keugöra kezap qahö alje ewö, mewönanök kömukömunji nengörejök kunñan wahöta keu jibawak, yejön mönö töndup Anutu qahö möt narim wangibeak.’ ” Mewö.

Singisöndokö kölgorom mönö qetal engime.

Mat 18.6-7, 21-22; Mak 9.42

17 ¹Jisösnön gwarekurupni keu kewö jii mötket, “Bölöñangö supatitikan mönö awamnanök asuhumakza. Kunön supatitik angön kölmangö osimakzapmö, kun danön tosatni kölgorom ak enggiiga singisöndok akñei, yangöra mönö wöziköba ‘Yei!’ jizal. Sihimbölö

öngöngöŋan mönö yaŋgö qakŋe öngöma. ²Yaŋön ambazip moröŋi yeŋgöreŋök kun kölgrom ak waŋgiiga ŋiŋgisöndok akŋawi, azi miaŋön mönö lömböt öngöngöŋi miwikŋaima. Anutunöŋ lömböt miaŋgö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulumgöi gebawak, miaŋön mönö awamŋi ahum waŋgii tandök akawak.

³“Miaŋgöra mönö nanŋini galöŋŋini mem aŋguba malme. Alagi kunŋan ŋiŋgisöndok akzawi, i mönö jim mindiŋ ak waŋgiman. Jim mindiŋ ak waŋginöŋga möt bölim aŋguba wösöŋi mötma ewö, gi mönö ŋiŋgisöndokŋi mosöt waŋgiman. ⁴Wehön kungö uruŋe ŋiŋgisöndok 7 ak bölim gihiba indimŋi 7 göhöreŋ liliŋgöba kewö jima, ‘Alani, ni ŋiŋgisöndok akzalaŋgöra möt bölim aŋguzal.’ Mewö jima ewö, gi mönö ŋiŋgisöndokŋi mosöt waŋgiman.” Mewö.

Mötnariŋkö öŋŋi mi kukösumŋambuk.

Mat 17.20; 21.21; Mak 11.23

⁵Aposol yeŋön Kembugöra jiget, “Mötnariŋŋini mönö toroqeba mem köhöiman.” ⁶Mewö jigetka Kibunöŋ meleŋŋök, “Mötnariŋŋinaŋgö öŋŋi mi neŋöŋ köŋŋaŋgö dop ahöbawak ewö, eŋön ölöŋ nömözup ipⁱ kiaŋgöra kewö jim kutubeak, ‘Gi mönö jöla jalögabuk wahöta luhuba köwetnöŋ geba nangi kömöta kinman.’ Mewö jiba möt narigetka ip miaŋön mönö keuŋini tem kölma.” Mewö.

Welenqeŋe ölöŋŋi mi denöwö?

⁷“Eŋgöreŋök kungö nup azinöŋ bulmakau memba nupnöŋ anda kinöŋ öröi gölme meŋŋma me lama galöŋŋina malma. Mala mire kaŋgöŋi miaŋgöreŋ toŋan kewö jii mötma me qahöpto, ‘Gi mönö mire kota tata nenegi neman.’ ⁸Mewö qahö! Yaŋön mönö kewö jima: ‘Gi mönö o ariba möhamgöm aŋguba ŋuŋgemgö neneŋamni ohoba ala niŋginöŋ nemam. Miaŋgö andöŋe nangi neneŋamgi ohom neman.’ ⁹Mewö jim kutum waŋgiiga nup aziŋan jiyöhöŋgö dop nupŋi mem teköi dop köliga galöŋŋan miaŋgöra möpöseim waŋgima me qahö? Qahö! ¹⁰Eŋgö könaŋini mi mewöŋanök ahöza. Galöŋŋinan yuai pakpak jim kutum eŋgiyöhi, iŋini mi ak teköba miaŋgöreŋ kewö jime, ‘Nini nup ambazip töhöna maljin. Galöŋŋinan yuaigöra jiyöhi, mönö miyök memba kazinaŋgöra möpömöpöse jarubingö osizin.’ ” Mewö.

Jisösnöŋ azi 10 sileŋini mem solaniyök.

¹¹Jisösnöŋ Jerusalem sitinöŋ anmamgöra Galili aka Samaria prowins yahöt mietkö sutŋire köna ahöyöhi, miaŋgöreŋ anök. ¹²Könanöŋ anda

^h 17.3 Mat 18.15 ⁱ 17.6 Jisösnöŋ mulberi ip kun kondelök. Ip mi nömözup ewöya, köŋŋi köuruk (köwörörök) köŋŋi ewö neneŋa.

miri kunöŋ aŋgoriga azi 10 sileŋini uzikukuŋambuk yeŋön miwikŋaiba eka tikep endu kinget. ¹³Kinda köhöikŋanök qeta jiget, “Ketaŋamni Jisös, mönö neŋgöra ak kömum gihima!”

¹⁴Jeta jigetka eŋgeka kewö jii mötket, “Injini mönö jike nup galöm yeŋgöreŋ anda sileŋini kondel eŋgime.” Mewö jiiga tem köla könanöŋ angetka sileŋinan miangöreŋ solaniba ölöwahök. ¹⁵Ölöwahökmö, 10 yeŋgöreŋök kunŋan sileŋi solanii eka lilingöba kaba Anutu köhöikŋanök qeta möpöseiyök. ¹⁶Möpöseiba Jisösgö könaŋe geba sipköba simin köla ‘Saiwap!’ jiyök. Azi mi Samaria azia. Juda yeŋön Samaria prowinsgö ambazip yeŋgöra mötketka eretŋi ahakzapma.

¹⁷Saiwap! jiiga Jisösnöŋ meleŋda jiyök, “Mi ölop akzanmö, azi pakpak 10 eŋgö sileŋinan lök solanim teköyök me? Azi 9 mieŋön mönö denike malje? ¹⁸Kian azi göŋön nangik lilingöba kaba Anutu möpöseizanmö, azi 9 yeŋön mönö anda nöŋöŋgan akze.” ¹⁹Mewö jiba kewö jii mörök, “Mötnaripkan mönö mem ölöwak gihiza. Miangöra ölop wahöta anman.” Mewö.

Anutugö bemtohoŋi mi denöwö asuhuma?

Mat 24.23-28, 37-41

²⁰Farisi (Köna keugö kapaŋkölköl) yeŋön Jisös kewö qesim waŋgiba jiget, “Anutugö bemtohoŋi mi mönö wanat nalönöŋ asuhuma?” Jiget möta meleŋda kewö jiyök, “Anutugö bemtohoŋan mönö jeninan ekinangö dop qahö asuhuma. ²¹Mötket! Anutugö bemtohoŋi mi sutŋine uruŋine asuhuba ahöza. Miangöra mi kiangöreŋ me enduyangöreŋ ahözawi, mewö jibingö osimakzin.”

²²Jisösnöŋ gwarekurupŋi kewö jii mötket, “Könaŋep nalö kun kam kuŋgumawi, miangöreŋ Suep gölmegö azi ölnangö nup meme wehöŋŋi mieŋgöreŋök kun ekingö ak eŋgimapmö, mi kunbuk ekingö osime. ²³Nalö miangöreŋ kewö jiget mötme, ‘Mötket! Amötqeŋe Toŋan mönö endu malja. Mötket! Mönö ki asuhuza.’ Mewö mewö jigetka i ekingöra miangöreŋ ösumok kude luluhuba anme. ²⁴Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akŋa: Mi suep likepŋeyök zilaŋ biliksik ala asariba likepŋe dop köla anjawi, yaŋön mönö miangö dop asuhuma. ²⁵Könaŋep mewö asuhumapmö, mutuk ambazip nalö kewöŋe gölmenöŋ maljei, yeŋön azi mi yaköriba andö qem waŋgigetka sihimbölö ketaŋi mötma.

²⁶^k“Mönöwök Noagö nalöŋe ambazipnöŋ malmalŋini qemasolokep qakŋe mala ayuhugeri, miangö dop mönö Suep gölmegö azi ölnan kunbuk kamawangö nalöŋe mewöyök asuhuma. ²⁷^lNoagö nalöŋe nene lömbuanŋ ala o köhöikŋi nempa ambi kenam bohonŋangö alget anda

^j 17.14 Lew 14.1-32 ^k 17.26 Jen 6.5-8 ^l 17.27 Jen 7.6-24

kaiga angömeget. Ahakmeme mewö aka memba qemasolokep malgetka Noanöj waŋge uruŋe öngöyöhi, silim miangörej teköyök. Teköiga o göulu ketanjan kaba ambazip jinonji qahö löm köl enjii o nemulahöba kömuget.

²⁸ ^m“Lotkö nalöŋe mewöyök qemasolokep malgetka mewöjanök asuhuyök. Ambazipnöj nene lömbuaŋ ala o jawat nempa nup köl kömöta jike miriŋini memba qeköm nemi ala yuai bohonji memegöra algetka yuai tosatji bohonji memba malget. ²⁹Mewö aka memba malgetmö, Lotnöj Sodom miri mosöta aniga wehön miangörejök könöp aka köt sömsöm könöpŋambuk mi mönö kie ewö suepnöhök eta ambazip jinonji qahö engehöi kömuget. ³⁰Könaŋgep Suep gölmegö azi ölnjan kunbuk asuhumawi, nalö miangörej ambazipnöj mewöjanök qemasolokep aka mala ayuhume.

³¹“Silim miangörej sombemnöj malmawaŋön mönö inap yuaiŋi memamgöra miri uruŋe kude öngöma me nupnöj anda malmawaŋön mönö mewöjanök miriŋe kude liliŋgöba kama. ³²Lot anömŋan melenđa andöŋe uba kömumba köt ahöhi, mönö mi mötmörime. ³³“Kunjan malmalji siyonsayonji qahö nanjanğöra angön köla nanji imbi-imbi malmamgö mötzawi, yanğö malmaljan mönö sohomapmö, kunjan malmalji nöngöra aka köleŋniga sohomawi, yanğön mönö malmal ölnjanğö könaŋi miwikŋaiba oyaenkyoaen malma.

³⁴“Nöŋön kewö jibi mötket: Sunğem miangörej azi yahöt dumnöj mohotŋe ahöyohotka yetkörejök kun waŋgita kun mosötme. ³⁵Mewöyök ambi yahöt mi mohotŋe taweŋ urasiba (bunahöba) tatmahori, yetkörejök kun waŋgita kun mosötme.” ³⁶(Azi yahöt nupnöj malohotka yetkörejök kun waŋgita kun mosötme.)

³⁷Jisösnöj mewö jiiga gwarekurupŋan melenđa jiget, “O Kambu, mi denikeangörej asuhuma?” Mewö jigetka kewö jii mötket, “Sömbup gisakŋan kungen göröken ahömawi, manu köraraknöj mönö miangörej öröba tokomakzei, mönö miangö dop asuhuma.” Mewö.

Malönöj kapan köla uleriga azi ketanjan bauköyök.

18 ¹“Injini mönö nalö dop Anutu köuluköba qemalokolip qahö aka malme.” Jisösnöj mewö jiba miangö dopkeuŋi kewö jii mötket, ²“Taon kunöj keu jimtekötekö azi kun malök. Yanğön ambazip yanğö keugöra gamuŋi qahö möta nanji imbi-imbi mala Anutugö jitŋi oŋgitpilenbuköra keŋgötŋi qahö mörök. ³Taon miangörej malö ambi kun malök. Yanğön sundan dop keu jimtekötekö azi miangörej anda kewö jiba malök, ‘Kunjan nömbuk anğururuk akzawaŋgöra göŋön ölop bauköm niŋgibanak.’

^m 17.28-29 Jen 18.20–19.25 ⁿ 17.33 Mat 10.39; 16.25; Mak 8.25; Luk 9.24; Jon 12.25

4“Mewö jiiga nalö köröpni mi möta andö qeba malökmö, könangep uruñan kewö jiyök, ‘Nöñön ambazip yeñgö keugöra gamuni qahö möta nani imbi-imbimala Anutugö jitni oñgitpilenbuköra keñgötñi qahö mötzal. 5Mewö maljalmö, malö kianñön mönö keu söksök pöndañ jim niñgiba kamakzawañgöra ölan nöhöiga ölop bauköm wañgibiga keuñi teköma. Qahö bauköm wañgibileñjak ewö, yaññön mönö qösösök kaiga qeriqerini mötpilenbuk.’ ”

6Kembunöñ kösohot mi mem teköba jiyök, “Jimtekötekö azi goñgoñan keu jiyöhi, mönö miangöra kezap ala könani mötmöriget. 7Anutunöñ ambazip nanñangöra möwölöhöm eñgiyöhi, yeññön sun gem asak bauköm eñgimapköra köulukögetka Anutunöñ mönö yeñgö keuñini kewöta jim teköi ölöwakñe. Bauköm eñgimangö jiba tañqañ qahö aka nalö qahö könjörari öñgöma. Mi qahöpmañhöp! 8Nöñön kewö jibi mötket: Anutunöñ mönö nalö kude köriiga keuñini kewöta jim teköi ölöwakñe. Wölañ bauköm eñgimakzapmö, mi töndup Suep gölmegö azi öññan liliñgöba kaba ambazip kewöt eñgimawi, nalö miangöreñ mötnarip öñni miwikñaima me qahöpto?” Mewö.

Farisi aka takis meme yetkö köulukñiri

9Ambazip tosatñan nanñinañgö mötket öñgöiga solanñi diñdini akzin jiba tosatñi mötketka eretñi ahök. Jisösnöñ i eñgeka dopkeu kun kewö jii mötket, 10“Azi yahötñan jöwöwöl jikenöñ öñgöba köuluköyohot. Kunöñ Farisi aka kunñan takis meme azia.

11“Farisi (Köna keugö kapañkölköl) yaññön kinda nanñök kewö köuluköyök, ‘O Anutu, ambazip tosatñan uruñini goñgiiga kalöpmaalöp aka sero yoñgorö ahakze, ni yeñgö dop qahö maljal me takis meme endu kinjawi, ni yañgö dop mewöyök qahö maljal. Miangöra saiwap jim gihizal. 12Nöñön sonda dop sömañi yahöt nenegö siñgi malakzal. Nöñön moneñ inapni pakpak mendeñda 10:nöhök mohok Anutugö buñaya qemakzal.’

13“Mewö köuluköyökmö, takis meme yaññön wañgömñi kunöñ kinda Suepnöñ eu umangö gamuñi möta böröñan jeñi esuhuba kewö köuluköyök, ‘O Anutu, siñgisöndok azi ni mönö ak kömum niñgiman.’ 14“Nöñön kewö jibi mötme: Yaññön mönö Anutugö jeñe solaniba miriñe liliñgöyökmö, Farisi (Köna keugö kapañkölköl) yaññön mewö qahö. Denike yeññön nanñini uruñini memba öñgömei, Anutunöñ mönö i körek memba et al eñgimapmö, kunñan nanñi uruñi memba etmawi, Anutunöñ mönö i memba öñgöba al wañgima.” Mewö.

Jisösnöñ nahönbörat kötuetköm eñgiyök.

Mat 19.13-15; Mak 10.13-16

15Ambazip tosatñan nahönbörat morömorö mewöyök eñguañgita Jisösnöñ böröñan eñgimisirimapköra yañgöreñ kaget. Kagetmö,

° 18.14 Mat 23.12; Luk 14.11

gwarek yejön mi eka jim qetal ak engiget. ¹⁶Mewö aketmö, Jisösnön nahönbörat mi köl öröm engii kagetka kewö jiyök, “Nahönbörat moröñi mi ölop engömosötetka nöngörej kame. Anutunöñ ambazip mewö mia bemtohoñi buña qem engima. Mianğöra i kude jöhöm engime. ¹⁷Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem angumawi, yañön mönö mianğö uruñe angotmamgö osima.” Mewö.

Jisösnön azi pomñi kungö qambañ keu jiyök.

Mat 19.16-30; Mak 10.17-31

¹⁸Galömkölköl azi kunñan Jisösgörej kaba kewö qesim wañgiyök, “Böhi ölöpnji, nöñön mönö denöwö aka malmal köhöikñangö buña qem angubileñak?”

¹⁹Qesim wañgiiga kewö jii mörök, “Gi nöngöra ‘Böhi ölöpnji’, mi wuanöngöra jizan? Anutu mohotñan ölöpnji akza. Azi kunñan i ewö ölöpnji qahö akza. ²⁰Gi jöjopañ keu ki möt teközan, ‘Sero yoñgorö kude akñan, Ambazip kun kude qenöñ kömuma, Yoñgorö kude meman, Jitnön alal keu kude jiman, Iwinamgi mönö göda qem etkimakñan.’ ”

²¹Mewö jiyökmö, galömkölköl azinöñ kewö jiyök, “Mi pakpak mönö gwaböneyök tem köla mala kotzal.” ²²Jii Jisösnön möta kewö jii mörök, “Mohot-kungöra kewö osizan. Gi mönö anda sukinapki pakpak söñgöronji memegöra alnöñ moneñ kaiga meñdeñda ambazip wanapñi engiman. Mewö aknöñga sukinapki ketañi (guli masapu, milyön kina ewö) mi Suep mire ahöm gihima. Mewö aka ni nuatañgöba kaman.” ²³Mewö jiyökmö, azi mianñön kindiñbirik malöhañgöra aka keu mi möta wösöbirik aka jeñi asöliiga öne mosöta anök.

²⁴Wösöbirik ahöhi Jisösnön mi eka kewö jiyök, “Yei! Ambazip moneñ inapñinambuk yejön mönö Anutugö bemtohoñnön angotpingö lömböriba kupuk-kapak akñe. ²⁵Mi kewö jim tuarimam: Sömbup ketañi kamel mi kondi kinimñe ölop qahö angotma. Mianğö dop ambazip pomñi yejön Anutugö bemtohoñ uruñe angotpingö lömböriba qaköme.”

²⁶Keu mi jii mötkeri, yejön kewö jiget, “Opoñon! Ambazip dañön mönö Suepkö buñaya akawak?” ²⁷Mewö jigetka kewö meleñnök, “Ambazipnön mi esapköba osiba qakömakzemö, Anutunöñ mönö yuai pakpak ölop ahakza. Yañön yuai kun aka memamgö qahö osiba qakömakza.”

Jisösgö nup memegö töwañi

²⁸Pitönöñ keu mi möta meleñda kewö jiyök, “Mötnön, neñön mönö miri gölmenini mosöta gi guatañgöba kain.” ²⁹Mewö jiiga Jisösnön kewö

jii mötket, “Nöhön keu öljü kun kewö jibi mötme: Kunjan Anutugö bemtohoñangöra aka yuai kun mosöröhi, - mi miri gölmeñi, anöm-moröñi, darumunñi me iwinamñi - mi engömosöriga ³⁰ Anutunöñ mönö salupñe toroqeba oñgita likepñi melej wañgiiga mi gölmegö malmalnöñ mema aka malmal könañgepñe malmal köhöikñi teteköñi qahö buña qem añguma.”

Jisösnöñ kömumamgö keuñi jiiga karöbut ahök.

Mat 20.17-19; Mak 10.32-34

³¹ Jisösnöñ gwarekurupñi 12 mi öröm eñgii kagetka kewö jiyök, “Mötket, nini Jerusalem öngöbin. Kezapqetok ambazipnöñ Suep gölmegö azi öljangöra keu pakpak ohogeri, mi mönö öljambuk ak teköma. ³² Kunöñ i mamalolo mem wañgiiga kian gawman yeñgö böröñine gema. Yeñön jijiwilit aka mepaiköba keu töhörej jim wañgiba söutkölap qeme. ³³ Söutkölap qeba ihilek wahijambuknöñ tauköm wañgiba qeget kömuma. Kömumba wehön karöbut aiga kömupnöhök wahötma.”

³⁴ Mewö jiyökmö, gwarek yeñön keu mi qahöpmahöp möt asariget. Keu jiyöhi, mi asa-asambötñe ahöiga mi qahö möt kutuget. Mewö.

Jisösnöñ jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöñ anda Jeriko mire dopdowiiga jegömöl azi kunjan nene moneñ wañgimegöra uleta köna jitñe tarök. ³⁶ Tariga ambazip kambu könanöñ oñgita angetka kourukñini möta “Wanat yuai asuhuza?” jiba qesim eñgiyök.

³⁷ Qesim eñgiiga kewö jiget, “Jisös, Nazaret azinöñ mönö könanöñ kaba gonñitmamgö akza.”

³⁸ Jigetka kewö qerök, “Jisös, Deiwidkö gwölönarökñi! Gi mönö ak-kömum niñgiman!”

³⁹ Mewö qeriga ambazip mutuk angeri, yeñön böc tatmapköra qetal wañgigetmö, yañön kapañ köla qet gigilahöyök, “Deiwidkö gwölönarökñi! Gi mönö ak-kömum niñgiman!”

⁴⁰ Qet gigilahöiga Jisösnöñ dörök ala kewö jim kutuyök, “I mönö böröñe memba nöñgöreñ kame.” Jiiga memba dowe kañgotketka kewö qesim wañgiyök,

⁴¹ “Alani! Gi mönö wani yuai ak gihimamgöra mötzan?” Qesim wañgiiga jiyök, “Kembu! Ni jeni kunbuk umamgöra mötza!”

⁴² Jiiga Jisösnöñ kewö jii mörök, “Mönö jegi unöñ. Mötnaripkan mönö mem ölöwak gihiza.”

⁴³ Mewö jiiga miangöreñök jeñi tohoiga törörök uba Anutu möpöseiba Jisös wuatangöba andöñe anök. Ambazip pakpak yeñön yuai mi eka Anutu möpöseiget. Mewö.

Zakiusnön uruñi meleşnök.

19 ¹Jisösnön Jeriko taonön kaṅgota kutuba anmamgö ahök. ²Miaṅgöreñ azi kun qetṅi Zakius malök. Yañön azi pomṅi aka takis meme yeṅgö jítjememeṅina malök. ³Yañön Jisösgö kaisoṅgolomṅi ekṅamgö ak waṅgiyökmö, azi töröptökṅaṅgöra ambazip kambu sutṅine kinda kököriba osiyök. ⁴“Jisösnön ki kaba neṅgoṅgitma,” jiget möta ekṅamgöra ösumök anda ambazip eṅgoṅgita sikamore ip^q qakṅe öṅgöba tarök. ⁵Tari Jisösnön miaṅgöreñ aṅgota jeṅan ui öṅgöi eka yaṅgöra kewö jiyök, “Zakius, gi mönö ösumök etnön. Ni merak göhö mire kabi mohotṅe tatpit.”

⁶Mewö jiiga ösumök eta söṅgaiba köl öröm waṅgiiga miriṅe anohot. ⁷Anohotka ambazip körekṅan mi eka irikuruk aka kewö jiget, “Mönö wuanöṅgöra siṅgisöndok azi mewöṅaṅgö mire öṅgöba tatza?”

⁸Mewö jigetmö, Zakiusnön ambazip sutṅine aukṅe wahöta kinda Kembugöra kewö jiyök, “Kembu mötnön, nöṅön ainemalukuni bibiṅe mendeṅda likeṅṅi ambazip wanapṅi yeṅgöra eṅgimam aka denike yeṅgöreñ öroyuai kun dop oṅgita tilipqilip aka waṅgirali, mi mönö ambemṅi 4:gö dop toroqeba meleşda eṅgimam.”

⁹Mewö jiiga Jisösnön yaṅgö könaṅaṅgöra kewö jiyök, “Anutunön merak miri kiaṅgö toṅi amöt qem waṅgii letotza. Yañön mewöyök Abrahamgö gwölönarökurupṅi yeṅgö sutṅine malja. ¹⁰“Suep gölmeṅö azi öṅṅan mönö ambazip sohogeri, mi jaruba amöt qem eṅgimamgöra aka erök.” Mewö.

Moneṅ esu 10 mendeṅda eṅgiyök, miaṅgö dopkeu.

Mat 25.14-30

¹¹Jisösnön kaba Jerusalem siti dopdowiba keuṅi jii ambazip mi mötkeri, yeñön kewö mötmöriget, “Anutugö bemtohoṅaṅgö öṅṅan zilaṅ asuhuma.” Mewö mötmörigerañgöra Jisösnön dopkeu kun kewö jiyök, ¹²“Azi qetbuṅañambuk kunṅan kewö jiyök, ‘Ni mirini mosöta kantri kunön körowen anbiga miaṅgöreñ ni kiṅ kembu kuṅgum niṅgigetka mala liliṅgöba kamam.’ ¹³Mewö gölme körowen anmamgö jiba nup aziurupṅi 10 eṅgoholi kagetka moneṅ esu 10 mendeṅda eṅgiba kewö jiyök, ‘Nöṅön anda mala biaṅ liliṅgöba kamam. Eṅön nalö sutṅe kiaṅgöreñ moneṅ kiaṅön kölköl-örörö nup memba mem sehime.’ ¹⁴Mewö jiba anökmö, könagesöurupṅan kazik ak waṅgiba kewö jiget, ‘Nini azi kiaṅön nanine azi kembu aka galöm köl neṅgimapkö töközin.’ Mewö jiba welen azi tosati melaim eṅgiget andöṅe anda buzup mi jiget mörök.

^q 19.4 Sikamore mi köwu ewöya, köṅṅi neneṅa. ^r 19.10 Mat 18.11 ^s 19.11-27 Mat 25.14-30

¹⁵“Mewö mörökmö, tündup kantri anök, miangörej yeñon i azi kembu kungum wañgigetka nanji prowinsnöj kunbuk lilingöba kayök. Kaba nup aziurupji monej esu engiyöhi, mi jiiga yangö jeñe kañgotket. Mohot mohot yeñon kölköl-örörö nup memba monej mem sehigetka dawik asuhuyöhi, mi kondelget ekñamgöra qesim engiyök. ¹⁶Nup azi mutukñan jeñe kañgota jiyök, ‘Kembu, nöñon monej esugi mem sehibiga toroqeba kunbuk esu 10 miwikñaijal.’

¹⁷“Mewö jiiga kewö jii mörök, ‘Mi ölop. Gi nup meme azi ölopñi. Gi yuai morörökñi memba mi kapañkapañ aka galöm köla malnönga sehiyök. Miangöra nöñon taon gölme 10 mindiriba göhö böröge albi yeñgö galömñina malman.’ ¹⁸Mewö jiiga nup azi alañan jeñe kañgota kewö jiyök, ‘Kembu, nöñon göhö monej esugi mem sehibiga toroqeba kunbuk esu 5 miwikñaijal.’ ¹⁹Mewö jiiga yangöra mewöyök kewö jii mörök, ‘Mi ölop. Nöñon taon gölme 5 mindiriba göhö böröge albi yeñgö galömñina malman.’

²⁰“Kunbuk kunñan kañgota jiyök, ‘Kembu eknöj. Göhö monej esugi ki. Mi oponöj esuhuba lolongöbi ahöyök. ²¹Göñon azi könöpñambuk akzanangöra aka göhöra keñgötñi möta malal. Gi nangak inap yuai köwenöj qahö alnöñi, mia tündup memamgö mörakzan. Gi nangak nene köñji qahö kömötñönga asuhuyöhi, miangö ölnji mi tündup yandiba memamgö mörakzan.’

²²“Mewö jiiga melenja kewö jim wañgiyök, ‘Gi nup azi bölñi. Nangak keu jizani, nöñon miangö dop kewöt gihiba likepñi melej gihimam. Ni azi könöpñambuk akzal. Nanak yuai köwenöj qahö ala mi memamgö mörakzal. Nanak nene köñji qahö kömöta miangö ölnji mi tündup yandiba memamgö mörakzal. Mi ölop möta malnöj. ²³Gi könani mewö mötagun mönö wuanöngöra monej esuni mi benknöj qahö alnönga qariyök. Mi kölköl-örörö nupñöj albanak ewö, miangö mönö sehiiga nöñon kaba suñambuk membilenjak.’

²⁴“Mewö jiba azi kösutje kingeri, mi kewö jii mötket, ‘Inini mönö yangö böröñeyök monej esuji mi wañgita esu 10 miwikñaiyöhi, i wañgime.’ ²⁵Jii möta kewö jiget, ‘Kembu, yangörej monej esu 10 mi lök ahöza!’ ²⁶“Mewö jigetka melenja jiyök, ‘Nöñon kewö jibi mötket: Ambazip yuai ahöm engizawi, yeñgöra körek mönö mi toroqem engigetka sehimapmö, kungörej yuai kun qahö ahözawi, morörökñi mia mönö mewöyök wañgitketka öne töhön malma.’ ²⁷Mewö jizalmö, kerökurupnan nöñon kiñ kembu aka galöm köl engimamgö tökögeri, i mönö enguawñgita kagetka engeka jim kutubi engugetka kömume.’ ” Mewö.

Jisösgöra köirañ kölgetka Jerusalem öngöyök.

Mat 21.1-11; Mak 11.1-11; Jon 12.12-19

²⁸Jisösnöj keu mi jim teköba mosöta Jerusalem sitinöj öngömamgöra mutuk anök. ²⁹Anda Betfage aka Betani miri yahöt

¹ 19.26 Mat 13.12; Mak 4.25; Luk 8.18

kösutjire kaba kundunji qetnji Oil ip kundunji qerakzei, miangörej öngöba gwarekyahötjni yahöt melaim etkiyök. Melaim etkimamgö aka ³⁰kewö jiyök, “Miri wösöjire tatzawi, mönö miangörej anmahot. Anda miangörej aŋgota doŋki moröni kösönöŋ jöhöget kinjawi, mi miwikŋaimahot. Doŋki mi dölökŋa, azi kunöŋ qakŋe qahö tatatŋa. Mi mönö pösata memba ki kamahot. ³¹Pösarohotka kunjan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’”

³²Mewö melaim etkiiga anda jiyöhaŋgö dop miwikŋaiyohot.

³³Miwikŋaiba doŋki moröni pösatpitkö ahotka toŋan jiget, “Hei! Doŋki moröni mi wanigöra pösatzahot?”

³⁴Jigetka kewö meleŋnohot, “Kembuniran miangöra osiza.” ³⁵Mewö jiba memba Jisösgörej kaba malukuŋini qeköba doŋki qakŋe tumbula jigetka Jisösnöŋ öngöba tarök. ³⁶Mewö tata aniga ambazip kambu yeŋön göda qeba opo malukuŋini qeköba köna namŋe tumbulget.

³⁷Tumbulgetka anda Jerusalem dopdowiba Oil ip kundunjaŋgö sörokŋe geiga gwarek kambu pakpak yeŋön könahiba söŋgaiba aŋgöletot pakpak kukösum qakŋe mei ekeri, miengöra qet ketani qeta Anutu möpöseim waŋgiba ³⁸“kewö jiba qetket, “Anutu möpöseizin. Kiŋ Kembangö qetŋe kamawi, Anutunöŋ mönö i kötuetköma. Luaigi aka qetbuŋagi möpöseininga Suepnöŋ euyangörej öngöza. Owe owe!”

³⁹Mewö qetketka Farisi (Köna keugö kapaŋkölköl) tosatŋan ambazip kambu sutjine kinda kewö jim waŋgiget, “Böhi, mönö gwarekurupki jim eŋginöŋ.” ⁴⁰Mewö jim waŋgigetka kewö meleŋnök, “Nöŋön kewö jibi mötme: Yeŋön göröŋ kinbeak ewö, köt yeŋön mönö silata qetpeak.” Mewö.

Jisösnöŋ Jerusalem sitigöra sahörök.

⁴¹Jisösnöŋ Jerusalem dopdowiba siti mi eka sahörök. ⁴²Sahöta kewö jiyök, “Eŋgörej luai denöwö ahubawak! Injini miangö könaŋi wehön kiangörej möt kutugetka dop kölbawakmö, nalö kewöŋe mi yeŋini qahö tohozawaŋgöra aka tölapŋe ahöza. ⁴³Miangö könaŋi kewö: Nalö kun kam kuŋgumawi, miangörej kerök yeŋön kaŋgota kiripo köhöikŋan siti ki kuŋgum liliköba likeplikep eu emu kinda gwan ala kahasililiŋ ak eŋgime. ⁴⁴Anutunöŋ mesohol köla eŋgoholiga injini nalö bohonji mi qahö möt kutuba nesampurek aka Anutu andö qeba laŋ mala kotzei, miangöra kerök yeŋön köndenmönden eŋgigetka mirigö köt kun mi köt kuŋgö qakŋe qahö kinmapmö, siti kianöŋ mönö qeqelanlaŋ ahöma. Yeŋön jike miriŋini köndenŋa moröurupjini siti uruŋe maljei, mi eŋgum ureime.” Mewö.

^u 19.38 Sum 118.26

Jisösnöŋ jöwöwöl jike jim kömbuhiyök.
Mat 21.12-17; Mak 11.15-19; Jon 2.13-22

⁴⁵Jisösnöŋ keu mi jim teköba jöwöwöl jikegö tohoŋ uruŋe anda inap bohoŋŋi memegöra algeri, mi könahiba közöl enŋiiga etket. ⁴⁶“Közöl enŋiba kewö jii mötket, “Aisaiänöŋ keu kun kewö ohoi ahöza, ‘Nöŋgö jikenan mönö köulukö miriŋina akŋa.’ Keu mi ahözapmö, inŋini mi utekögetka kegwek-kahasililiŋ yeŋgö baŋet ewö akza.”

⁴⁷“Jisösnöŋ nalö dop jöwöwöl jikenöŋ öŋgöba Buŋa keu kusum enŋiba malök. Mewö malökmö, jike nup galöm aka Köna keugö böhi yeŋön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?” ⁴⁸Mewö jigetmö, ambazip kambu pakpak mieŋön yambuk qekötahöba Buŋaŋi kezap ala mötket. Miaŋgöra “Mönö denöwö akinak?” jiba köna kun qahö miwikŋaiget. Mewö.

Jitŋememe yeŋön Jisösgö kukösumŋaŋgö qesiget.
Mat 21.23-27; Mak 11.27-33

20 ¹Jisösnöŋ jöwöwöl jikenöŋ öŋgöba ambazip kambu kusum enŋiba Ölöwak Buŋa jim asarim enŋiba malök. Nalö kunöŋ mewö aiga jike nup galöm aka Köna keugö böhi yeŋön kantrigö jitŋememe tosatŋi yembuk Jisösgö jeŋe kaŋgotket. ²Kaŋgota kewö qesim waŋgiget, “Gi kiaŋgöreŋ yuai akzani, mi mönö daŋön jim kutum gihiiga ahakzan? Miaŋgö kukösumŋi mi daŋön gihiyök? Mi jinöŋga mötpin.”

³Qesim waŋgigetka kewö meleŋ enŋiyök, “Nöŋön mewöyök qesim enŋibi mi jiget mötmam. ⁴Jonöŋ ambazip o-melun mem enŋiba malöhi, yaŋön miaŋgö kukösumŋi mi denikeyök meyök? Suep Toŋan waŋgiyök me gölme toŋan waŋgiget?”

⁵Mewö meleŋ enŋiiga sutŋine eraum möta kewö jiget, “ ‘Kukösumŋan Suepnöhök asuhuyök,’ mewö jibin ewö, yaŋön mönö kewö jima, ‘Mewö aiga inŋini i mönö wuanöŋgöra qahö möt narim waŋgiget? Mi qahö dop kölja.’ ⁶Könagesö pakpak yeŋön Jongöra ‘Kezapqetok azia akza,’ jiba mi köhöikŋanök möt nariba malje. Miaŋgöra ‘Gölme ambazipnöhök asuhuyök,’ jibin ewö, yeŋön mönö irimŋini seholiiga kötnöŋ nengume.” ⁷Keu mewö kewöta kewö melenget, “Kukösumŋan denikeyök ahuyöhi, nini mi qahö mötzin.”

⁸Mewö melengetka Jisösnöŋ kewö jii mötket, “Mewö aiga nöŋön mewöyök yuai ki ahakzalaŋgö kukösumŋi daŋön niŋguyök, mi qahö jibi mötme.” Mewö.

† 19.46 Ais 56.7; Jer 7.11 * 19.47 Luk 21.37

Wain kösö nup galöm bölöni, miengö dopkeu

Mat 21.33-46; Mak 12.1-12

⁹*Jisösnöñ könahiba ambazip dopkeunöñ kewö jii mötket, “Azi kunjan wain kösö nup köla kömörök. Köl kömöta nup galöm tosatñi miwikñaim engiba jiiga nupñi memba ölnangö bahöñi nanjini memba bahöñi tonji wangimegöra böröñine alök. Böröñine ala engömosöta kantri kunöñ anda nalö köröpñi malök.

¹⁰“Mala mali ölni öliyöhangö nalöñi (yambu 5) töriiga miangörej welenqeqeñi kun melaim wanggiiga galöm yengörej anda wain nup ölnangö bahöñi wangimegöra jiyök. Jiyökmö, nup galöm yeñön i kömbinöñ qeba wuatangögetka böröñi börak lilingöyök. ¹¹Miangö andöñe welenazi kun melaim wanggiiga anökmö, i mewöyök kömbinöñ qeba gamu qem wangiba wuatangögetka böröñi börak lilingöyök. ¹²Lilingöiga nup toñan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³“Mewö aketka wain nup toñan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’ ¹⁴Mewö jiba nahönñi melaiiga anökmö, wain nup galöm yeñön i eka sutñine kewö eraum möta jiget, ‘Yañön mönö börösamotñangö tonji akña. Ayop, i mönö qein kömuiga wain kösö nup kianön mönö nanine buñanina akña.’ ¹⁵Mewö jiba gilgetka nup yaigepñe geiga qeget kömuyök. Wain nup toñan mi möta mönö denöwö ak engima?

¹⁶Yañön mönö nanjak kaba nup galöm mi köndej engima aka nup galöm dölökñi miwikñaim engiba wain kösö nupñi yengö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!” ¹⁷Jigetmö, Jisösnöñ i törörök engeka kinda kewö jiyök, “Buña Kimbigö keu kun kewö ahöza,

‘Miri meme yeñön köt tandö kun andö qeba öne mosötket taröhi, miañön mönö tandö kömbönañi aiga miwikñaiget.

Miañön tinjiriga mirinöñ mönö gororongöba eta kölma.’ Keu miangö könañi denöwö?

¹⁸Miangöra kewö jibi: Kunjan tandö bohönñi miangörej tötöngata eta qemawi, mi mönö silenji kutumutumapmö, ain tandö miañön jöla tala kungö qakñe eta kölmawi, mi mönö körek qözömöz zamgöma.”

¹⁹Jisösnöñ mewö jiiga Köna keugö böhi aka jike nup galöm yeñön keu miangö könañi möt asariba kewö jiget, “Dopkeu mi mönö nengöra jiza.” Miangöra i nalö miangörejök memba jöhöbingö mötketmö, ambazip kambu yengöra kenjötñini möta osiget. Mewö.

* 20.9 Ais 5.1 † 20.17 Sum 118.22

Takis alalgö Jisös esapköm waŋgiget.

Mat 22.15-22; Mak 12.13-17

²⁰ Juda jitnememe yeŋön Jisösgö jegalöm meget. Mewö memba keunji kun qiwitipköi keugö bötaknöŋ öröi gwaröhöm waŋgimegöra aka azi tosatŋi melaim engiget yaŋgöreŋ kaget. Opotöröp aka premiö yeŋgö böröŋine al waŋgibingö möta Buŋa keu ölopŋi jiji tandök aka qesiba keuŋaŋgö kezap alget.

²¹ Areŋ mewö ala qesiba kewö jiget, “Böhi, nini göhö könagi mötzin. Göŋön keu diŋdiŋi jiba kusum neŋgimakzan. Göŋön ambazip tosatŋi qahö eŋgek soriba tosatŋi qahö qepureim eŋgimakzanmö, dop mohotnöŋ kewöt neŋgimakzan. Mewö aka Anutugöreŋ köna mi keu ölnaŋgö dop kusum neŋgimakzan. ²² Miaŋgöra nini sisa-kiŋgöra takis ala miaŋön Mosesgö Köna keu siŋgibin me qahö?”

²³ Mewö jigetmö, Jisösnöŋ isimkakalek areŋini möt kutuba kewö jii mötket, ²⁴ “Ölop silwö moneŋ (Kina 5) kun kondel niŋgigetka eki. Dagöreŋ imut aka qet mi miaŋgöreŋ ohoget ahöza?” “O, mi sisa-kiŋgöreŋ,” mewö meleŋda jiget.

²⁵ Jigetka kewö jii mötket, “Mewö aiga yuai sisa-kiŋgö imutŋambuk buŋaŋi akzawi, mi mönö yaŋgöra al waŋgime. Yuai kun Anutugö buŋaya akzawi, mi mönö Anutugö buŋa qeme.” ²⁶ Jisösnöŋ mewö jiyöhaŋgöra ambazip kambu yeŋgö jeŋine keugö bötaknöŋ al waŋgibingö osiba keuŋaŋgöra welipköba keu bök kinget. Mewö.

Kömupnöhök wahötwahötkö Jisös esapköm waŋgiget.

Mat 22.23-33; Mak 12.18-27

^{27z} Sadyusi böhi pati yeŋön “Kömugeri, yeŋön kude wahötmé,” jiba malget. Yeŋgöreŋök tosatŋan Jisösgö jeŋe kaŋgota kewö qesim waŋgiba ²⁸ “jiget, “Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan ölop malöŋi memba mala gwölönarök qiwikŋaim waŋgiiga datŋaŋgö qet bisiba malma.’

²⁹ “Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ³⁰ Kömuiga munŋan malöŋi mi meyök. ³¹ Miaŋgö andöŋe munŋi kunŋan ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ³² Kömugetka tekögetka qöndökŋi malöŋini mi mewöyök kömuyök. ³³ Göŋön ‘Kömugeri yeŋön guliba wahötmé,’ jizänmö, nini mi qahö möt narizin. Mötnöŋ, azi 7 pakpak mi öröröŋ wahötpeak ewö, ambi mohok mi anömŋina meget malöhaŋgöra aka mönö dagö anömŋa akawak?”

^z 20.27 Apo 23.8 ^a 20.28 Dut 25.5

³⁴Mewö jigetka Jisösnöŋ kewö meleşnök, “Nalö kewöŋe gölme kiangörej ambazip awanöm aka malahakze. ³⁵Mi malahakzemö, ambazip uruŋini meleşgetka Anutunöŋ eka möri dop köliga kömupnöhök wahöta miri gölme kun euyangörej aŋgota malmei, yeŋön miangörej qahö amime.

³⁶“Miangö könari kewö: Mötnari ambazip guliba kömupnöhök wahötmei, yeŋön Anutugö nahönböraturuŋi akze. Yeŋön Suep garata tandök ewö aka kunbuk qahö kömumemö, teteköŋi qahö mal öŋgöme. ³⁷^bMötket! Kömugeri, yeŋön guliba wahötmegö keuŋi mi Mosesnöŋ mewöyök nangöba jiyök. Ip köhösnöŋ könöp bölam ahuba qahö jem kutuyöhi, yeŋön mi eka kösohotŋi ohoi miangörej keu kewö ahöza, ‘Nöŋön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ ³⁸Isik bömöŋ karöbut yeŋön Anutubuk mala mal köhöiba öŋgöme. Körek köhöiba maljei, yeŋön mönö malmalŋini Anutugöra malje. Miangöra Anutunöŋ köhömuŋi yeŋö Kembuŋini qahöpmö, malmal köhöikŋi maljei, mönö yeŋö Kembuŋina akza.”

³⁹Jisösnöŋ mewö meleşniga Köna keugö böhi tosatŋan meleşda kewö jiget, “Böhi, mi törörök jizan.” ⁴⁰Mewö jiba keu kun kunbuk qesim waŋgibingö kölköldömdöm aka mosötket. Mewö.

Kraist mi kiŋ Deiwidkö Kembuŋi aka gwölönarökŋi.

Mat 22.41-46; Mak 12.35-37

⁴¹Jisösnöŋ keu kun kewö jii mötket, “Kraistnöŋ Kiŋ Deiwidkö gwölönarökŋi akzawi, tosatŋan keu mi denöwögöra jimakze?

⁴²‘Deiwidnöŋ nanŋak keu kewö jiiga Sumbara (Buŋa liŋet, sam) Kimbinöŋ ahöza,

‘Anutunöŋ kinda nöŋgö Kembuni kewö jii mörök, Göŋön mönö kaba nöŋgö böroni ölŋe tatnöŋga

⁴³ nöŋön nalö sutŋe kerökurupki tim tötala luhut al eŋgiba göhö köna tambö gwaröŋe al eŋgimam.

Nalö mi kam kuŋgumawaŋgö dop mönö asakmararaŋnöŋ ki tatman.’

⁴⁴Deiwidnöŋ mewö jiba qetŋi ‘Nöŋgö Kembuni’ jiza. ‘Kembuni’ jiba mönö denöwö aka waŋgö gwölönarökŋi mohot akawak?” Mewö.

Urumeleŋgö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵Jisösnöŋ gwarekurupŋi yeŋgöra keu kewö jiiga ambazip kambu pakpak mi mötket, ⁴⁶“Köna keugö böhi yeŋgöra mönö galömŋini memba malme. Yeŋön maluku köröpŋi löŋgöta anda kaba kondel aŋgubingö

^b 20.37 Eks 3.6 ^c 20.42-43 Sum 110.1

mörakze. Maketnönj me könanönj ambazip engeketa jölönjini jimegö mörakze. Mewöyök köuluk mire qaikje eu tatpingö sihimñi mörakze aka közölömbuanñönj dum tatat mutukje jegep tatpingö mörakze. ⁴⁷Yeñön malö yeñgöreñ miri yuai bidanña gagabe köla enguanñirakze aka qetbuñanñini asuhumapköra köuluk köröpnji köuluköba töptöpnjine qemakze. Mianğöra Anutunönj keunñini jim teköba likepnji öngöngöñi melejñi qakñine öngöma.” Mewö.

Ambi malö kunñan naluk kötin ölnj alök.

Mak 12.41-44

21 ¹Jisösnönj kinda ui ani ambazip pomñi yeñön nalukñini mi naluk dundumñe alget geyök. ²Alget geiga ambi malö wanapñi kunñan kaba souje kötnji pisikñi yahöt ali geyöhi, mi mewöyök ehök. ³Mi eka kewö jiyök, “Nöñön keu ölnji kun kewö jibi mötket: Malö wanapñi kianñön naluk aljawi, mi mönö tosatñi pakpak enğongita alja. ⁴Mianğö könanñi kewö: Körek yeñön moneñ ketanñi ahöm enğiiga kitipñanöhök aljemö, ambi kianñön köruebörue maljawanğö dop yuaiñi pakpak al teköba öne töhön malma.” Mewö.

Jöwöwöl jikenönj köndenmöndej asuhuma.

Mat 24.1-2; Mak 13.1-2

⁵Jerusalem jöwöwöl jike mi köt eksihimñambuk aka kalemñi kalemñi Anutugöra algeri, mianñön meñölögetka aködammunñambuk ahöyök, gwarek tosatñan mi eka eraum mötketka Jisösnönj keu kewö jii mötket, ⁶“Miri ki engekzei, mi mönö köndengetka mirigö köt kun mi köt kungö qakje qahö ahömapmö, qeqelañlan aka sahopñanök ahöma.”

Kahasililij aka sesewerowero asuhuma.

Mat 24.3-14; Mak 13.3-13

⁷Mewö jiiga möta qesim wanğiget, “Böhi, keu jizani, mianğö ölnji mönö wanat nalönönj asuhum tinğitma aka asuhumamgö akñawi, mianğö aiwesökñan mönö denöwö asuhuma?”

⁸Qesim wanğigetka kewö jiyök, “Kunñan isimkakalek aiga janñun anbeupköra mönö galömñini memba malme. Ambazip gwötpukñan asuhuba nöngö qetne kewö jime, ‘Nöñön Kraist akzal,’ aka, ‘Nalönön mönö töriza.’ Mewö jimemö, enñön mönö yeñgö andönjine kude anme. ⁹Yarö aka karimñi karimñi asuhugetka ötönjini mötmemö, jönömñini kude unduma. Yuai mi mutuhök asuhumapkö jijiña. Mi asuhumapmö, gölmegö nalöñan mönö mianğöreñök zilañ qahö teköma.”

¹⁰Mewö jiba toroqeba kewö jii mötket, “Kantri kunönj kantri kun enğubingöra wahötme. Ambazip kambu kunönj kambu kun yembuk arönj anğubingöra wahötme. ¹¹Gölmeñi gölmeñi mianğöreñ kenönj ketanñi

ketaŋi qözöla memba gölme meleşni gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Kawöl köhöikŋi köhöikŋi mieŋön asuhetka sesegilgil kömumakŋe. Suepnöŋ aiwesök ketaŋi jemurutŋi murutŋi engeka keŋgöt kotkot akŋe.” Mewö.

Ölöwak Buŋagöra kerök asuhuma.

Mat 24.9-14; Mak 13.9-13

¹²“Yuai pakpak mi asuhumemö, mutuk qeljiŋe tosatŋan iŋini uruŋini melenŋeraŋgöra aka enŋömembra jöhöba sesewerowero ak enŋime. Tosatŋan öröm enŋiba köuluk miriŋine keu nupŋini memba jim tekögetka kösö miriŋi miriŋi miangöreŋ al enŋime. Tosatŋan nöŋgö qetnaŋgöra aka enŋuaŋgitketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. ¹³Mewö kinda nöŋgö könaŋamni naŋgöba jigetka mötme. ¹⁴“Keu jakeŋe al enŋigetka kinmei, nalö miangöreŋ keu denöwö jibinak, miangö waimanŋatŋi qeljiŋe kude mötme. Keu mi mönö urukönömŋine algetka ahöma.

¹⁵“Mi kewögöra: Nöŋön embuk kinda mötkutukutu enŋiba numbuŋini mem amqemam. Uruawamŋanök malgetka tuarenjoŋurupŋini yeŋgöreŋök kunŋan mötkutukutu mi qetala keuŋini qeapköba memba et al enŋibingö osima. ¹⁶Nanŋini iwinam, darumun, tinitosolom aka alaurupŋini yeŋön mewöyök aŋgönaŋ mem enŋigetka enŋöreŋök tosatŋi enŋugetka kömume. ¹⁷Kantri pakpak yeŋön nöŋgö qetnaŋgöra aka kazik ak enŋigetka malme.

¹⁸“Mewö malmemö, nöŋön köyan köl enŋibi nööröŋinaŋgö juŋŋi kunŋan qahö sohoma. ¹⁹Iŋini kapaŋ köla köhöiba böŋ qeba kinda miangön mönö luhut ala oyaenŋkoyaen malmal buŋa qem aŋgume.” Mewö.

Jerusalem sitigö köndeŋmöndeŋ uru-önönŋambuk

Mat 24.15-21; Mak 13.14-19

²⁰“Könaŋgep yarö kambu yeŋön kaŋgota Jerusalem siti liliköba gwan almei, iŋini mi eka miangöreŋ kewö mötmörime, ‘Siti bohonŋi köndeŋmöndeŋmegö nalöŋan mönö kam kuŋguza.’ ²¹Nalö miangöreŋ Judia prowinsnöŋ malmei, enŋön mönö misinŋöba öröba kunduje anme. Sitiŋöŋ malmei, enŋön mönö siti mosötme. Siti yaigepŋe mire malmei, enŋön mönö sitiŋöŋ kude anme.

²²“Mi kewögöra: Buŋa Kimbinöŋ kezapqetok keu ohoget ahözawi, mi pakpak mönö öŋŋambuk akŋa. Keu miangö dop Anutunöŋ nalö miangöreŋ siŋgisöndokŋinaŋgö likeŋŋi meleşda qakŋine ali öŋgöma. ²³Anutunöŋ Israel könagesö siŋgisöndokŋinaŋgöra irimŋi seholiiga kazikŋi kondel enŋiiga gölmenöŋ kahasililiŋ keta bölökŋi asuhuma.

^d 21.14-15 Luk 12.11-12 ^e 21.22 Hos 9.7

Ambi gölömbuk aka morö juzunöj yejön mönö nalö miangörej denöwö ösumñinan anbeak? Miangöra Ye! jizal.

24 “Köndejmöndej miangörej ambazip tosatñi mi bimgö sou ketajan enjgugetka kömume. Tosatñi kösö gwaröhöm engiba enjguangitketka kantri pakpak yejgö sutñine aņgotme. Aņgotketka kian kantri yejön kaņgota Jerusalem tiangöba malme. Mewö malgetka Anutunöj nalöñini tohot qei tatzawi, mianjön kam kuņguiga mosötme.” Mewö.

Suep gölmegö azi öljän mönö asuhum tiņgitma.

Mat 24.29-31; Mak 13.24-27

25^f “Wehön aka köij jeñire aka sengelau miangörej aiwesök murutñi murutñi asuhume. Köwetnöj siri qegetka ötöj ketañi ahumakzawaņgöra gölmegö kantri pakpak yejön tötbörömñini kaiga wahöjaliņ möta malme. 26 Mewö malgetka suepnöj uturuköiga miangö öroyuaiñi mi tatatñini mosöta eņololon aketka sohoma. Miangöra gölmeñi gölmeñi miangörej lömböt bölöñi kötökñi asuhumapköra mamböt-torok mala keņgötñini möta uruñini duhuiga jegilgil akņe.

27^g “Nalö miangörej Suep gölmegö azi öljä yejön kousu qakņe kaņgori ekņe. Kukösumñi ketajan saköl-diņdiņambuk aukņe asuhuiga asakmararañi ekņe. 28 Mewö kaņgotmapmö, yuai mi könahiba asuhumei, eņön mönö nalö miangörej Suepnöj öņgöbingö nalöñinan törimawaņgöra nöropñini uba wahöta uruñini qezaköba awösamkakak kinme.” Mewö.

Geröp ipkö dopkeu

Mat 24.32-35; Mak 13.28-31

29 Jisösnöj dopkeu kun kewö jii mötket, “Iñini geröp aka ip tosatñi mi eka tandökñini mötme. 30 Ip mi sinñan yoņgoigetka mi eka miangö könañi nanñinak möt asariba kewö jimakze, ‘Wehön nalöñan lök dopdowiza.’ 31 Eņön mewöñanök keu jizali, miangö öljän asuhuiga eka möt asariba könañi kewö jime, ‘Anutugö bemtohoñan mönö dopdowiza.’

32 “Nöñön keu öljä kun kewö jibi mötket: Ambazip merak gölmeñöj maljei, yejön qahö kömugetka yuai pakpak jizali, mi mönö yejgö malmal nalöñine asuhuma. 33 Suep gölmeñöj göröj qemahotmö, nöņgö Buņa keunan mönö qahö ayapköma.” Mewö.

Urugwölö mosöta köhömuñi malbinbuk.

Mat 24.42-44; Mak 13.33-37

34-35 “Nalö ketañi mianjön ambazip körek gölmeñöj maljei, yejgö qakñine mewö asuhuma. Miangöra mianjön wölaņök kaba simba ewö

^f 21.25 Ais 13.10; Eze 32.7; Joel 2.31; Ind 6.12-13 ^g 21.27 Dan 7.13; Ind 1.7

qeraköm enġibapuk. Mianġöra gölmenöj malmalgö waimanjatjan qakņine öngöiga közölömbuaņ ala o köhöikņi negetka eņololoņ aiga uruņinan lömböribapuköra mönö galömjini mem aņguba malme.

³⁶“Mianġöra mönö nalö dop uruġwölö mala köululuköba malme. Mewö malgetka ösum enġiiga yuai pakpak mi asuhumawi, mianġö uruņeyök kök ala mönö Suep gölmegö azi ölnaņġö jemesoholņe awösamkakak kinme.” Mewö.

³⁷^hNalö mianġörej Jisösnöj wehön dop jöwöwöl jikenöj kinda Buņa kusum enġiiga miri mare aiga mosöta kunduņi qetņi Oil ip kunduņi qerakzini, mianġörej öngöba ahömalök. ³⁸Mewö maliga ambazip kambu pakpak yeņön wehön dop söņanök jöwöwöl jikenöj öngöba Buņaņi jii mötpingöra yaņġörej kamalget. Mewö.

Jisös qein kömumapkö aņġönaņ alget.

Mat 26.1-5; Mak 14.1-2; Jon 11.45-53

22 ¹Mewö malgetmö, beret yistņi qahö mianġö sösoņġainņi, qetņi kun Pasowa kendon jimakzin, mi töriyök.^j ²Töriiga mianġörej jike nup galöm aka Köna keuġö böhi yeņön ambazip kambu yeņġö keņġötņini mötkeņaņġöra aka nanņinök tokoba “Denöwö ahinga qeget kömumbawak,” jiba köna jaruba mötmöriġet.

Judasnöj Jisös mamalolo mem waņġimamġö urumohok ahök.

Mat 26.14-16; Mak 14.10-11

³Nalö mianġörej Satanöj Judasġö uruņe geyök. Judas mi Jisösgö gwarekurupņi 12 yeņġörejök kun. Kariot mireyök kayöhaņġöra qetņi kun Iskariot qetket. ⁴Yaņön jike nup galöm aka jikeġö kiripo galöm bohonņi yeņġörej anda Jisös mamalolo memba böroņine almamġö keuņi jiyök. ⁵Yeņön mi möta “Ayop!” jiba uruņinan ölöwahiga söņġöroņi moneņ waņġibingö keu jöhöget. ⁶Keu jöhögetka Judasnöj Jisös ölöņ mamalolo memba böroņine almamġö köna möt jaruba köiņbingöba malök. Mewö.

Jisösnöj gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷Beret yistņi qahö mianġö kendon silim kunöj Pasowa lama qeba ohozema. Nalö mianöņ kam kuņġuyök. ⁸Jisösnöj Pitö aka Jon kewö jiba melaim etkiyök, “Inņiri anda Pasowa lama mözözmöġyohotka nembin.”

⁹Mewö jiiga qesim waņġiyohot, “Mi denikeaņġörej anda mözözmöġöbit?”

¹⁰Qesim waņġiyohotka kewö meleņnök, “Mörohot! Inņiri sitinöj aņġorohotka azi kun o kimbut kunduta kaiga miwikņaimahot. Miwikņaiġa i wuatāņġöba

^h 21.37 Luk 19.47 ⁱ 22.1 Eks 12.1-27 ^j 22.1 Pasowa mi nanine keunöj neņġehoriba neņġöņġirök. Eksodus 12.15

anda mire öngömawi, miangörej öngömahot. ¹¹ Öngöba miri tonji kewö jiyohot mötma, ‘Böhinöj göhöra jiza: Ala mirigi denike? Nenjon ölop miangö uruje kaba gwarekurupni yembuk Pasowa lama nembin?’ ¹² Mewö jiyohotka möta miri qakne eu öngöba uruji ketanji kun kondel etkima. Miangörej dum tatat yuai mözözömgöget ahöza. Mi kondel etkiga miangörej lama qeba ohomahot.”

¹³ Mewö jii anda Jisösnöj keu jiyöhi, miangö dop miwikñaiba kinda lama qeba ohom mözözömgöyohot. Mewö.

Kembubuk semön qöndökni neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöjan kaiga Jisösnöj aposolurupji yembuk nene nemingö eta tatket. ¹⁵ Tatketka kewö jii mötket, “Nöjön Pasowa lama ki embuk nemingö gwötpuk ak niñgiba malök. Nene ki nembagun mönö sihimbölö mötmam. Miangö nalöjan töriza. ¹⁶ Mi törizawañgöra kewö jibi mötket: Nöjön Pasowa lama kiangörej kun toroqeba qahö nemam. Könangep nene semön kiangö öljän aukne asuhumawi, mi Anutugörej bemtohoj uruje euyangörej nemam.”

¹⁷ Mewö jiba wain qambi memba kötuatköba kewö jiyök, “Mönö ki memba nanjinak anguba neme. ¹⁸ Nöjön kewö jibi mötket: Ni wain kösögö öljä kiangörej kunbuk toroqeba qahö nemam. Kunbuk nemami, mi Anutugörej bemtohoj asuhum teköiga miangörej nemam.”

¹⁹ Mewö jiba beret memba kötuatköba mindipköba engiba kewö jiyök, “Ki nani busuni. Ki engöra aka tököm engizal. Nemba ni mötmörim niñgiba malme.” ²⁰ ^k Mi engii negetka mewöñanök wain qambi memba kewö jiyök, “Qambi ki mi jöhöjöhö arej dölökni akza. Nöjön amöt qem engimangöra aka sepni mokoba kömumam. Sep miañön mönö Anutugörej jöhöjöhö areji mem köhöima.

²¹ ^l “Mewö akzapmö, mötket, mamalolo mem niñgimawañön mönö mohotje ki nene memba tatzit. ²² Öljä, Anutunöj jim kutuyöhi, Suep gölmegö azi öljän mönö miangö dop gölme mosöta anma. Anmapmö, mamalolo mem wañgimawi, wañgöra mönö wöziköba ‘Ye!’ jizal. Anutunöj mönö likepni öngöngöni melej wañgima.”

²³ Mewö jiiga gwarekurupjan könahiba sutñine eraum qesim anguba jiget, “Nengörejök mönö danjon mamalolo mem wañgibawak?” Mewö.

Gwarek yeñön sutñine goranora aket.

Mat 20.25-27; Mak 10.42-44

²⁴ ^m “Gwarek nengörejök galöm bohonji mi danjon akza?” mewö jigetka miangöra mewöyök sutñine goranora asuhuyök. ²⁵ ⁿ Mi asuhuiga Jisösnöj kewö

^k 22.20 Jer 31.31-34 ^l 22.21 Sum 41.9 ^m 22.24 Mat 18.1; Mak 9.34; Luk 9.46

ⁿ 22.25-26 Mat 20.25-27; Mak 10.42-44

jii mötket, “Gölmegö kantriji kantriji miengö kiñinan mönö azi kembu tandök aka galöm köl engimakze. Yengö pom jembonñinan mönö keu jim kutuba könagesöñjini mindiñgöm engigetka welenñjini qeba ‘Azi ölöñji!’ jiba möpöseim engimakze. ²⁶°Mewö ahakzemö, eñön miangö dop kude akñe. Engö sutñjine kunñan ketañamñjini akzawañön mönö eretñangö dop aka malma. Galöm bohonñan mönö welenqege ewö aka malma.

²⁷°“Kunöñ tata nene neiga kunñan nene köl wañgiba anda kamakzawi, yetköreñök öñgöñgöñi mi dañön? Öñña, ‘Tata nene nezawañön mönö öñgöñgöñi akza.’ Mewö jiget mörakzinmö, nöñön engö sutñjine welenqege ewö aka maljal.

²⁸°“Mewö malbi esapköm niñgigetka wahöjalinñ wahösömbu uruñe añgotpiga iñjini töndup kapañ köla nömbuk qekötahöba mala kotze. ²⁹°Iwinan jim kutum niñgiiga nöñön yangö bemtohoñi kukösum qakñe galöm kölakzal. Miangöra nöñön toroqeba jim kutum engibiga iñjini mewöyök kukösum qakñe ambazip kiñ ewö galöm köl engimakñe. ³⁰°“Miangöra iñjini ölöp nöñgö bemtohoñne añgota nene dumni liliköba tata o aka nene nemba malme aka azi kembu tatatnöñ tata Israel ambazip kambu 12 yengö keuñjini kewöta jim teköm engime.” Mewö.

Pitönöñ Jisös qañ kölmakpö jii mörök.

Mat 26.31-35; Mak 14.27-31; Jon 13.36-38

³¹°Jisösnöñ jiyök, “O Saimon Saimon! Mötnöñ! Kölkömöt azinöñ wit padi kötñi joutnöñ ala uturuköiga kamböñi deñda erakzawi, Satanöñ mönö miangö dop eñön löwöriba yangö böröñe gemegöra uturuköba esapesap al engimamgö kapañ köla jöjöröza. ³²°Jöjörözapmö, göhö mötnaripkan sörauba pömsöm qebapuköra nöñön göhöra köululuköba malal. Miangöra nalö kungen urugi melenñda nöñgöreñ kamani, miangöreñ mönö mötnarip alaurupki nañgöba mem köhöim engiman.”

³³°Mewö jiiga Saimonöñ melenñök, “Kembu, nöñön göbuk kösö mire anbitkö aka mohotñe kömumbitkö jöjöröba maljal.”

³⁴°Mewö jiyökmö, Jisösnöñ jii mörök, “Pitö, nöñön kewö jibi mötnöñ: Kuruknöñ merak qahö qeriga göñön mutuk ni möt niñgimamgö qañ kölnöñga indimñi karöbut akña.

Gösö aka bimgö sou ketañi miyök memba anme.

³⁵°Jisösnöñ gwarekurupñi kewö qesim engiyök, “Nöñön iñjini mutuk gösö qahö, moneñ gösö qahö, köna esu qahö mewö melaim engibi angeri, miangöreñ yuai kungöra osiget me qahö?” Qesim engiiga “Yuai kungöra qahö osiin,” jiget.

° 22.26 Mat 23.11; Mak 9.35 ° 22.27 Jon 13.12-15 ° 22.30 Mat 19.28 ° 22.35 Mat 10.9-10; Mak 6.8-9; Luk 9.3; 10.4

³⁶Jigetka kewö toroqeba jiyök, “Mutuk mewö aketmö, nalö kewöñe kungörej gösö aka moneñ gösö tuñi ahözawi, mi ölop memba tenğöba malma. Bimgö sou ketanji mi kungörej qahö ahöza, yañön mönö malukuñi bohonji memegöra ala moneñ miwikñaiba sou mi bohonji mema. ³⁷*Nöñön miañgöra kewö jibi mötket: Anutugö keu nöngöra jigeri, mi körek pakpak köhöim teköma. Miañgö nalöñan mönö kam kungumangö akza. Buña keu kun kewö ohoget ahöza, ‘Yañön bölöñi meme yeñgö kambuñine ahöma, jiget.’ Miañgöra jizal: Keu miañgö ölnji mi nöngörej asuhum teköma.”

³⁸Mewö jiiga gwarekurupñan jiget, “Kembu ekñöñ, bimgö sou ketanji yahöt ki ahözahot.” Mewö jigetka “Mi dop kölja,” jiba meleñ ençiyök. Mewö.

Jisösnöñ Gezemane arönöñ köuluköyök.

Mat 26.36-46; Mak 14.32-42

³⁹Jisösnöñ miri mosöta silikñi wuatangöba Oil ip kundunje öngöiga gwarekurupñan andöñe anget. ⁴⁰Öngöba miañgörej angota kewö jii mötket, “Esapesapnöñ et ençubapuköra mönö köuluk nup meme.”

⁴¹Mewö jiba ençömosöta köt gilin anakzawi, miañgö dop anda simin köla köuluköyök ⁴²Köuluköba kewö jiyök, “Iwini, göñön urusihimgi mötzan ewö, sihimbölögö qambinji kianön mönö nöngö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöngö sihimgö dop qahö.” ⁴³Mewö köuluköiga garata kunñan Suepnöhök asuhuba mem köhöim wañçiyök. ⁴⁴Mem köhöim wañçiiga köñjilinj öngöñgöñi möta mönö kapañ köla uruñi qezaköba köuluköyök. Köuluköiga nöngöpñi mi sep jöjöl ewö tiñgita gölmenöñ etket.

⁴⁵Köuluköm teköba wahöta gwarekurupñi yeñgörej anök. Anda miwikñaiba ençehi wösöbirikñöñ mem et ençii sörorauba gaun ahöget. ⁴⁶Ahögetka jiyök, “Mönö wuanöngöra gaunök ahöze? Mönö wahöta esapesapnöñ et ençubapuköra köuluköget.” Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷Jisösnöñ mewö jiba kiniga miañgörej azi kambu kañgotket. Gwarekurupñi 12 yeñgörejök kun qetñi Judas yañön jitñemem ençiba Jisösgörej kañgota numbuñi yöhötim neyök. ⁴⁸Yöhötim neyökmö, Jisösnöñ kewö jii mörök, “Judas, gi numbuni yöhötim nemba mewö miañön Sup gölmegö azi ölnji mamalolo mem wañçizan me?”

⁴⁹Mewö aiga tosatñan Jisös liliköm wañçiba kingeri yeñön yuai asuhumangö ahi mi eka jiget, “Kembu, nini bimgö sou ketanjan ençuin

* 22.37 Ais 53.12

me?”⁵⁰ Mewö jiba yengöreñök kunñan jike nup galöm bohonñangö welenqegeñi qeba kezapñi ölni köteköi erök.

⁵¹ Erökmö, Jisösnöñ melenñda “Mönö mosötket!” jiba welenqegeñi kezapñi yandiyöhi, mi misiriiga ölöwahök.

⁵² Ölöwahiga kinda jike nup galömurup, jikegö kiripo galöm bohonñi aka kantrigö jittjememe yeñön Jisös membingö kañgotkeri, mi kewö jii mötket, “Ni kegwek-kahasiliñ azia qahöpmö, töndup nöngöra mewö möta bimgö sou ketañi aka liñgip memba kañgotze.”⁵³ “Nöñön wehön dop jöwöwöl jikenöñ embuk malbiga iñini böröñini börañda ni qahö nömiget. Mi qahöpmö, döлки söñaupkö ösumñan luhut ala aukñe asuhuiga engö nalöñinan kam kunguza.” Mewö.

Pitönöñ Jisös qañ kölök.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yeñön Jisös memba jöhöba wañgita jike nup galöm bohonñangö mire anget. Angetka Pitönöñ andöñine sikepsikep enñuatangöba anök. ⁵⁵ Mianğöreñ anda jakömbuak mirigö kiripo uruñe geba sombem bibiñe könöp ohoba mohotñe tatket. Pitönöñ mewöñanök yengö sutñine tarök. ⁵⁶ Tari welenqege ambi kunñan Pitönöñ könöp kösutñe tari ehiba kewö jiyök, “Azi kianñön mönö mewöyök yambuk malök.”

⁵⁷ Mewö jiyökmö, Pitönöñ qañ köla kewö jiyök, “Ambi, ni i qahö möt wañgizal.”

⁵⁸ Mewö jiba tari kude köriiga azi kunñan eka jiyök, “Gi mewöyök yengöreñök kun akzan.” Mewö jiyökmö, Pitönöñ meleşnök, “Alani, ni qahö.”

⁵⁹ Aua mohotkö dop teköiga kunñan keu mi kunbuk kapañ köla jiyök, “Azi kianñön mewöyök ölna yambuk malök. Yañön mönö Galili azia akza.”

⁶⁰ Mewö jiyökmö, Pitönöñ meleşnök, “Azi, keu jizani, mi köndatzal.” Mewö jiba kiniga mianğöreñök kuruk qerök.

⁶¹ Qeriga Kembunöñ liliñgöba Pitö uba ehiga mianğöreñök keuñi kewö jiyöhi, mi mötmöriyök, ‘Gi merak indimñi karöbut qañ köl niñginöñga kuruknöñ qetma.’ ⁶² Keu mi mötmöriiba wösöñi julmamgö aiga yaigep geba sahöt böliyök. Mewö.

Jisös jim gönahit ak wañgiget.

Mat 26.67-68; Mak 14.63-65

⁶³ Yarö azi Jisös memba jöhögeri, yeñön mepaqepaik ak wañgiba kinda qeapköget. ⁶⁴ Qeapköba jemesoholñi esuhuba qesiba jiget, “Gi kezapqetok azia akzananğöra dañön guhuzawi, mönö yañgö qetñi qetnöñ!” ⁶⁵ Mewö jiba gwötpuk tereñqereñda ilita jim qetal wañgiget. Mewö.

¹ 22.53 Luk 19.47; 21.37

Jikegö jitnememe yeñön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶Jim qetal wañgiba malgetka miri gianjiiga kantrigö jitnememe aka jike nup galöm aka Köna keugö böhi yeñön tokoba Jisös wañgita Juda yeñgö jike kaunsöl kambu yeñgö jeñine alget.

⁶⁷Miañgöreñ algetka jiget, “Göñön Amötqeçe Toñi Kraist akzan ewö, mi mönö aukñe pañ jinöñga mötpin.” Mewö jigetka melenök, “Mi jibi mötpeaha kun, mi mönö qahö möt narime. ⁶⁸Me qesim engibileñaha kun, mi mönö qahö meleñ ningime. ⁶⁹Mewö mötzalmö, nalö kewöñeyök könahiba Suep gölmegö azi öñi yañön mönö Anutu, kukösum Toñangö böröñi öñe tata malma.”

⁷⁰Mewö jiiga miañgöreñök körekñanök kewö jiba qesiget, “Öñaha, gi Anutugö nahöñña akzan me qahö?” Mewö qesigetka kewö meleñ eñgiyök, “Mi akzalañgö keuñi mönö nanñinak jize.” ⁷¹Meleñ eñgiiga jiget, “Nanñak uñemuñem (guñemguñem) keuñi mönö nanñi numbuñan jiiga möt teközin. Miañgöra tosatñan keuñi nañgömegöra mönö wuanöñgöra kunbuk qesim eñgibinak?” Mewö.

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Jon 18.28-38

23 ¹Mewö jiiga kambu körek yeñön wahöta Jisös wañgita premiö Pailötköreñ anget. ²Yañgöreñ anda könahiba sileñe keu ala undeñda kewö jiget, “Azi kĩañgö könañi kewö eka mörin: Yañön ambazip kuñgum eñgiiga eñololoñ aka karim asuhumakze. Nini Sisa kiñgö takis kude almegöra soñgo alakza. Nanñangöra ‘Ni Amötqeçe Toñi Kraist aka kiñ akzal,’ jimakza.”

³Mewö jigetka Pailötnöñ kewö qesim wañgiyök, “Öñaha, gi Juda yeñgö kiña akzan me qahö?” Qesim wañgiiga Jisösnöñ meleñda jiyök, “Mönö nangak jizani, mewö.”

⁴Pailötnöñ jike nup galöm aka ambazip kambu yeñgöra kewö jii mötket, “Nöñön azi kĩañgö pinjitñi kun qahö miwikñaizal.”

⁵Mewö jii möta kunbuk kapañ köla kuñguba jiget, “Yañön mönö ambazip kambu kuñgum eñgiba Buñañi Galili prowinsnöñ könahiba kusum eñgiba gölme dop köla kaba Judia prowins kĩañgöreñ mewöyök mi jim sehimakza.”

⁶Mewö jiget möta qesim eñgiba jiyök, “I Galili azia me akza qahö?” ⁷Mewö jiiga “Mönö mi!” jiget möta Herodnöñ Galili aka prowins tosatñi mindiriba galöm köñ eñgiba nalö miañgöreñök Jerusalem sitinöñ kaba malöhi, miañgöra Pailötnöñ Jisös Herodköreñ wañgita anget. Mewö.

Jisösnöñ kiñ Herodkö jeñe kinök.

⁸Herodnöñ Jisösgö kösohotñi möta lök nalö köröpñi ekñamgö sihimñi möta malöhañgöra i eka uruñan gwötpuk ölöwahök. Jisösnöñ añgöletot

kun meiga ekɲamgö al mamböta malök. ⁹Miaɲgöra qeqesi gwötpuk Jisös qesim waɲgiyök. Mi qesim waɲgiyökmö, Jisösnöɲ likepɲi kun qahö jii mörök.

¹⁰Jike nup galöm aka Köna keugö böhi yeɲön kinda silenöɲ alal keu könöɲɲambuk jim waɲgiget. ¹¹Herodnöɲ yarö aziurupɲi yembuk Jisös memba et ala jijiwilit aka mepaqepaik mem waɲgiget. Mewö aka maluku aködampungambuk kun löngöt waɲgiget kini melaiiga kunbuk premiö Pailötkö jeɲe anök. ¹²Mutuk Pailöt aka Herod yetkön kerök-kerök ak aɲguba malohora nalö miaɲgöreɲ ala-ala ahot. Mewö.

Pailötnöɲ Jisös kömumapkö jim teköyök.

Mat 27.15-26; Mak 15.6-15; Jon 18.39–19.16

¹³Jisösnöɲ kaiga premiö Pailötnöɲ jike nup galöm aka galömkölköl aziurupɲi aka ambazip kambu öröm eɲgii tokoget. ¹⁴Tokogetka kewö jii mötket, “Iɲini azi ki kewö jiba nöɲgöreɲ waɲgita kaze, ‘Yaɲön ambazip kambu kuɲgum eɲgiiga eɲololon ahakze.’ Mötket! Iɲini keu silene aljei, nöɲön miaɲgö könaɲi eɲgö jeɲine kewöta kewö miwikɲaizal: Iɲini azi kiaɲgö silene keu aljei pakpak, miaɲön pinjitɲi qahö akza. ¹⁵Herodnöɲ keu mewöɲanök jiba melaiiga kunbuk neɲgöreɲ kaza. Mötket, yaɲön yuai pinjitɲambuk kun qahö ahök. Miaɲgöra kömupkö buɲaya akɲapakö osima. ¹⁶Miaɲgöra nöɲön jibi yarö azi yeɲön ihileknöhök qegetka pösatpi etma.” ¹⁷(Pailötnöɲ yambu (yara) dop Pasowa sösöɲgai nalöɲe kösö mireyök azi mohok pösat eɲgimalɲapma.)

¹⁸Mewö jiiga yeɲön körebörek silata qeta jiget, “Ia mönö yapmakek! Barabas mönö pösat neɲginöɲ.” ¹⁹Barabas miaɲön sitinöɲ karim gila malgeri, yeɲgö galömɲina aka azi kun qei kömuyöhi, miaɲgöra kösö mire alget tarök.

²⁰Pailötnöɲ Jisös pösatmamgö möta keu kunbuk jiyök. ²¹Jiyökmö, yeɲön qetala öraɲböraɲ misiba qet gigilahöget, “Maripomnöɲ qeget! Maripomnöɲ qeget!”

²²Qet gigilahögetka yaɲön keu indimɲi karöbut kewö jiyök, “Yaɲön mönö wani bölonja ahök? Nöɲön yaɲgöreɲ pinjit kun kude miwikɲaibiga kömupkö buɲaya akɲawaɲgö dop qahö akza. Mewö aiga nöɲön jibi yarö azi yeɲön ihileknöhök qegetka pösatpi etma.”

²³Mewö jiyökmö, yeɲön jakbak memba kapaɲ köla toroqeba qet gigilahöba qetket, ‘Jisös maripomnöɲ qeget kömuma.’ Mewö qeta Pailötköreɲ keu mi qeapköget. ²⁴Qeapkögetka Pailötnöɲ keuɲini baɲɲe anda keu kapaɲ köla jigeri, miaɲgö ölni ahumapkö jim teköyök. ²⁵Jim teköba Barabas etmapkö kapaɲ kölgeraɲgöra i pösari erök. I karim qeba malgeri, yeɲgö galömɲina aka azi kun qei kömuyöhi, miaɲgöra kösö mire alget tarök. Mi pösari erökmö, Jisös sihimɲinaɲgö dop jaunɲauranɲa ak waɲgimegöra böronjine alök. Mewö.

Jisös maripomnöj qeget.

Mat 27.32-44; Mak 15.21-32; Jon 19.17-27

²⁶Pailötnöj Jisös böröjine aliga waŋgita köna namŋe anda Afrika siti qetŋi Sairini miangö azi kun qetŋi Saimon miwikŋaiget. Yaŋon nupnöhök kaŋgoriga jim kutum waŋgiba Jisösgö maripomŋi waŋgita yaŋgö awötŋe algetka aŋguba wuatangöba anök.

²⁷Mewö aniga ambazip kambu ketanŋi yeŋon luluŋda andöŋe wuatangöba anget. Yeŋgö sutŋine ambi tosatŋan mewöyök jingey köla sahöta anget.

²⁸Sahöta angetka Jisösnöj lilingöba eŋgeka kewö jiyök, “O Jerusalem ambi, iŋini mönö nöngöra kude sahötket. Nöngöra qahöpmö, nanŋini aka nahönböratuŋrupŋini miengöra mönö sahötme. ²⁹Mötket! Könaŋep nalö kun kai miangöreŋ kewö jime, ‘Ambi köpin mi simbawoŋ. Gölöm qahö ala morö kude megeri, mi simbawoŋ akze. Nahönbörat juzu eŋgiba qahö dohongögeri, mi simbawoŋ.’ ³⁰“Nalö miangöreŋ ambazipnöj könahiba kundunŋi Toŋi yeŋgöra kewö uletme, ‘Iŋini mönö kundunŋi mi jigetka teköba qaknine öŋgöme.’ Aka sem siagö Toŋi mi kewö ulet eŋgime, ‘Iŋini mönö baŋetŋine asamböt neŋgime.’

³¹“Nöŋon Anutugöreŋ ip gwölögwölö akzal aka nöngöra töndup kewö ak niŋgize. Iŋini ip köhömunŋi siŋgisöndokŋinambuk könöp sihit qeba kinje. Miangöra Anutunöj likepŋi melen eŋgiiga könöpnöj amqeqeŋanök eŋgohotiriiga sihimbölö öŋgöŋgöŋi mötme.”

³²Bölöŋi meme yahöt mi mewöyök Jisösbuk mohotŋe etkubingöra etkuangita anget. ³³Anda gölme qetŋi Nöröpsihit qetzei, miangöreŋ aŋgota Jisös maripomnöj qeget. Qeba bölöŋi meme yahöt mi mohotŋe kun ölje kun qaniŋe likeplikep mewö etkuget. ³⁴“Mewö aketmö, Jisösnöj jiyök, “Iwini, yeŋon yuai akzei, miangö könaŋi qahö möt kutuzeangöra siŋgisöndokŋini mönö mosöt eŋgiman.”

Qeget kiniga Jisösgö sile esuŋangöra kiawen megetka qötöŋi ahui miangö dop mendenŋa meget.

³⁵“Mewö aketka ambazip kambu yeŋon kindi mi uba eket. Eketmö, Juda jitŋememe yeŋon mewöyök mepaqepaik mem waŋgiba kewö jiget, “Anutunöj möwölöhöm waŋgii Amötqeqe Toŋi Kraist akza ewö, tosatŋi bauköm eŋgiba malöhaŋon mönö nanŋi bauköm aŋguma.”

³⁶“Yarö azi yeŋon mewöyök keu gönahit jiba ilita kösutŋe anda wain o asölŋambuk kusahöla memba öŋgöba waŋgiba ³⁷kewö jiget, “Gi Juda yeŋgöreŋ kiŋ kembuya akzan ewö, mönö ölop nangi bauköm aŋguman.”

³⁸Nöröpŋe eu kulem kun kewö ohoget kinök, “Juda yeŋgö kiŋ kembuŋina ki.”

“ 23.30 Hos 10.8; Ind 6.16 v 23.34 Sum 22.18 w 23.35 Sum 22.7 x 23.36 Sum 69.21

³⁹Kegwek-kahasililih azi yahöt mohotŋe möndögetka kingeri, yetköreŋök kunŋan uruqeŋe keu töhöreŋ Jisös jim waŋgiba kewö jiyök, “Gi Amötqeŋe Tonji Kraist akzan ewö, mönö nangi bauköba niri mewöyök bauköm netkinöŋ.”

⁴⁰Mewö jiyökmö, alaŋan jim waŋgiba kewö jiyök, “Gi gödaŋeŋeŋeŋi qahö. Gi Anutugöra mewöyök keŋgötki qahö mötzan me? Yeŋön jim teköba sihimbölä öröröŋ neŋgigetka bisizin. ⁴¹Niri ölna pinjit ahiraŋgöra likepŋi dopŋe melenŋa ak netkigetka sihimbölä mötzi. Mi mötziŋmö, azi kiaŋön bölöŋi kun qahö aiga ia töndup ayuhuze.” ⁴²Mewö jiba jiyök, “Jisös, gi bemtohoŋgahö uruŋe aŋgotmani, miaŋgöreŋ mönö ni mötmörim niŋgiman.”

⁴³Jiiga kewö jiyök, “Nöŋön keu ölna jibi mötnöŋ: Göŋön mönö merak nömbuk oyaenŋkoyaen mire öŋgöba malman.” Mewö.

Jisösnöŋ kömuyök.

Mat 27.45-56; Mak 15.33-41; Jon 19.28-30

⁴⁴Silim bibiŋi 12 kilok aiga wehön jeŋi böuleiiga söŋaupnöŋ eta gölme pakpak dop köla ahöiga anda aua karöbutkö dop ahök. ⁴⁵Nalö miaŋgöreŋ jöwöwöl jike uruŋe opo kinöhi, miaŋön mönö euyök bibiŋe jurata eta yahöt ahök. ⁴⁶Jisösnöŋ nalö miaŋgöreŋ köhöikŋanök qeta kewö jiyök, “Iwini, nöŋön uŋani göhö böroge aljal.” Mewö jiba söŋgöro ösum kondikŋi öroba kömuyök.

⁴⁷Kömuiga yuai asuhuyöhi, suahö galömnöŋ mi eka Anutu möpöseiba kewö jiyök, “Yaŋön mönö ölna azi solanŋa akza.”

⁴⁸Ambazip kambu pakpak mi ekingö kaba tokogeri, yeŋön yuai mi asuhui eka wösöŋini juliga nörop gila mohot mohot miriŋine anget. ⁴⁹Angetmö, ambazip pakpak Jisös möt waŋgigeri, yeŋön sikep kindi i uba eket. Ambi tosatŋan Jisös wuatangöba Galiliyök kageri, yeŋön mewöyök kindi mi eket. Mewö.

Jisösgö qamötŋi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹Juda yeŋgöreŋ taon qetŋi Arimatia miaŋgöreŋök azi ölöpŋi qetbuŋaŋambuk qetŋi Josef yaŋön mewöyök kayök. Yaŋön Anutu bemtohoŋgö ölni asuhumapköra mamböta malök. Yaŋön Juda yeŋgö jike kaunsöl kambugö jitŋememe mala Jisösgö keu jim jöhöba akeri, miaŋgö urumohok qahö ahök.

⁵²Yaŋön Pailötköreŋ anda Jisösgö qamötŋi memamgö qesiyök. ⁵³Qesiba öŋgöba qamötŋi maripomnöhök qeköba memba eta opo tuatŋan esuhuyök. Esuhuba memba qaksirinöŋ anda köt köteŋ kun urorohoba qamöt kun

† 23.45 Eks 26.31-33 ‡ 23.46 Sum 31.5 § 23.49 Luk 8.2-3

mianğoreñ qahö algeri, Jisösgö qamötñi mi mianğoreñ alök. ⁵⁴Sabat kendon tatatkö yuaiñi mözözömgögeri, mianğö wehön jeñi gemamğö ahök.

⁵⁵Gemamğö aiga ambi Jisösbuk Galiliyök kageri, yeñön Josefğö könaje qaksirinöñ anda yañön Jisösgö qamötñi memba köt köteññöñ alöhi, mi eket. ⁵⁶^bMianğoreñök liliñgöba mire anda jiniñ suamburup umköhökambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnöñ Köna keunöñ Sabat kendongöra jim kutui ahöyöhi, mi wuatangöba luhut memba ösöñ tatket. Mewö.

Jisösnöñ kömupnöhök wahörök.

Mat 28.1-10; Mak 16.1-8; Jon 20.1-10

24 ¹Sabat kendon tatket teköiga Sonda söñanök miri gianjiiga ambi yeñön wahöta jiniñ jimoron umköhökambuk mözözömgögeri, mi memba qaksirinöñ anget. ²Anda kunjan qaksirigö numbuñe köt ketañi qetali ani eket. ³Mi eka köt köteñ uruñe öñgögetmö, Kembu Jisösgö qamötñi qahö miwikñaget. ⁴Mianğöra mötkurumkurum möta kingetka azi yahöt malukuñiri tuatñi kölköl-bilikbilikñambuk yetkön wösöñine kinohotka etkeket.

⁵Mi etkeka awöwöliba gölmenöñ geba dapkögetka kewö jiyohot mötket, “Jebuk mal köhöizawi, i mönö denöwögöra kömukömuñi yeñgö sutñine jaruze? ⁶Yañön ki qahö ahözapmö, mönö guliba wahötza. Galili prowinsnöñ mala keu jii mötkeri, mi mönö mötmörime: ⁷Yañön kewö jiyök, ‘Kunöñ Suep gölmegö azi ölni mamalolo mem wanjiiga bölöñi meme yeñgö böröñine geiga maripomnöñ qeget kömumba wehön karöbut aiga guliba wahötma.’”

⁸Mewö jiyohotka keuñi mi mötmötñine angoriga mötmöriget. ⁹Mewö mötmöriba qaksirinöhök liliñgöba kaba yuai pakpak asuhuyöhi, mianğö buzup keuñi mi gwarek 11 aka tosatñi pakpak yeñgöra jiget mötket. ¹⁰Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñi yembuk malgeri, yeñön mi kaba aposol yeñgöra jiget mötket.

¹¹Buzup keu mi jiget mötketmö, keu jigeri, mi keu omanñi tandök ahöhi, mewö mötmöriba mi qahö möt nariget. ¹²Qahö möt narigetmö, Pitönöñ wahöta ösumñan qaksirinöñ anda köt köteñ uruñe ui aniga opo esu miyök mianğoreñ tari ehök. Mi eka yuai asuhuyöhi, mi nanñök mötmöriba welipköba mire liliñgöyök. Mewö.

Gwarek yahötñan Emeus könanöñ anohot.

Mak 16.12-13

¹³Wehön mianğoreñök Jisösgö gwarekurupñi yeñgöreñök yahötñan Jerusalem siti mosöta miri qetñi Emeus sewen mail mianğoreñ anbitkö

^b 23.56 Eks 20.10; Dut 5.14 ^c 24.6-7 Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

anohot. ¹⁴Könanön anda yuai asuhuyöhi, mi pakpak nanñirök eraum mörohot. ¹⁵Mi eraum möta könañi jim lömböriba anohotka Jisösnön nanjak kösutñire angota mohotje anget. ¹⁶Angetmö, jeñiri közamböri i qahö ek kutuyohot. ¹⁷Qahö ek kutuyohotka kewö jiyök, “Inñiri nanñirök wani keuya könanön eraum möta kazahot?” Mewö jiiga dörok mitiba wösöbirik jeje uba eka kinohot.

¹⁸Eka kinda yetköreñök kun qetñi Kliopas yañön kewö qesim wañgiyök, “Pasowa kendonön yuai asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

¹⁹Qesim wañgiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yañön kezapqetok azia mala Anutu aka ambazip pakpak yeñgö jeñine ahakmeme kukösumñambuk aka keu köhöikñi jiba malök. ²⁰Mewö maliga neñgö jike nup galömnini aka galömkölköl aziurupninan i wañgita premiögö böröñe algetka kömumapkö jim teköi maripomnön qeget kömuyök. ²¹Yañön Israel könagesönini kösönöhök pösata sohopnini memapköra al mamböta jörömqöröm aka malinmö, Ye! i mönö qeget kömuyök. Yuai mi asuhuiga mala koringa merak sömañi karöbut lök akza.

²²“Mi qahö dop köliga merak neñgöreñök ambi tosatñan keunön kuñguba welipköm neñgiget maljin. Yeñön söñan amandine qaksirinön anda, ²³qamötñi qahö miwikñaiba lilingöba kewö jize, “Nini Suep garata yahötkö jemelen imut ehinga yetköñ ‘Jisösnön guliba malja,’ ” jiyohotka mötzin. ²⁴Keu mi möta azi nembuk maljei, yeñgöreñök tosatñan qaksirinön anda ambi yeñön keu jizei, miangö dop ahöiga ekze. Löm gwamönñi ekzemö, nanñi qahö ekze.”

²⁵Keu mi möta kewö jii mörohot, “Ye! Inñini kezapqetok yeñön keu jigeri, mi pakpak mönö wuanöngöra ölanbölan aka ajojohoba gawönjeje mala qahö möt narize? ²⁶Amötqeqe Toñi Kraistnön sihimbölö mewöñi mötagun nanñi asakmararañ uruñe öngöma. Miangö dop ohoget ahöza me qahö?” ²⁷Mewö jii mörohotka Moses aka kezapqetok ambazip pakpak yeñön keu jigeri, miangöreñök könahiba nanñañgöra keuñi pakpak ohoget ahözawi, miangö könañi jim asarim etkiyök.

²⁸Jim asarim etkiba anda miri anbitkö jiba anohori, mi dopdowiba miangöreñ toroqeba anmamgö mörök. ²⁹Mewö mörökmö, yetköñ kapañ köl wañgiba kewö jiyohot, “Miri mare aiga wehön jeñan lök gemamgö akza. Miangöra ölop netpuk tata ahöman.” Mewö jiyohotka yetpuk mire öngöba tatket. ³⁰Tata yetpuk nene nembangö aka beret memba kötuatköba mindipköba etkimamgö aiga yuai kewö asuhuyök:

³¹Miangöreñök jeñiran tohoiga ek kutuyohotka at atop (jiatatoñ) köliga kunbuk qahö ehot. ³²Mewö aiga nanñirök kewö eraum mörohot, “Köna namñe Buña Kimbigö keu jiba könañi jim asarim netkizawi, nalö miangöreñök mönö urunire köñöp jezawañgö dop mötzit.”

³³Mewö jiba miangörenjök wahöta Jerusalem sitinöj lilingöba angota gwarekurupji 11 aka alaurup yembuk tokoba tatkeri, mi miwiknjaim enjgiyohot. ³⁴Miwiknjaim enjgiyohotka kewö jiget mörohot, “Kembunöj mönö ölña wahöta Saimongörenj asuhum wanjiza.”

³⁵Mewö jigetka nanjirak könänöj yuai asuhuyök aka beret mindipköyöhi, nalö miangörenj urujiri tohoiga möt kutuyohot, miangö kösohotji mem enjgiyohot. Mewö.

Jisösnöj gwarek kambuji asuhum enjgiyök.

Mat 28.16-20; Mak 16.14-18; Jon 20.19-23; Apo 1.6-8

³⁶Gwarekurupji yejön keu mi eraum möta tatketka miangörenjök Jisösnöj nanjak sutjine asuhuba kinda kewö jiyök, “Alaurupni, luainöj embuk ahöma!”

³⁷Mewö jiiga kenjötporij aka jönömjinini undui “Öme imura ekzin,” mewö mötmöriget. ³⁸Mewö mötmörigetmö, kewö jii mötket, “Injini denöwögöra auruba mötmöt mewöni urujine ahuza? ³⁹Ni nanak ki maljal. Mi nanjinak köna böröni uba eka mötme. Öme imut mi bususihitjini qahö. Ni bususihitnambuk kinbi nekze. Mönö nömisiriba nek kömume.”

⁴⁰Mewö jiba köna böröni kondel enjgiyök. ⁴¹Kondel enjgiyökmö, mi sösöngaininangöra töndup qahö möt nariba welipköba tatketka kewö qesiba jiyök, “Nenenamjini kun ki tatza me qahö?” ⁴²Mewö jiiga söra jejeji miangö kitipji kun wanjiget. ⁴³Wanjigetka memba neiga eket.

⁴⁴Neiga eketka kewö jii mötket, “Ni embuk mala nalö miangörenj keu jibi mötkeri, miangö ölñi nalö kiangörenj asuhui ekze. Nöjön kewö jiba malal: Nöngö keu mi Mosesgö Köna keu aka kezapqetok azi yejögö Buzup Kimbi aka Sumbara (Buja lijet) buknoj ohoget ahözawi, mi pakpak mönö ölñambuk ak teköma.”

⁴⁵Mewö jii mötketka miangörenjök Buja Kimbigö könäni möt kutumegöra urujini metohoyök. ⁴⁶Metohoba kewö jii mötket, “Keu kewö ohoget ahöza: Kraistnöj sihimbölö möta kömumba sömanji karöbut aiga kömupnöhök wahötma. ⁴⁷Miangöra enjön mönö Jerusalem sitinöj könahiba Buja keu nöngö qetne jim asariba kantri pakpak dop köla anda uru kuñgum enjimakje. Denike yejön urujini melenjmei, Anutunöj mönö yejögö sijgisöndokjini mosöta sanjoñma.

⁴⁸“Keu mi ölñambuk ahök aka akjawi, injini mi asuhui eka nanjögöba jiba dangunu ewö kinme. ⁴⁹^dMötket! Iwinan kalem enjgimapkö keu jöhöyöhi, nöjön i melalbiga urujine gema. Euyangörenjök kukösum albi qakjine öngöma. Injini siti kiangörenj miangöra mamböta tata malme.” Mewö.

^d 24.49 Apo 1.4

Jisösnöŋ Suep mire öŋgöyök.*Mat 16.19-20; Apo 1.9-11*

⁵⁰ Jisösnöŋ keuŋi jim teköba gwarekurupŋi enġuaŋgita anda Betani miri kösutŋe aŋgota miaŋgöreŋ böröŋi mem wahöta kötuetköm enġiyök. ⁵¹ Kötuetköm enġiiga miaŋgöreŋök Anutunöŋ waŋgiriga enġömosöta Suepnöŋ öŋgöyök. ⁵² Öŋgöiga söŋŋgai ketanŋi möta sipköba waikŋi memba möpöseim waŋgiba Jerusalem lilingöget. ⁵³ Lilingöba sundan dop jöwöwöl jikenöŋ mala Anutu möpöseim waŋgiba malget. Mewö.

^e 24.50-51 Apo 1.9-11